




通考

自三百二十八至三百三十三

五十四

112
100
54





特
412
100
54



文獻通考卷之三百二十八

宋鄱陽 馬 端臨 貴與 著
明蘄陽 馮 天馭 應 編

四裔考 南

杜氏通典邊防總序曰南蠻其在唐虞與之要質故曰要服
夏商之時漸為邊患暨于周代黨眾彌盛故詩曰蠢爾荆蠻
大邦為讐至楚王時蠻與羅子共敗楚師殺其將屈瑕莫教不設
備故敗繼于荒谷楚師復振遂屬於楚及吳起相悼王南并
蠻越遂有洞庭蒼梧之地今長沙衡陽等郡也秦昭王使將伐楚略取
蠻夷置黔中郡今武陵澧陽及黔中諸郡也漢興以後時有寇盜其西
南諸夷夜郎之屬悉平定置郡縣今夜郎播州捷公孫述時
夜郎大姓為漢保境後漢初從番禺江奉貢光武建武中武
陵蠻師單程今武陵澧陽黔中寧夷大寇郡縣漢將劉尚戰

敗數歲方平順帝時武陵太守增其租賦蠻又舉種反殺鄉吏東晉時沔中蠻因劉石亂後漸徙於陸渾以南徧滿山谷宋齊以後荆雍二州今荆南江陵郡雍州襄陽郡各置校尉以撫寧之羣蠻酋帥互受南北朝封爵至後魏末暴患滋甚僭稱侯王屯據峽路斷絕行旅周武帝遣陸騰大破之其獠初因蜀李勢亂後自蜀漢山谷出侵擾郡縣至梁時州郡每歲伐獠以自利及後周平梁益漢梁川益蜀川自爾遂同華人矣以其黔中東謝自古不臣中國唐貞觀以後置羈縻州領之

盤瓠種

盤瓠種昔帝嘗時患犬戎入寇乃訪募天下有能得犬戎之異將軍頭者妻以少女時帝有畜狗名曰盤瓠遂銜其將軍首而至于乃以女配之杜氏通典曰按范曄後漢史蠻夷傳皆怪誕不且因而商略之曄云高辛氏冀能得犬戎之將軍頭者購黃金千鎰邑萬家妻以少女按黃金周以前為斤秦以二十兩為鎰

三代以前分土自秦漢分人又周未始有將軍之官其與姓自周命氏曄皆以高辛之代何不詳之甚又宋史曄被殺後於獄中與諸甥姪書自敘云六夷諸序論筆勢放縱實天下之奇作其中合者往往不減過秦篇當共北方班氏非但不愧之而巴按班賈序事豈復語怪而曄純盤瓠得女負走入南山之南即五溪止石穴中生六男六女因自相夫妻織績木皮染以草實好五色衣服製裁皆有尾形衣裳班蘭語言侏離其後滋蔓號曰蠻夷有邑君長名渠師曰精夫相呼為媿徒說文曰媿我也鳥所居皆深山重阻人跡罕至長沙黔中五溪蠻皆是也辰一漢興改為武陵郡今武陵醴陽黔中寧夷盧溪歲令大人輸布一疋小口二丈是謂賔布說文曰賔南雖時為寇盜而郡國討平之後漢光武建武二十三年十二月武陵蠻精夫相單程等大寇郡縣遣武威將軍劉尚發南郡今江陵巴長沙今長沙武陵今武陵武陵今武陵兵萬餘人乘船泝流自沅水入武溪擊之元

出洋柯故出出洋柯故出靈溪長沙巴陵郡入尚輕敵深入悉為

所沒又遣伏波將軍馬援將兵至臨沅今武陵郡縣地擊破之

單程等饑困乞降會援病卒謂者宗均為置吏以司之羣蠻遂

平歷章和安順四朝累反叛攻劫州郡討平之永和初武陵太

守上書以蠻夷卒服可比漢人增其租賦議者皆以為可尚書

令虞詡獨奏曰自古聖王不臣異俗非德不能及威不能加其

獸心貪婪難率以禮是故羈縻而綏撫之附則受而不逆叛則

棄而不追先帝舊典貢稅多少所由來久矣今猥增之必有怨

叛計其所得不償所費帝不從其冬澧中蠻澧水出今澧陽郡縣澧音

果爭布非舊約遂殺鄉吏舉種反自後至桓靈二帝又累反

叛攻劫州郡討破之蜀先主章武初吳將李異屯巫梯歸今巴東郡

縣先主遣將軍吳班攻破之於是武陵五溪蠻夷相率響應今黔

中道謂其後種落布在諸郡縣居武陵者為五溪蠻而宜都天

之五溪

門巴東建平江北諸郡蠻所居皆深山重阻人跡罕至自晉

劉石亂後諸蠻無所忌憚故其族漸得北遷陸渾以南滿於山

谷宛洛蕭條略為丘墟矣魏道武泰常八年蠻王梅安率渠帥

數千朝京師求留質子以表忠款詔拜官褒慰之延興中太陽

蠻首桓誕誕玄子玄計誕十擁河水以北澧葉以南八萬餘落

遣使內附孝文嘉之拜誕征南將軍荊州刺史襄陽王後降為

公其後蠻首田益宗雷婆思等俱率衆內屬景明三年魯陽蠻

伯鷲四年東荊州蠻樊素等反俱討平之永寧初東荊州表太

守桓叔興前後招慰太楊蠻歸附者一萬七百戶請置郡十六

縣五十詔從之叔興誕之子也三年梁遣兵討江馮破掠諸蠻

遣兵擊走之其後累遣將圍廣陵楚城諸蠻並為前驅自汝水

以南蠻暴掠連年攻討散而復合其暴滋甚又有冉氏田氏向

氏者陬落尤甚餘則大者萬家小者千戶更相崇僭稱王侯屯

三

據三峽斷過水路荆蜀行人至有假道者周文略定伊瀘聲教南被諸蠻畏服武成初文州蠻及冉令賢向五子等叛討平之隋置辰州以處蠻唐置錦州溪州巫州敘州皆其地也唐季蠻酋分據其地自署刺史晉天福中馬希範襲父業有湖南溪州刺史彭士愁等以溪錦蔣州歸馬氏立銅柱為界宋建隆四年慕容延釗平湖湘知溪州彭允林前溪州刺史田洪贊等列狀歸順詔仍其官父死則以其子繼之太平興國二年梅山洞蠻首領率眾寇劫商人詔遣使招諭猶寇暴不止乃發潭州兵擊平之八年溪錦敘富四州蠻相率詣辰州願比內郡民輸租稅詔不許自後首領入貢不絕每加賞賜存恤之最大者曰彭氏彭氏世有溪州州有三曰上中下又有龍賜天賜忠順保靜感化永順州六懿安遠新給富來寧南順高州十一總二十州皆置刺史而以下溪州刺史兼都誓王十九州皆隸焉謂之誓下州

誓下州將承襲都誓王率蠻酋合議于孫若弟姪親黨人當立者具州名移辰州州為保證申鈐轄司以聞迺賜勅告印符受命者隔江北望拜謝州有知案副使及校吏聽自補置彭氏自允殊文勇儒猛相繼為下溪州刺史天禧中儒猛叛亡辰州發兵捕之執其子仕漢等歸京師儒猛降授仕漢殿直處之西京後輒遣歸天聖初以狀白辰州自言父老兄亡潛歸本道願放還家屬詔徙其家京師舍以官第未幾儒猛言仕漢逃歸引羣蠻為亂遣別子仕端等殺人朝廷嘉其忠降詔獎諭自咸平以來始聽二十州納貢歲有賜蠻以為利有罪則絕之熙寧初天子方用兵以威四夷湖北提刑趙鼎言峽州洞酋刻剝無度蠻眾願內附屬辰州布衣張翹亦上書言南北江利害遂以章惇察訪湖北經制蠻事北江諸蠻隸辰州在黔之西南阻五溪漢黔中地為羈縻州三十六而下溪州為大彭氏世居之南江諸

蠻曰辰州達于長沙各有溪峒本唐郡縣五代失守諸酋分據其地曰叙曰峽曰中勝曰元則舒氏居之曰獎曰錦曰懿曰晃則田氏居之曰富曰鶴曰保順曰天賜曰古則向氏居之惇旣經制於是南江之舒氏北江之彭氏梅山之蘇氏誠州之楊氏相繼納土創立城寨使之北內地為王民置沅誠二州元祐初傳堯俞等言置二州以來設官屯兵費巨萬計公私騷然荆湖兩路為之空竭乃廢誠州為渠陽軍而沅州至今為郡時朝廷方務休息痛懲邀功生事者廣西張整融州温嵩坐擅殺蠻人皆寘之罪詔諭湖南北及廣西路曰國家疆理四海務在柔遠頃荆湖諸蠻近漢者無所統壹因其請吏量置城邑以撫治之邊臣邀功獻議創融州道路侵逼洞穴致生疑懼朝廷知其無用旋即廢罷邊吏失於撫遏遂爾扇搖其叛酋楊晟臺等並免追討諸路所開道路創置堡寨並廢自後五溪郡縣棄而不問

崇寧以來開邊拓土之議復熾於是安化上三州及思廣洞蒙光明樂安洞程大法都丹團黃光明靖州西道楊再立辰州覃都管罵等各願納土輸貢賦又令廣西招納左右江四百五十餘洞宣和中議者以為招致熟蕃接武請吏竭金帛繒絮以啗其欲捐高爵厚俸以侈其心開辟荒蕪草創城邑張皇事勢僥倖賞恩入版圖者存虛名充府庫者亡實利不毛之地既不可耕狼子野心頑又莫革建築之後西南夷獠交寇而溪洞之蠻亦復跳梁士卒死於干戈官吏沒於王事生民肝腦塗地往往有之以此知納土之議非徒亡益而又害之所由生也莫若俾帥臣監司條具建築以來財用出入之數商較利病可省者省可併者併減戍兵省漕運而夷狄可撫邊鄙可亡患矣乃詔悉廢所置初郡復祖宗之舊云崇寧初改誠州為靖州紹興初監察御史明橐言溪洞歸明官應湖南邊郡及二廣皆有之自崇

觀以來員數寔多當時務要優卹添差州郡指使及酒稅之類
本不取其才任及諸州措置隘寨闕人把拓又令管押兵夫而
所管押者皆鄉民也其歸明官生長溪峒初無愛民之意亦不
習朝廷法令貪婪無厭鞭笞摧辱無所赴愬議者欲令帥臣措
置適宜既不致歸明官失所生怨亦無使遠民受害詔廣南荆
湖路帥臣措置以聞隆興初右正言尹穡言湖南州縣地界與
溪峒蠻徭連接以故省民與徭人交結往來擅易田產其間豪
猾大姓規免稅役多以產寄徭人戶下內虧國賦外滋邊隙省
地與徭人相連舊有界至者宜詔湖南帥臣遣吏親詣其處明
立封堠自今不許省民將田產典賣與徭人及私以產業寄隱
若已前賣入徭戶難以遽行改追止令置籍如徭人願退還省
地田產者縣以官錢代還之仍委曲榜諭從之嘉泰三年湖南
安撫趙亮勵言湖南九郡皆與溪峒相接其地闊遠南接二廣

北連湖右其人狼子野心不能長保其無事或因饑饉或因讐
怨或因劫掠或至殺傷州縣稍失隄防則不安巢穴越界生事
為今日計莫若先事選擇土豪為徭人所信服者為總首以任
彈壓之責潛以馭之凡細微爭鬪止令總首彈壓開諭勸解自
無浸淫之患蓋總首者語言嗜好皆與之同朝夕相接婚姻相
通習知其利害審察其情偽而其力足以惠利之每遇饑歲則
糴粟以賑其困乏徭人莫不感悅而聽從其言若先借補名目
使得籍此以榮其身而見重於鄉曲彼必自愛惜而盡忠於公
家如此則徭民之眾可坐以制之然亦須五年彈壓委有勞効
然後正補以所借之官所捐者虛名所得者實利安邊之策莫
急於此詔令本路諸司相度條具諸司言趙亮勵所言謂以蠻
徭治蠻徭其策莫良宜詔本路監司遵守從之嘉定初柳州黑
風峒徭人羅世傳出掠省地飛虎統制邊寧戰歿遂為江西湖

南之擾明年知隆興府趙希懌知潭州史彌堅同共招降之二
年李元礪羅孟二又率眾犯江西攻破龍泉縣知隆興府王居
安擒獲之七年臣僚言夫熟戶山徭峒丁有田不許擅鬻頃畝
多寡山畬闊狹各有界至任其耕種但以丁名繫籍每丁量納
課米三斗悉無其他科配熟戶山徭峒丁樂其有田之可耕生
界有警極力為衛蓋欲保守田業也近年以來生界徭獠其沒
省地而州縣無以禁戢者皆繇不能遵守良法有以致之夫溪
峒之專係山徭峒丁田地不許與省民交易蓋慮其窮困而無
所顧籍不為我用今州郡謾不加恩山徭峒丁有田者悉聽其
與省民交易但利牙契所得而又省民得田輸稅在版籍常賦
之外可以資郡帑泛用而山徭峒丁之米掛籍自如催督嚴峻
多不聊生往往奔入生界溪峒受雇以贍口腹或為鄉導或為
徒伴引惹生界出沒省地駸駸不已為害甚大宜明勅湖廣監

司行下諸郡凡屬溪峒山徭峒丁田業不得擅與省民交易犯
者以違制論仍歸其田庶山徭峒丁有田可耕不致妄生邊釁
實綏靖遠民之良策從之

石湖范氏桂海虞衡志徭本盤瓠之後其地山溪高深介於
巴蜀湖廣間綿亘數千里椎髻跣足衣班欄布褐名為徭而
實不供征役各自以遠近為伍以木葉覆屋種禾黍粟豆山
芋雜以為糧截竹筒而炊暇則獵食山獸以續食嶺登險阨
負戴者悉著背上繩繫於額僂而趨俗喜讐殺猜忍輕死又
能忍饑行鬪左腰長刀右負大弩手長鎗上下山險若飛兒
始能行燒鐵石烙其跟蹠使頑木不仁故能履棘茨根枿而
不傷兒始生秤之以鐵如其重漬之毒水兒長大煨其鋼以
製刀終身用之試刀必斬牛仰刃牛項下以肩負刀一負即
殊者良刀也弩名偏架弩隨跳躍中以一足蹶張背手傳矢

往往命中鎗名掉鎗長二丈餘徒以護弩不恃以取勝戰則一弩一鎗相將而前執鎗者前卻不常以衛弩執弩者口銜刀而手射人敵或冒刃逼之鎗無所施弩人釋弩取口中刀奮擊以救度險整其行列退去必有伏弩土軍弓手輩與之角技藝爭地利往往不能決勝也歲首祭盤瓠雜揉魚肉酒飯於木槽扣槽羣號為禮十月朔日各以聚落祭都貝大王男女各成列連袂相携而舞謂之踏徭意相得則男咿嗚躍之女羣負所愛去遂為夫婦不由父母其無配者俟來歲再會女三年無所向父母或欲殺之以其為人所棄云樂有盧沙銃鼓胡盧笙竹笛之屬其合樂時衆音競闕擊竹笛以為節團樂跳躍呼噪以相之歲暮羣操樂入省地州縣扣人門乞錢米酒炙如儼然徭之屬桂林者與安靈川臨桂義寧古縣諸邑皆迫近山徭最強者曰羅曼徭麻園徭其餘如黃沙

甲石嶺屯褒江贈脚黃村赤水藍思巾江棟江定花冷石白面黃意大利小平灘頭丹江閃江等徭不可勝數山谷間稻田無幾天少雨種不收無所得食則四出犯省地求斗升以免死久乃玩狎雖豐歲猶剽掠沿邊省民與徭犬牙者風聲氣習及筋力技藝略相當或與通婚姻結怨仇往往為徭鄉道而分鹵獲徭既目識徑路遂數數侵軼邊民遂不能誰何攻害田廬剽穀粟牛畜無歲無之踉蹌篁竹飄忽往來州縣覺知則已趨入巢穴官軍不可入但分屯路口山多蹊不可以徧防加久成勞費又徭人常以山貨沙板滑石之屬竊與省民博塩米山田易旱乾若一切閉截無所得食且冒死突出為毒滋烈沿邊省民因與交關或侵負之與締仇怨則又私出相讐殺余既得其所以然乾道九年夏遣吏經理之悉罷官軍專用邊民籍其可用者七千餘人分為五十團立

之長副階級相制毋得與僭通為之器械教習使可捍小寇
 不得報官僭犯一團諸團鳴鼓應之次告諭近僭亦視省民
 相團結毋得犯法則通其博易之路不然絕之彼見邊民已
 結形格勢禁不可輕犯幸得通博買有鹽米之利皆驩然聽
 命最後擇勇敢吏將桑江歸順五十二僭頭首深入生徑羅
 曼等洞尤狼戾素不賓化者亦以近僭利害諭之悉從乃為
 置博易場二一在義寧一在融州之榮溪天子誕節首領得
 赴屬縣與犒宴諸僭大悅伍籍遂定保鄣隱然萬一遠僭弗
 率必須先破近僭近僭欲動亦須先勝邊團始能越至城郭
 然亦難矣既數月諸僭團長表臺等數十人詣經略司謁謝
 悉紫袍中裹橫挺犒以銀盃綵繩鹽酒勞遣之又各以誓狀
 來其略云某等既充山職今當鈴束男姪男行持棒女行把
 麻任從出入不得生事者上有太陽下有地宿其翻背者生
 兒成驢生女成猪舉家滅絕不得翻面說好背面說惡不得
 偷寒送暖上山同路下水同船男兒帶刀同一邊一點一齊
 同殺盜賊不用此款者並依山例山例者誅殺也蠻語鄙陋
 不欲沒其實略志于此余承乏帥事二年諸僭無一跡及省
 地遂具以條約上聞詔許遵守行之

廩君種

廩君種不知何代初巴氏樊氏驪氏相氏鄭氏五姓皆出於
 武落鍾離山至今夷陵郡巴山縣其山有赤黑二穴巴氏之子生於赤穴
 四姓之子皆生黑穴未有君長共立巴氏子務相是為廩君從
 夷水下至鹽陽按今夷陵郡巴山縣清江水一名夷水廩君於
 是君乎夷城四姓皆臣之巴梁間諸巴皆是也即巴漢之地按
 四姓之子未有君長俱事鬼神乃共櫛劍於石穴約能并者奉
 以為君務相乃櫛中之又令各乘土船約能浮者當以為君餘
 姓悉沉櫓務相獨浮因共立之是為廩君乃乘土船從夷水下
 鹽陽鹽水有神女謂廩君曰此地廣大魚鹽所出願留共居廩

君不許墟神暮輒來宿誌朝即化為蟲與諸蟲羣飛掩蔽日光

天地晦冥積十餘日稟君伺其便因射殺之天乃開明廩君於

是居于夷城四姓皆臣之廩君死魂魄化為白虎巴戰國時秦

氏以虎飲人血故以人祠焉是皆怪誕以此不取

惠王并巴中以巴氏為蠻夷君長其人歲出賦二千一十六錢

三歲一出義賦千八百錢其人戶出蒙布八丈二尺雞羽三十

鎊說文曰檉布南軍蠻夷布也檉音公亞反毛詩四維既均儀

也儀鎊矢一乘鄭玄曰鎊猶侯也侯物而射之三十鎊百三千

音侯漢興南郡太守靳強奏請一依秦時故事至光武建武二

十三年南郡秦澹山蠻雷遷等始反叛音澹武威將軍劉尚討

破之徙其種人七千餘口至江夏界其中後沔中蠻是也漢之

郡今竟陵富水陸齊安和帝永元十三年巫蠻許聖等漢之

漢陽江夏新春郡地是也以郡收稅不均反叛發荊州諸郡兵今江陵夷陵澧

巫山縣也討破之復悉徙置江夏靈帝光和三年江夏蠻復反寇

患累年廬江太守陸康討破之漢廬江即漢末張魯居漢中以

鬼道教百姓賓人敬信巫覡多往奉之值天下大亂自巴西之

岩渠遷于漢中楊車坡抄掠行旅百姓患之號為車巴魏武克

漢中李特之祖將五百餘家歸之拜為將軍遷于略陽北土號

之為巴氏特父慕為東羌獵將特少仕州縣見異當時雄武沉

毅有大度元康中氏齊萬年反關中擾亂頻歲大饑百姓流移

就食相與入漢川者數萬特隨流入入蜀聚巴西勇壯為寇盜

遂據梁益傳其弟流子雄僭即帝位傳班期壽勢六世而亡

板楯蠻

板楯蠻秦昭襄王時有一白虎於蜀巴漢之境傷害千餘人昭

王乃募有能殺虎者賞邑萬家時有巴郡閬中夷今閬中廖仲

等射殺白虎昭王以其夷人不欲加封乃刻石盟要復夷人頃

田不租十妻不筭一戶免其一頃田之租稅傷人者論殺人得

以贖錢贖死何承天纂文曰贖蠻夷盟曰秦犯夷輸黃龍二雙

夷犯秦輸清酒一鍾夷人安之至漢高帝為漢王發夷人還三

劉宋

秦今關中地既定乃遣還巴中復其渠帥羅朴督鄂度夕龔
七姓不輸租賦餘戶乃歲入口錢四十巴人呼賊為賓謂之賓
人焉代號為板楯蠻夷閩中有渝水其人多居水左右天性勁
勇初為漢前鋒數陷陣俗喜歌舞高帝命樂人習之所謂巴渝
舞也遂代代服從至後漢以後郡守常率以征伐靈帝光和三
年巴郡板楯蠻叛今通川南平涪陵南川清化雲安始寧
巴川南賓南浦閬中南充安岳盛山等郡地
則巴川之寇掠三蜀及漢中諸郡即漢川諸郡今漢中安康
帝乃問益州計吏考以征伐方略漢中計程苞對曰板楯七姓
以射殺白虎立功先代復為羗人其人勇猛善戰昔安帝永初
中羗人漢川郡縣破壞得板楯救之羗死敗殆盡故號為神兵
至桓帝建和二年羗復大入實賴板楯連摧破之前車騎將軍
馮緄南征武陵本及亦倚板楯以成其功近益州郡縣亂今漢
也太守李顯之亦以板楯討而平之忠功如此本無惡心但

長吏鄉亭更賦至重僕役箠楚過於奴虜闕庭悠遠不能自聞
含怨呼天叩心窮谷故邑落相聚以致叛戾非有謀主僭號以
圖不軌今但遣明能牧守自然安集不煩征伐也帝從其言遣
太守曹謙宣詔赦之即皆降服及漢末天下亂自巴西之宕渠
今符遷于漢中楊車坂抄掠行旅號為楊車巴魏武克漢中李
陽郡特祖將五百家歸之魏武又遷於略陽北復號之為巴互略陽
水郡龍蜀後主劉禪建興十一年涪陵屬國人夷反今涪陵車
城縣騎將軍鄧芝往討皆破平之其馮中蠻至晉時劉石亂後漸得
北遷陸渾以南滿於山谷宋時荊州置南蠻校尉今江陵郡巴
等郡雍州置寧蠻校尉以領之今襄陽南如蠻人順附者一戶
輸穀數斛其餘無事宋人賦役嚴苦貧者不復堪命多逃亡入
蠻蠻無徭役強者又不供官稅結黨連郡動有數百千人州郡
力弱則起為盜賊種類稍多戶口不可知也文帝元嘉中天門

今澧陽郡地 澧中令宋矯之僞賦過重蠻不堪命蠻田向求等為寇

破澧中虜掠百姓及劉道產善撫諸蠻前後不附官者莫不順

服皆引出平土多緣沔為居道產亡後蠻又反叛孝武帝出為

雍州時巴東今巴東郡建平今巴東郡宜都今夷陵郡天門四郡蠻為寇諸郡

人戶流散自不存一孝武即位後大明中西陽蠻今七縣皆反叛

沈慶之率江雍荆河州諸軍討破之江今潯陽郡陽章郡臨川

同安郡也明帝順帝時尤甚雖遣攻討終不能禁荆州為之虛

弊齊高帝時武陵西溪蠻田思飄武帝永明初黔陽蠻田豆渠

武陵黔陽皆湘川蠻陳雙李咨並寇掠州郡討平之沙衡陽也

其後雍司州蠻今陽義郡與後魏通助荒人桓天生侵害齊境

六年除田駟路為試守北遂安左郡太守田驢王為試守宜人

左郡太守田何代為試守新平左郡太守皆郢州蠻帥並漢沔

其左郡亦汝地焉後魏孝文太和中襄陽蠻酋雷婆思率戶千餘內徙求居太和

川詔給廩食後開南陽全有沔北之地今武當南陽蠻人安堵

不為寇賊宣武帝景明初大陽蠻酋田育丘等共二萬八千戶

叛齊附魏詔置四郡十八縣魯陽蠻今臨汝郡魯山縣也魯北鷲等聚眾

萬餘攻逼潁陽詔遣左衛將軍李崇討平之斬級數千徙萬餘

家於河北諸州及六鎮尋叛南走六鎮今單于府所在追討北

及於河殺之皆盡梁武帝遣兵沔沔破掠諸蠻又遣蔡令孫等

三將步騎五千侵南荆之西沿漢上下今襄陽郡之上破略諸

蠻後魏遣蠻帥桓叔率蠻夏二萬餘人擊之斬令孫等俘虜二

千餘人其後因六鎮秦今天水隴今汧陽所在反叛荆今南陽

地郢今汝南蠻大擾動斷三鵝路今南陽郡向城至於襄城今

汝水處處鈔劫百姓多被其害自後魏與宋齊梁之時淮

汝江漢間諸蠻渠帥互有所屬皆授封爵焉及魏末為暴滋甚

有冉氏向氏田氏者陬落尤甚大者萬家小者千戶更相崇樹
僭稱王侯屯據三岐斷遏水路荆蜀行人至有假道者西魏文
帝大統十一年沔漢諸蠻擾動大將軍楊忠擊破之其唐州蠻
田魯嘉示叛唐州今淮安郡自號荆河州伯遣王淮討之後周明帝時
蠻帥冉令賢向五子王等反攻陷白帝今雲安郡武帝天和初詔開
府陸騰討斬之蠻眾大潰斬首萬餘級騰乃積其骸骨於水邏
城側為京觀後蠻蠻見者輒大號哭自此狼戾之心輟矣信州
舊理白帝騰更於蜀先主故城南八陣之北臨江岸築城移置
信州又以巫縣信陵律歸今雲安巴東二郡界並是峽中要險於是築城
置坊以為襟帶焉按後漢史其在峽中巴梁間則為廩君之後種落
繁盛侵擾州郡或移徙
交雜亦不可得詳別焉
通典言按後漢史其在黔中五溪長沙間者則為盤瓠之
種其在峽中巴梁間者則為廩君之後其後種落繁盛侵

擾州郡或移徙交錯不可得而詳別今按通典所敘板楯
蠻魏晉以後之事南史謂之荆揚蠻北史謂之蠻獠而俱
以為其源出自盤瓠不言板楯然六朝時蠻漸徙而之北
則亦無由究其源流宗派矣姑兩存之

南平蠻

南平蠻東距智州南屬渝州西接南州北涪州戶四千餘多瘴
癘山有毒草沙虱蝮蛇人樓居梯而上名為干欄婦人橫布二
幅穿中貫其首號曰通繆美髮髻垂於後竹筒三寸斜穿其耳
貴者飾以珠璫俗女多男少婦人任後婚法女先以貨求男貧
者無以嫁則賣為婢男子左袒露髮徒跣其王姓朱氏號劍荔
王唐貞觀三年遣使內款以其地隸渝州又有甯氏世為南平
渠帥陳末以其帥猛力為寧越太守陳亡自以為與陳叔寶同
目而生當代為天子乃不入朝隋兵阻瘴不能進猛力死子長

真襲刺史及討林邑長具出兵攻其後又率部落從征遼東煬
帝授官遣還又以其族人甯宜為合浦太守隋亂皆以其地附
蕭銑武德初以寧越鬱林之地降自是交愛諸州始通長真死
子據襲刺史其地西南接烏蠻昆明哥蠻大小播州部族數十
居之宋治平中熟夷李光吉梁秀等三族據其地各有眾數千
家間以威勢誘脅漢戶有不從者屠之沒入土田徃徃投充客
戶謂之納身稅賦皆里胥代償藏匿亡命數以其徒偽為生獠
劫邊民官軍追捕輒避去習以為常密賂黠民覘守令動靜稍
築城堡繕器甲遠近畏之熙寧三年轉運使孫固判官張詵使
兵馬使馮儀棄簡杜安行圖之以禍福開諭因進兵復賓化寨
平蕩三族以其地賦民凡得租三萬五百石絲綿一萬六千兩
以賓化寨為隆化縣隸涪州建榮懿扶歡兩寨其外銅佛垣者
隸滄州南州縣地皆膏腴自光吉等平他部族據有之朝廷因

補其土人王才進充巡檢委之控扼才進死部族無所統數出
盜邊朝廷命熊本討平之建垣為南平軍以渝州南州涪州隆
化隸焉元豐四年有揚光震者助官軍破乞弟殺其黨阿訛大
觀二年木攀首領趙秦播州夷族楊光榮各以地內屬詔建漆
播二州後皆廢

東謝

東謝渠帥姓謝氏南蠻別種在黔中之東地方千里其俗無文
字刻木為約巢居刀劍不離其身冠熊皮披猛獸革首長名元
深代襲其一族不育女自云高姓不可下嫁唐貞觀三年元深
入朝冠烏熊皮冠若今之旄頭以金絡額身披毛帔韋皮行滕
而著履貞觀中開其地為應州隸黔州都督府

今黔中郡所
管羈縻州

西趙

西趙蠻在東謝之南並南蠻別種其界東至夷子西至昆明南

至西洱河山洞深阻莫知里數南北十八日行東西二十三日行其風俗與東謝同趙氏代為酋長者萬餘戶自古不臣中國唐貞觀三年遣使入朝二十一年以其地置朝州以首領趙唐為刺史

牂牁

牂牁渠帥姓謝氏舊臣中國代為本土牧守隋末大亂遂絕唐貞觀中其首遣使修職貢勝兵戰士數萬於是列其地為牂牁唐黔中郡昆明蠻一曰昆彌以西洱河為境即葉榆河也距京羅摩州師九千里土畝濕宜秔稻人辮首左衽與突厥同逐水草畜牧夏處高山冬入深谷尚戰死惡病亡勝兵數萬武德中雋州治中古偉使南寧因至其國諭使朝貢求內屬發兵戍守自是歲與牂牁使皆來龍朔三年矩州刺史謝法成招慰北樓等七千內附總章三年置祿火湯望州咸亨三年昆明十四姓率戶

二萬內附析其地為殷州總州敦州以安輯之殷州居戎州西北總州居西南敦州居南遠不過五百餘里近三百里其後又置盤麻等四十一州皆以首領為刺史昆明九百里即牂牁國也兵數出侵地數千里元和八年上表請盡歸牂牁故地開成元年鬼主阿颯內屬會昌中封其別帥為羅殿王世襲爵其後又封別帥為滇王皆牂牁蠻也東距辰州二千四百里其南千五百里即交州也無城郭土熟多霖雨稻粟再熟無徭役戰乃屯聚刻木為契盜者倍三而償殺人者牛馬三十俗與東謝同首領亦姓謝氏

兖州

兖州牂牁別部與牂牁鄰境勝兵二萬唐黔中郡唐貞觀中朝貢列其地為兖州開元中牂牁酋長元齊死孫嘉鑿襲官封其後乃以趙氏為酋長天寶中其裔趙珍裔有戰功閣羅鳳叛宰

相楊國忠授珍齋黔中都督屢敗南詔護王溪十餘年天下方
亂其部獨寧終工部尚書貞元元和以訖開成朝貢不絕
石湖范氏桂海虞衡志曰南方曰蠻亦曰西南蕃今郡縣之
外羈縻州洞雖故皆蠻地猶近省民供稅後故不以蠻命之
過羈縻則謂之化外真蠻矣區落連亘湖廣接于西戎種類
殊詭不可勝計此等前世蓋嘗內附建黔南帥府於融州以
統之今融帥已罷一切化外也融在徭洞之南蕃蠻之東蕃
蠻時出州縣城郭以密臘草香等貿易每歲聖節亦有出赴
燕設者其稱大小張大小王龍石騰謝等謂之西南蕃地與
牂牁人椎髻跣足或着木履衣青花斑布以射獵讐殺為
事持木牌標鎗木弩藥箭相鈔掠而峩州以西又有羅坐夜
回計利流求萬壽多嶺阿悞等蠻謂之蠻酋酋自謂太保大
抵與山獠相似但有首領耳其人椎髻以白紙繫之云尚與

諸葛武侯制服也西南蕃俗大抵介別男夫甚剛妻女甚潔
夫婦異居妻所居深藏不見人夫過其妻掛劍於門而後入
或期於深山不褻穢其居謂否則鬼神禍之此諸蠻皆未嘗
為害故其事亦不能詳知又有漢蠻者十年前大理馬至橫
山此蠻亦附以來衣服與中國略同能通華言自云本諸葛
武侯戍兵聞其種人絕少按三國志初無留戍事唐史有西
屠夷乃馬伏波兵留不去者初止十戶隋末至三百戶皆姓
馬號馬留人與林邑分唐境疑漢蠻即此類其南連邕州南
江之外稍有名稱者羅殿自杞以國名羅孔特磨白衣九道
等以道名此皆成聚落地皆近南詔羅在融宜之西邕之西
北唐會昌中封其帥為羅殿王世襲爵歲以馬至橫山互市
亦有移至邕稱守羅國王羅呂押馬者稱西南謝蕃知武州
節度使都大照會羅殿國文字按唐史東謝蠻居黔州西謝

氏世酋長部落尊畏之然則謝蕃蓋羅殿之巨室又知其地
近牂牁自杞本小蠻尤兇狡嗜利其賣馬於橫山少拂意即
拔刃向人亦嘗有所殺傷邕管亦殺數蠻以相當事乃已今
其國王曰阿已生三歲而立其臣阿謝柄國善撫其衆諸蠻
比多附之至有精騎萬計阿已年十七阿謝乃歸國政阿已
猶舉國以聽之諸蠻之至邕管賣馬者風聲氣習大抵略同
其人多深目長身黑而白牙以錦纏椎髻短褐徒跣戴笠荷
羶珥刷牙金環約臂背長刀腰弩箭箠腋下佩皮篋曾至腰
駢束麻索以便乘馬取馬於羣但持長繩走前擲馬首絡之
一投必中刀長三尺甚利出自大理者尤奇性好潔數人共
飯一椀中植一七置杯水其傍少長共七而食探七於水抄
飯一哺許搏之椀令圓淨始加之七上躍以入口蓋不欲汚
七妨他人每飯極少飲酒亦止一杯數噉婚能盡蓋腰腹束

於繩故也食塩禁胡椒不食羶肉食已必刷齒故常皓然甚
惡穢氣野次有如必坎而覆之邕人每以此制其忿戾投以
穢器輒躍馬驚走

獠

獠蓋蠻之別種徃代初出自梁益之間自漢中達于邛笮川谷
之間所在皆有北自漢中西南及越雋俗不辯姓氏又無名字
所生男女長幼次第呼之其丈夫稱阿暮阿改婦人阿夷阿等
之類皆其語之次第稱謂也依樹積木以居其上名曰干欄干
欄大小隨其家之口數徃徃推一酋帥為主亦不能遠相統攝
父死則子繼若中國之黨族也獠王各有鼓角一雙使其子弟
自吹擊之好殺害多仇怨不敢遠行性同禽獸至於忿怒父子
不相避唯手有兵刃者先殺之若殺其父走避於外求得一狗
以謝其母然後敢歸母得狗謝不復嫌恨若報怨相攻擊必殺

而食之遞相劫掠不避親戚賣如猪狗而已亡失兒女一哭便止被賣者號哭不服逃竄避之乃將買人捕逐若亡叛獲便縛之但經被縛者即服為賤隸不敢更稱良矣唯執楯持矛不識弓矢用竹為簧羣聚鼓之以為音節為紉布色至鮮淨大狗一頭買一生口性尤畏鬼所殺之人美鬚髯者必剝其面皮籠之於竹及燥號之曰鬼鼓舞祀之以求福利俗尚淫祀至有賣其昆季妻孥盡者乃自賣以供祭焉鑄銅為器大口寬腹名曰銅爨既薄且輕易於熟食蜀本無獠晉李勢時諸獠始出巴西渠川廣漢陽安資中犍為梓潼今蜀川之內布在山谷十餘萬落攻破郡縣為益州大患自桓温破蜀之後力不能制又蜀人東流山險之地多空獠遂挾山傍谷與人參居參居者頗輸租賦在深山者乃為匪人至梁武帝梁益二州今漢川蜀郡縣也歲歲伐獠以自裨潤公私頗藉為利後魏宣武帝正始初將夏侯道遷舉漢中

附魏宣武帝遣尚書邢巒為梁益二州刺史以鎮之其後以梁益二州控攝嶮遠乃立巴州在今清化郡以統諸獠後以巴酋帥嚴始欣為刺史又立隆城鎮隆城所統獠二十萬戶所謂北獠也歲輸租布魏明帝孝昌初據城叛入梁益二州並遣將討之攻陷巴州執始欣斬之後梁州為梁氏所陷今漢中郡自此又屬梁矣後周武帝平梁建武武平之益尉遲迥今所在撫慰其與華人雜居者亦頗從賦役然天性暴亂旋致擾動每歲命隨近州鎮出兵討之獲其生口以充賤吏謂之壓獠焉復有商旅往來者亦資以為貨公卿逮于庶之家有獠口者多矣其種類滋蔓保據巖壑依林走險若履平地性又無知殆同禽獸諸夷之中最難以道義招懷也劔南諸獠唐武德貞觀間數寇州縣者不一巴州山獠王為警叛梁州都督龐玉梟其首又破餘黨符陽白石二縣獠其後眉州獠反益州行臺郭行方大破之未幾又破洪

雅二州獠俘男女五千口是歲益州獠亦反都督竇軌請擊之
太宗報曰獠依山險當拊以恩信脅人以兵威豈為人父母意
邪貞觀七年東西玉洞獠反以右屯衛大將軍張士貴為龔州
道行軍總管討平之十二年巫州獠叛夔州都督齊善行擊破
之俘男女三千餘口鈞州獠叛桂州都督張寶德討平之明州
山獠又叛交州都督李道彥擊走之是歲巴洋集壁四州山獠
叛攻巴州遣右武侯將軍上官懷仁破之于壁州虜男女萬餘
明年遂平十四年羅賓諸獠叛以廣州都督党仁弘為竇州道
行軍總管擊之虜男女七千餘人太宗再伐高麗為船劔南諸
獠皆半後雅印眉三州獠不堪其擾相率叛詔發隴右峽兵二
萬以茂州都督張士貴為雅州道行總管與右衛將軍梁建方
平之高宗初琰州獠叛梓州都督謝萬歲充州刺史謝法興黔
州都督李孟嘗討之萬歲法興入洞招慰遇害顯慶二年羅賓

生獠酋領多胡桑率衆內附上元末納州獠叛寇故茂都掌二
縣殺吏民焚解舍詔黔州都督發兵擊之大曆二年桂州山獠
叛陷州刺史李良遁去貞元中嘉州綏山縣婆籠州生獠酋領
甫枳兄弟誘生蠻為亂剽居人西州節度使韋臯斬人招其首
領勇于等出降或請增柵東陵界以守軍不從曰無戎而城害
所生也獠亦自是不擾境戎瀘間有葛獠居依山谷林菁踰數
百里俗喜叛州縣撫視不至必合黨數千人持排而戰奉酋帥
為王號曰婆能出入前後植旗大中末昌瀘二州刺史貪沓以
弱繒及羊疆獠市米麥一斛得直不及半羣獠訴曰當為賊取
死耳刺史召二吏榜之曰皆爾屬為之非吾過獠相視太笑遂
叛立酋長始艾為王踰梓潼所過焚剽刺史劉成師誘降其黨
斬首領七十餘人餘衆遁至東川節度使柳仲郢諭降之始艾
稽首請罪仲郢貫遣之

石湖范氏桂海虞衡志曰獠依山林而居無酋長板籍蠶之
荒忽無常者也以射生食動為活蟲多能蠕動者皆取食無
年甲姓名一村中推有勇力者曰郎火餘但稱火歲首以土
杯十二貯水隨辰位布列郎火禱焉乃集眾往觀若寅有水
而卯涸則知正月雨二月旱自以不差諸蕃歲賣馬於官道
其境必要取貨及鹽牛否則梗馬路官亦以鹽綵和謝之其
稍稍漸有名稱曰上下者則入蠻類舊傳獠有飛頭鑿齒鼻
飲白衫花面赤棍之屬二十一種今右江西南一帶甚多殆
百餘種唐房千里異物至言獠婦生子即出夫憊卧如乳婦
不謹則病其妻乃無苦唐志言飛頭獠者頭欲飛周項有痕
如縷妻子共守之及夜如病頭忽亡比旦還又有烏武獠地
多瘴毒中者不能飲藥故自鑿齒

文獻通考卷之三百二十八

文獻通考卷之三百二十九

宋鄱陽 馬 端臨 貴與 著

明蘄陽 馮 天馥 應房 校刊

四裔考 夜郎國

夜郎國今夜郎播川漢時西南夷君長以十數夜郎最大在

蜀郡徼外東接交趾西鄰滇國今雲南其國鄰牂牁江江廣數

里出番禺城下戰國時楚頃襄王遣將莊蹻從沅水伐夜郎軍

池以且蘭有椽船牂牁處乃改其名為牂牁其地多雨潦俗

好巫禁忌寡畜產又無桑蠶故最貧鈎町有桄榔木可以為麵

百姓資之鈎町漢以為屬牂牁郡武帝時唐蒙上書曰竊聞

夜郎精兵可得十餘萬浮船牂牁江出不意此制南越奇兵也

乃拜蒙為郎中遂見夜郎侯蒙厚賜諭以威德夜郎貪漢繒帛

以為漢道險終不能有也乃且蒙約還報乃以為犍為郡今犍

文獻通考卷之三百二十九

安仁壽通義和發巴巴郡今涪州等十郡卒蜀郡今蜀郡蒙陽

郡亦曰理道自樊道指犍江蜀人司馬相如亦言西夷邛笮

屬蜀郡當是時巴蜀四郡漢中廣漢巴郡今漢通西南夷道戍

轉相饗占餉數歲道不通士罷餓離濕離音疫死者甚眾夷又

數反發兵興擊耗費無功帝患之使公孫弘往視問焉還言其

不便時方築朔方據河逐胡弘因數言西南夷為害通西南夷

可且罷專力事匈奴上罷西夷獨置南夷兩縣一都尉及元狩

元年張騫言使大夏時見蜀布邛竹杖問所從來曰從東南身

毒國即天竺也可數千里得蜀賈人市或聞邛西可二千里有身毒

國於是乃令王然于閒出西南夷往身毒國至滇道皆為昆明

所閉昆明在今越莫能通身毒及南越反上使發南夷兵且蘭

君小邑乃與其眾反漢發巴蜀校尉擊破之遂平南夷為犍

郡今涪州夜郎侯始倚南越越滅恐懼遂入朝封為夜郎

王昭帝始元中犍犍談指同並等二十四邑凡三萬餘人皆反

之後姑繒葉榆人復反鈞町侯亡波率其人擊之有功漢立亡

波為鈞町王至成帝河平中夜郎王興與鈞町王禹漏卧侯俞

遠不可擊遣太中大夫張匡持節和解並不從杜欽說王鳳曰

張匡和解蠻夷王侯不從不憚國威其効可見恐議者懼

更復守和解撰學出儒不前之意太守察動靜有變廼以聞如

此則復曠一時曠空也一時三月言王侯得收獵其眾申固其

謀黨助眾多各不勝忿必相殄滅自知罪成狂守尉言起狂

而殺遠藏温暑毒草之地雖有孫吳之將賁育之士若入水火

往必焦沒智勇俱亡所設施屯田備守之費不可勝量宜因其

禾

罪惡未成未疑國家加誅陰勅旁郡守尉練士馬大司農先調

穀積要害處調發也要害者在選任職太守往以秋涼時入誅

其王侯尤不軌者即以不毛之地亡用之人聖王不以勞中

國即猶若也不毛宜罷郡放棄其人絕其王侯勿復通如以先

帝所立累代之功不可隳壞亦宜因其萌芽早斷絕之反已成

形然後師興則萬姓被害矣鳳於是薦陳立為犂柯太守至犂

柯迺從吏數十人出行縣召典興將數千人往立數責因斷典

頭出曉其眾皆釋兵降典子邪務收餘兵迫脅旁二十邑反立

又擊平之公孫述時大姓龍傳尹董氏與郡功曹謝暹保境為

漢乃遣使從番禺江奉貢番禺江今南海郡光武嘉之並加褒賞桓帝

時郡人尹政乃從汝南許慎應奉受經書學成還鄉里教授自

是南域始有學焉政官至荊州刺史後漢史云有女子流於水有節大竹流入足問

刺之得一男兒養之及長自立為夜郎侯以竹為姓武帝元鼎

以竹王非血氣所生甚重之求為

子乃封其三子為侯死配食其父按

又按漢書其夜郎侯降封王不言殺

焉得云竹王被殺後封其子為侯與

為怪詭也大抵范曄著述多稱詭異

能書何以辨正則因習纂錄不復刊

革云

唐置費珍莊琰播郎梓夷等州其地北距充州百五十里東距

辰州二千四百里南距交州一千五百里西距昆明九百里無

城郭散居村落土多霖雨稻粟皆再熟無徭役將征戰乃屯聚

刻木為契其法劫盜者償其主三倍殺人者出牛馬三十頭與

其家以贖死疾病無醫藥但擊銅砂羅以祀神風俗與東謝蠻

同隋大業末首領謝龍羽據其地勝兵數萬人唐末王建據西

川由是不通中國後唐天成二年犂柯清河刺史宋朝化等一

百五十人來朝孟知祥據蜀復不通朝貢宋乾德三年平蜀五

年知西南蕃南寧州蕃落使龍亮瑄等來貢詔授以官開寶二

年武才等一百四十人來貢八年三十九部順化王子若廢等

三百七十人來貢馬百六十四匹丹砂千兩太平興國五年蕃王龍瓊瑠遣其子并諸州蠻七百四十七人以方物名馬來貢自是至景德朝貢不絕太宗召見其使詢以地里風俗譯對曰地去宜州陸行四十五日土宜五穀多種杭稻以木弩射麋鹿充食每三二百戶為一州州有長殺人者不償死出家以贖國王居有城郭無壁壘官府惟短垣光進說與前書所記小異故并敘之上因令作本國歌舞一人吹瓢笙如蚊蚋聲良久數十輩連袂宛轉而舞以足頓地為節詢其曲則名曰水曲其使十數輩從者千餘人皆蓬髮面目黧黑狀如猿猴使者衣虎皮毳裘以虎尾插首為飾大中祥符以後頗為寇抄轉運使寇瑊調兵擊之夷人寧息天聖以來訖于元符貢奉其首領龍氏於諸姓為最大世世襲職貢奉尤頻使者但衣布袍至假伶人之衣入見蓋貧賤所異者恩賞而已賜以袍帶等物至刺其數於臂

故事蠻夷入貢雖交趾干闥之屬皆御前殿見之獨此諸蕃見於後殿蓋卑之也諸蕃部族數十獨龍方張石羅五姓最著號五姓蠻其後又有程氏韋氏皆此附五姓故號西南七番云

滇

滇者漢時在夜郎之西靡莫之屬滇最大靡莫西南微外始楚項襄王使將軍莊躋躋即莊王之苗裔居略反將兵循江上略巴黔以西今清江始寧咸安符陽巴川南躋至滇池方三百里在今雲南賓南浦是其地也黔即黔中躋至滇池池旁以兵威定屬西北水源深廣未更淺楚欲歸報會秦擊楚巴黔中郡道塞不通因以其眾王滇變服從其俗以長之為其長帥也按史記及漢書皆云楚威王使黔中郡因其眾王滇後十餘歲秦滅之又按楚自威王後懷王立三十年至項襄王之二十二年秦昭襄王遣兵攻楚取巫黔中郡也後漢史則云項襄王時莊躋王滇豪即躋也若莊躋自威王時將兵略地屬秦陷巫黔中郡道塞不還凡經五十二年豈得如此淹父或恐史記誤班生因習便書范曄所記詳考為正又按躋王滇後十五年項襄王卒考烈王立二十五

帝時滇王有眾數萬人元封二年發巴蜀兵臨滇滇王舉國降

請置吏入朝於是以為益州郡今雲南郡賜滇王王印長復其人

王印滇小邑也最寵焉後王莽篡位改漢制貶鈞町王為侯蠻

夷盡反莽遣平蠻將軍馮茂發巴蜀健為吏士賦取足於人以

擊益州出入三年疾疫死者什七巴蜀騷動更遣寧始將軍廉

丹大發天水隴西騎士廣漢蜀健為吏人十萬轉輸者合二十

萬人擊之不能剋而還公孫述據益土文齊為太守亦固守拒

述後漢初遣使朝謁建武十八年夷渠帥棟蠡與姑復葉榆

棟連然滇池建伶昆明諸種反叛殺長吏漢姑復縣屬越嵩郡

擊之尚軍遂渡瀘水入益州郡界瀘水一名若水族牛徽外經

有瘴氣羣夷聞大兵至皆棄壘奔走向獲其羸弱殺畜斬棟蠡

師凡首虜萬餘人諸夷悉平至蜀後主建興二年諸葛孔明率

眾南征四郡平之改益州郡為建寧分建寧永昌今雲南為雲

南郡又分建寧牂牁為興古郡先至南中所戰皆捷孟獲首為

於營陣之間問曰此軍何如獲曰不知虛實故敗定易勝耳亮

縱使更戰七縱七擒而亮猶遣漢獲止去曰公天威也南人不

復反矣遂至滇池南中平皆即渠率而用之或以諫亮亮曰

印都

印都漢時自滇以北君長十數印都最大今越嵩郡自夜郎滇

印都人皆椎髻左衽處聚而居如耕田其外西曰桐師以東北

至葉榆葉榆名名為嵩昆明嵩即今越嵩郡昆明地方數千里無

君長辮髮隨畜遷徙無常武帝開以為印都縣屬越嵩郡無幾

夷漢相安故耳

良

而地陷為汗澤因名為邛池南人以為邛河其人後復反叛元
鼎六年漢兵自越雋水伐平之西水源出今越雋其土地平原

有稻田俗多遊蕩而喜謳歌略六牂牁相類豪帥放縱難得制
御王莽時郡守牧根牧根太調人長貴以為軍侯更始三年

長貴攻殺牧根自立為邛穀王王光武因就封之授越雋太守
印綬後劉尚擊益州夷路由越包長貴聞之即聚兵欲襲尚尚

掩長貴誅之徙其家屬於成都安帝時永昌益州蜀郡夷並今
郡皆叛眾十餘萬破壞二十餘縣益州刺史張喬乃遣從事楊

竦將兵至葉榆破之渠帥三十六種皆來降附竦因奏長吏姦
猾侵犯蠻夷者九十人皆滅死論

作都者漢時自越雋以東北君長以十數徙徙漢為縣作都最
大武帝開以為作都縣其人被髮左衽言語多好譬類居處略

與汶山夷同汶山夷在蜀郡西北元鼎六年以為沉黎郡今
至天漢四年并蜀為西部置兩部尉一居旄牛主徼外夷一居

青衣主漢人旄牛青衣並後漢明帝永平中益州刺史朱輔慷
慨有大略宣示漢德威懷遠夷自汶山以西前代不至正朔所

不加狼繁木唐菽等菽阻百有餘國戶百三十餘萬舉種奉貢
稱為臣僕和帝永光十二年旄牛徼外白狼樓薄蠻夷王唐續

等遂率種十七萬戶口內屬安帝永和元年蜀郡三襄種夷與
徼外汗許種反叛攻蠶陸城翼郡地在蜀郡之西殺長吏二年

青衣道夷邑長令田今姓田與徼外三種夷三十一萬中舉土
內屬後旄牛夷叛攻零關零關道屬漢益州刺史張喬與西部

尉擊破之於是分置蜀郡屬國都尉領縣四如太守
冉駹漢時自徼以北君長十數冉駹最大其俗土著或隨畜遷

徙在蜀西武帝元鼎六年以為汶山郡今蜀郡西北通化郡地至宣帝地節三年夷人以立郡賦重帝乃省并蜀郡為北郡都尉其山有六夷七羌九互各有部落其王侯頗知文書土氣多寒雖在盛夏水猶不釋皆依山居止累石為室高者至十餘丈為邛籠今呼為邛又土地剛鹵不生穀粟麻菽唯以麥為資而宜畜牧有旄牛無角一名犛牛肉重千斤毛可為毼犛音二反出名馬有羶羊可療毒又有食藥鹿麋鹿有胎者其腸中有糞亦療毒疾又有五角羊其西又有三河鑿于虜北有黃石地北盧水胡其表乃為徼外後漢靈帝時復分蜀郡北部為汶山郡蜀後主建興十年汶山平康夷反姜維討破之

附國

附國隋代通焉在蜀郡西北二千餘里即漢之西夷也有嘉良夷即其東部所居種自相率領不能統一土俗與附國同言語

少殊其人並無姓氏其地南北八百里東西四千五百里無城柵近川谷傍山險俗好復讐故疊石為礮而居以避其患其礮與巢字同高至十餘丈下至五六丈狀似浮圖於下級開小門從內上通夜必關閉有二萬餘家弓長六尺以竹為弦妻其羣母及娵兒弟死父兄亦納其妻好歌舞鼓簧吹長笛有死者無服制置屍於高牀上沐浴衣服以牟甲覆以獸皮子孫不哭帶甲舞劍而呼云我父為鬼所取我欲報冤殺鬼其俗以皮為帽形圓如鉢或戴羆羅衣多毛毼裘毼胡全割牛脚皮為靴項繫鐵釧王與酋帥金飾首曾前懸一金花徑三寸其土高氣候涼多風少雨宜小麥青斜山出金銀多白雉水有嘉魚長四尺鱗細煬帝大業四年其王遣子弟宜林率嘉良夷六十人朝貢嘉良有水闊六七丈附國水闊百餘丈並南流用皮為舟而濟附國南有薄綠夷風俗亦同西有女國其東北連山綿亘數千里接

党項及諸羌

按其地接漢山故為附焉

哀牢

哀牢後漢時通焉其先有婦人名沙壹居于牢山嘗捕魚水中觸沈木若有感因懷姙十月產男子後沈木化為龍出水因舐其男之背其母鳥語謂背為九謂坐為隆因名曰九隆後漸相滋長種人皆刻畫其身象龍文衣背著尾九隆代代相繼乃分置小王往往邑居散在溪谷絕域荒外山川阻深生人以來未嘗交通中國光武建武中其王賢栗等遂率衆人戶二千七百詣越雋太守鄭鴻降求內屬帝封賢栗等為君長自是歲來朝貢明帝永平中哀牢王柳貌遣子率種人內屬其稱邑王者七十人戶五萬一千八百九十四界去洛陽七千里明帝以其地置哀牢博南二縣今雲南越雋之西割益州郡西部都尉所領六縣漢六縣謂不韋雋唐北蕪葉榆那合為永昌郡即今雲南始通博南

山渡蘭倉水

華陽國志曰博南縣西山行者苦之歌曰漢德廣

開不賓度博南越蘭津度蘭倉為他人哀牢人皆穿鼻僮耳僮

其渠帥自謂王者耳皆下肩而已土地沃美宜五穀蠶桑染

綵文繡蘭干細布華陽國志曰蘭織成文章綾錦有梧桐木華

績以為布廣志曰梧栝有白者剗國有桐木幅廣五尺潔白不

受垢汗先以覆亡人然後服之其竹節相去二丈名曰濮竹出

銅鐵鈔錫金銀光珠博物志曰光琥珀水精瑠璃軻蟲蚌珠孔

雀翡翠犀象猩猩豹獸山海經曰猩猩能言其血可以塗朱

劉荀卿子曰猩猩能言笑淮南萬畢術曰婦終知來猩猩知往

注云並神獸也後魏鄭元注水經云武平郡封奚縣有獸名猩猩

猩猩形人面身毛黃姿類猿正善學人語聞者無不酸楚太原

王綱著傳云阮研為使封奚見邑人說猩猩好酒及履里人置

之山谷嘗行路百數為群見酒物等知人設張取之此獸甚靈

相呼曰試共嘗酒及飯乃甘其味逮乎醉偕擒之無遺逸遂置

檻中隨其所欲飼之將烹索其肥者乃自推擇泣而漬之及禮

記曰猩猩能言廣志曰猩猩惟聞其啼不聞其言出交趾郡封

溪縣按前代水昌郡即今雲南郡武平間即今安南郡並封略

之內古謂其靈而智不因人教而鮮人語殊為珍異秦漢以降
傳以下一家即復南賦能言鳥及馴象西域獻汗血馬皆載之史
代則猩猩不劣於鳥象何為獨無獻乎獲之以充口實則致之
因難也王莽置漢孺子於西壁中禁人與語及長不能名六畜
猩猩若非靈異自解人語即頂因教方成又不可容易而為庖
膳也是知諸家所說不加考覈遽相祖述耳佑以為廣志 永昌
尤足徵矣血 桑朱劉備問胡商元無此事故詳而疏之
太守鄭純為政清潔行夷人與哀牢夷人約邑豪歲輸布貫頭
衣二領塩一斛為常賦夷俗安之唐麟德元年五月於昆明之
柝棟川置姚州都督府每年差兵募五百人鎮守武太后神功
二年閏十月 蜀州刺史張柬之上表曰姚州者古哀牢之舊國
本不與中國交通前漢唐蒙開夜郎滇窄而哀牢不附至光武
季年始請內 屬漢置永昌郡以統理之稅其塩布氊罽以利中
上其國西通 大秦南通交趾奇珍進貢歲時不闕及諸葛亮五
月度瀘收其 金銀塩布以益軍儲使張伯岐選其勁卒以增武
備前代置郡 其利頗深今塩布之稅不供珍奇之貢不入而空

竭府庫驅率平人受役蠻夷肝腦塗地漢以得利既多歷歷南
山涉蘭倉水更置博南哀牢二縣蜀人愁怨行者作歌蓋漢得
其利人且怨歌今於國家無絲髮之利在百姓受終身之酷往
者諸葛亮破南中使其渠帥自相統領不置漢官亦不留鎮守
臣竊以亮之策妙得羈縻蠻夷之術今姚府置官既無安邊靜
寇之心又無諸葛亮且縱且擒之術唯知詭謀狡筭恣情割剝貪
婪劫掠積以為常扇動酋渠遂成朋黨提挈子弟嘯引凶愚今
見散亡彼州專以掠奪為業姚州本武陵縣主簿石子仁奏置
之後長史李孝讓辛文協並為羣蠻所殺又使將軍李義總往
征郎將劉惠在戰陣死其州遂廢即諸葛亮稱置官留兵有三
不易之言遂驗垂拱四年南蠻郎將王善實昆州刺史爨乾福
又請置州奏言所有課稅自出姚府管内更不勞擾蜀川及置
州後錄事參軍李稜為蠻所殺延載年中司馬成琛請於瀘南

置鎮七所遣蜀兵防守自此蜀中騷擾于今不息伏乞省罷姚州使隸舊府歲時朝覲同之蕃國瀘南諸國悉廢於瀘北置關百姓非奉使入蕃不許交通往來疏奏不納

南詔

南詔或曰鶴柘曰龍尾曰苴咩曰陽劔本哀牢夷後烏蠻別種夷語王為詔其先渠帥有六詔號六詔曰蒙雋詔越析詔浪穹詔澄睽詔施浪詔蒙舍詔兵埒不能相君長蜀諸葛亮討定之蒙舍詔在諸部南故曰南詔居永昌姚州之間鐵橋之南東距爨東南屬交趾西摩伽佗西北與吐蕃接南女王西南驃北抵益州東北際黔巫王都羊苴咩城別都曰善闡府王自稱曰元猶朕也謂其下曰昶猶卿爾也官之大者曰清平官以夾國事猶唐宰相也爽猶省也督爽總三省也百家有總俗千家有治人官萬家有都督一凡田五畝曰雙上官授田四十雙上戶三

十雙以是為差壯者為戰卒有馬為騎軍一將統千人四軍置一將其外有六節度二都督于賧夷語賧若州云初羣山之西多瘴歊地平草不枯自曲靖州至滇池人水耕食蠶以柘蠶生闌二旬而蠶大和祈鮮而西人不蠶剖波羅樹實狀若絮紐縷而幅之有井產鹽有野桑生石上其材可為弓不筋漆而利長川諸山有金越睽之西多薦草產善馬婦人不粉黛以蘇澤髮俗以寅為正四時大抵與中國少差師行以二千五百人為一營其法前傷者養治後傷者斬犁田一牛三夫前輓中壓後驅然專于農無貴賤皆耕不繇後歲輸米二斗一藝者給田二收乃稅王蒙氏父子以名相屬自舍隆以來有譜次可攷舍隆生細奴邏唐高宗時遣使者入朝賜錦袍其孫炎閣武后時入朝炎閣立死開元時弟盛邏皮立生皮邏閣授特進封臺登郡王炎閣未有子時以閣羅鳳為嗣及生子還其宗而名成閣遂不

改開元末皮邏閣逐河蠻取大和城又襲大釐城守之因城龍口夷語山陂陀為和故謂大和以處閣羅鳳天子詔賜皮邏閣名歸義當是時五詔徵歸義獨彊乃厚以利啖劔南節度使王昱求合六詔為一制可歸義已并羣蠻遂破吐蕃寢驕大入朝天子亦為加禮又以破洱蠻功馳遣中人冊為雲南王賜錦袍金鈿帶七事於是徙治大和城天寶初遣閣羅鳳子鳳迦異入宿衛拜鴻臚卿恩賜七載歸義死閣羅鳳立襲王以其子鳳迦異為瓜州刺史初安寧城有五塩井人得煮鬻自給玄宗詔特進何履光以兵定南詔境取安寧城及井復立馬援銅柱乃還鮮于仲通領劔南節度使卜忿少方略故事南詔嘗與妻子謁都督過雲南太守張虔陀私之多所求丐閣羅鳳不應虔陀數詬斬之陰表其罪由是忿怨反發兵攻虔陀殺之取姚州及小夷州凡二十二明年仲通自將出戍雋州分二道進次曲州靖

州閣羅鳳遣使者謝罪願還所據得自新且城姚州如不聽則歸命吐蕃恐雲南非唐有仲通怒因使者進薄白崖城大敗引還閣羅鳳歛戰鬪築京觀遂北臣吐蕃吐蕃以為弟夷鍾稱贊普鍾給金印號東帝揭碑國門明不得已叛曰我上世世奉中國累封賞後嗣容歸之若唐使至可指碑澡後吾罪也會楊國忠以劔南節度當國乃調天下兵凡十萬使侍御史李宓討之輦餉者尚不在涉海而疫死相踵於道宓敗于太和城死者十八亦會安祿山反閣羅鳳因之取雋州會同軍據清溪關以破越析梟于贈西而降尋傳驃諸國尋傳蠻者俗無絲纊跣履榛棘不苦也射猪生食其肉戰以竹籠頭如兜鍪然其西有裸蠻亦曰野蠻漫散山中無君長作檻合居男少女多無田農以木皮蔽形婦或十或五共養一男子廣德初鳳迦異築柘東城諸葛亮石刻故文曰碑即什蠻為漢奴夷畏其常以石楮梧大曆

十四年閏羅鳳以鳳迦甲前死立其孫異牟尋以嗣異牟尋有智數善撫衆略知書母本獨錦蠻女也獨錦蠻亦為烏蠻種秦藏川南天寶中命其長子蹄州刺史世與南詔婚娉異牟尋立悉衆二十萬入寇與吐蕃并力一趨茂州踰文川擾灌口一趨扶文掠方維白坭一侵雅雅叩邛邽關令其下曰為我取蜀為東府工伎悉送邏娑城歲賦一縑於是進陷城聚人率走山德宗發禁衛及幽州軍以援東川與山東兵合大敗異牟尋衆斬首六千級禽生捕傷其衆顛踣厓峭且十萬異牟尋懼徙苴咩城築袤十五里吐蕃封為日東王然吐蕃責賦數悉奪其險立營候歲索兵助防異牟尋稍苦之唐人鄭回為清平官說異牟尋曰中國有禮義少求青非若吐蕃倖刻無極也今棄之復歸唐無遠戍勞利莫大於此異牟尋善之會節度使韋臯撫諸蠻有威惠諸蠻頗得異牟尋語曰臯貞元九年乃遣使者趣成都

遣臯書願竭誠自新歸款天子請加戍劍南西山涇原等州安西鎮守揚兵四臨委回鶻諸國所在侵掠使吐蕃勢分力散不能為邊患德宗嘉之賜以詔書異牟尋乃殺吐蕃使迎唐使遣其臣隨使入朝初吐蕃與回鶻戰殺傷甚乃調南詔萬人異牟尋欲襲吐蕃陽示寡弱以三千人行即自將數萬踵後晝夜行大破吐蕃於神川遂斷鐵橋溺死以萬計浮其五王乃遣使入獻地圖方物請復號南詔帝賜賚有加遣使冊異牟尋為南詔王異牟尋迎使拜詔甚恭尋遣清平官入謝貢方物復攻吐蕃取昆明城以食塩池又破施蠻順蠻並虜其王置自厓城因定磨些蠻隸昆山西爨故池茫蠻掠栢棟蠻漢蒙蠻以實雲南東北十五年異牟尋謀擊吐蕃帝許出兵助又請以大臣子弟為質於臯舍之成都令就學且言昆明嵩州與吐蕃接不先加兵為虜所脅反為我患請臯圖之時唐兵比歲屯京西朔方大時

糧欲南北並攻取故地然南方轉饟稽期兵不悉集是夏吐蕃
饑疫贊普死新君立臯揣虜未敢動勸異牟尋緩舉會吐蕃大
臣謀襲南詔臯乃命部將屯黎雋二州為援既而吐蕃五萬分
二軍攻雲南一軍攻雋州臯將扶忠義取未恭城俘繫牛羊千
計吐蕃將馬定德監軍野多輸煎等俱來降虜氣衰軍不振無
功而還期以明年吐蕃苦唐詔犄角亦不敢圖南詔異牟尋比
年獻方物天子禮之元和三年異牟尋死遣使弔祭子尋閣勸
立或謂夢奏自稱驃信夷女君也改賜元和印章明年死子勸
龍晟立淫肆不道上下怨疾十一年為柝棟節度王嗟巔所殺
立其弟勒利詔少府少監李銑為冊立弔祭使勸利德嗟巔賜
氏蒙封大容蠻謂兄為容長慶三年始賜印是歲死弟豐祐立
豐祐趨敢善用其下慕中國不肯連父名穆宗使京兆少尹韋
審規持節臨冊豐祐遣洪成酋趙龍此楊定奇入謝天子於是

西川節度使杜元穎治無狀障候弛沓相蒙時大和三年也嗟
巔乃悉眾掩叩成雋三州陷之入成都止西郭十日慰齊居人
市不擾肆將還乃掠子女工技數萬引而南人懼自殺者不勝
計救兵逐嗟巔身自殿至大度河謂華人曰此吾南境爾去國
當哭眾號慟赴水死者十三南詔自是工文織與中國埒明年
上表請罪比年使者來朝開成會昌間再至大中時李琢為安
南經略使苛墨自私以斗塩易一牛夷人不堪結南詔將段首
遷陷安南都護府號白衣沒命軍南詔發朱弩法苴三千助守
然朝貢猶歲至從者多杜棕自西川入朝表無內蠻廉豐祐怒
即慢言索質子會宣宗崩使者告哀是時豐祐亦死垣綽酋龍
立恚朝廷不弔恤又詔書乃賜故王以草具進使者而遣遂僭
稱皇帝建元建極自號大禮國懿宗以其名近玄宗嫌諱絕朝
貢乃陷播州安南都護李鄩屯武州咸通元年為蠻所攻棄州

走明年攻邕管詔湖南觀察使蔡襲發諸道兵二萬屯守南詔
憚畏不敢出會詔左庶子蔡京經制嶺南忌襲功奏罷其兵南
詔乃攻交州進略安南陷之詔諸軍保嶺南更以秦州經略使
高駢為安南都護南詔稍逼邕州乃大興諸道兵益戍又分兵
屯容藤拔蠻勢置行交州於海門五年南詔回掠雋州以搖西
南西川節度使蕭鄴平屬蠻寇主邀南詔大度河敗之明年復
來攻盡殺戍卒時安南久屯兩河銳士瘴毒死者十七高駢以
選士五千度江敗林邑兵於邕州遂攻交州戰數勝士酣鬪斬
首三萬級安南平十年酋龍復入寇陷嘉州黎州進攻成都次
眉州蠻本無謀不能乘機會鼓行亟驅但蚍結蠅營怙鹵剽小
利處處留屯故蜀孺老得扶攜悉入成都閭里皆滿蠻傳外郭
西川節度使盧耽遣將出兵三面苦戰蠻引却帝遣東川節度
使顏慶俊以兵應接蠻聞鳳翔山南軍且來乃迎戰王師燒其

攻具蠻大敗乃引去酋龍年少嗜殺戮親戚異已者皆斬兵出
無寧歲男子十五以下悉發婦耕以餉軍十四年復攻蜀攻大
渡河陷黎州入邛州成都大震城中固守蠻至新津而還回寇
黔中俄攻黎州僖宗乾符元年劫掠雋雅間破黎州入攻峽關
掠成都閉三日乃去詔以高駢領西川節度使駢至閱精騎五
千逐蠻至大度河奪鎧馬執酋長五十斬之收邛峽關復取黎
州南詔遁還酋龍使奉書焉和駢荅曰我且將百萬衆至龍尾
城問爾罪酋龍大震自南詔叛天子數遣使至其國酋龍不肯
拜使者遂絕駢以其俗尚浮屠法故遣浮屠景仙攝使酋龍與
其下迎謁且拜乃定盟而還遣清平官酋望趙宗政質子二十
入朝乞盟請為兄弟若舅甥詔拜景仙鴻臚卿檢校左散騎常
侍駢結吐蕃尚延心盟未魯耨月等為閭築戎州馬湖沐源川
大度河三城列屯拒險料壯卒為平夷軍南詔氣奪酋龍恚發

直死偽謚景莊皇帝于法嗣改元貞明承智大同自號大封人
法年少好畋獵酣逸衣絳紫錦罽鍔金帶國事頗決大臣乾符
四年遣陀西段瑳寶詣邕州節度使辛謹請脩好詔使者荅報
未幾寇西川駢奏請與和親右諫議大夫柳韜吏部侍郎崔澹
醜其事上言遠蠻畔逆乃因浮屠誘致入議和親垂笑後世駢
職上將謀乖謬不可從遂寢蠻使者再入朝議和親而駢從荆
南持前請不置宰相鄭畋盧攜爭不決皆罷帝手詔問崔安潛
和親事荅曰雲南姚州譬一縣中國何資於彼而遣重使加厚
禮彼且妄謂朝廷畏怯無能脫有它請何以待之且天宗近屬
不可下小蠻夷南詔知蜀強故襲安南陷之都護曾充奔邕府
戍兵潰會西川節度使陳敬瑄申和親議時盧攜復輔政與豆
盧瑑皆厚駢入譎說帝曰咸通以來蠻始叛命再入安南邕管
一破黔州四盜西川遂圍盧耽召兵東方戍海門天下騷動十

有五年中藏空虛土死瘴癘可為痛心今朝廷財匱兵少安南
客戍單寡鈔久寇禍可虞誠命使臨報縱未稱臣且代其謀外
以縻服蠻夷內得蜀休息也帝謂然乃以宗室女為安化長公
主遣使許婚使還具言驃信誠欸以為敬瑄功進其官南詔遣
其宰相趙隆眉楊竒混段義宗朝行在迎公主高駢自揚州言
三人南詔腹心宜止而薦之蠻可圖也帝從之隆眉等皆死自
是謀臣盡矣蠻亦衰法死偽謚聖明文武皇帝子舜化立遣使
欸黎州脩好昭宗不荅後中國亂不復通後唐同光三年既平
蜀魏王繼岌奏齊書招諭南詔蠻天成元年供奉官李彥楷等
雲南使回雋州山後兩林百蠻都鬼主右武衛將軍李卑晚差
大鬼主傅能阿化等來朝貢明宗引見加其官遣還二年七月
遣使入蠻九月西川奏據黎州狀申雲南使趙和於大渡河南
起舍一間留信物十五籠并雜詩一卷通至闕下宋太祖鑒唐

之禍基於南詔乃棄越雋諸郡以大渡河為界使欲為寇則不能為臣則不得橫山有寨宜管以西虎頭關九十里險甚所在把握峒丁結聚道路荒僻大理益不通於中國皇祐中儂智高敗奔大理其國捕之以聞熙寧九年遣使貢方物自後不常來亦不領於鴻臚政和三年廣州觀察使黃璘奏南詔大理慕義懷來願為臣妾欲聽其入貢詔置局於賓州六年遣進奉使李紫琮等過鼎州請詣學瞻拜宣聖像許之遂遍謁見諸生又乞觀御書閣閱讀御製舉笏叩首七年至京師貢馬及麝香等制以其王段和譽為金紫光祿大夫檢校司空雲南節度使上柱國大理國王高宗紹興三年廣西奏大理國欲進奉及賣馬事上曰今買馬進奉可勿許彼之進奉實利賈販但令帥臣邊將償其馬直當價則馬當繼至庶可增諸將騎兵不為無益也六年廣西經略司奏大理人使進奉表章國信及象馬約五月至

橫山詔所進方物除不受外餘驛付行在仍計價優與回賜章表等遞進降勅書回荅

石湖范氏桂海虞衡志曰大理南詔國也本唐小夷蒙會詔在諸部最強故號南詔自皮邏諾併五詔為一受冊封雲南三至異牟尋封南詔王至酋龍而稱驃信改元自稱大禮國今其與中國接乃稱大理國與唐史禮理字異未詳所始大理地廣人庶器械精良前志載之詳矣邕州右江水與大理大槃水通大槃在大理之威楚府而特磨道又與其善闡府者相接自邕州道諸蠻獠至大理不過四五十里產良馬可與橫山通北梗自杞南梗特磨久不得至語在大理馬條下乾道癸巳冬忽有大理人李觀音得董六斤黑張般若師等率以三字為名凡二十三人至橫山議市馬出一文書字畫略有法大略所須文選五臣註五經廣註春秋後語三史加

註都大本草廣註五藏論大般若十六會序及初學記張孟

押韻切韻玉篇集聖曆百家書之類及須浮量鋼器并椀疑

饒州浮梁磁器書梁作量琉璃椀壺及紫檀沉香水甘草石决明井泉石

蜜陀僧香蛤海蛤等藥稱利正二年十二月其後云古人有

云察實者不留聲觀行者不識詞知已之人幸逢相謁言音

未同情慮相契吾聞夫子云君子和而不同小人同而不和

今兩國之人不期而會者豈不習夫子之言哉續繼短章伏

乞斧伐短章有言音未會意相和遠隔江山萬里多之語其

人皆有禮儀擎誦佛書碧紙金銀字相間邕人得其大悲經

稱為坦綽趙般若宗祈禳目疾而書坦綽首望清平官皆其

官名也邕守獮來者厚以遣歸然南詔地極西南當為西戎

尤邕蜀都非桂帥所當鎮撫

文獻通考卷之三百二十九

宋鄧陽 馬 端臨 貴興 著

明 靳陽 馮 天馭 應房 校刊

四裔考 驃國

唐正元十八年春正月南詔使來朝驃國王始遣其弟悉利移

來朝華言謂之驃自謂突羅朱闍婆人謂之徒里拙古未嘗通

中國魏晉間有著西南異方志及南中八郡者云永昌古哀牢

國也傳聞永昌西南三千里有驃國君臣父子長幼有序然無

見史傳者今其聞南詔異牟尋歸附心慕之乃因南詔重譯遣

子朝貢東北拒南詔咥直城六千八百凡去上都萬四千里在

永昌故郡南二千里餘其國境東西三千里往來通聘者迦羅

婆提等二十國役屬者道林王等九城食境土者羅君潛等二

百九十八部落東鄰真蠟國西接東天竺國南盡溟海北通南

詔

西原蠻居廣谷之南豈桂之西有寧氏者相承為豪又有黃氏
居黃橙洞其隸也其地西接南詔唐天寶初黃氏疆與韋氏儂
氏唇齒為寇害據十餘州韋氏周氏耿不肯附黃氏攻之逐于
海濱至德初首領黃乾曜真崇鬱與陸州武陽朱蘭洞蠻皆叛
推武承斐韋敬簡為帥僭號中越王廖殷為桂南王莫淳為柘
南王相支為南越王梁奉為鎮南王羅誠為戎成王莫濞為南
海王合眾二十萬餘地數千里署置官吏攻桂管十八州所至
焚廬舍掠士女更四歲不能平乾元初遣中使慰曉諸首領賜
詔書赦其罪約降於是西原環古等州首領方子彈甘令暉羅
承韋張九解宋原五百餘人請出兵討承斐等歲中戰二百斬
黃乾曜真鬱崇廖殷莫淳梁奉羅誠吳濞七人承斐等以餘眾
面縛詣桂州降盡釋其縛差賜布帛縱之其種落張侯夏永與
夷獠梁崇牽覃問及西原酋長吳功曹復合兵內寇陷道州據

西原蠻

西原蠻居廣谷之南豈桂之西有寧氏者相承為豪又有黃氏
居黃橙洞其隸也其地西接南詔唐天寶初黃氏疆與韋氏儂
氏唇齒為寇害據十餘州韋氏周氏耿不肯附黃氏攻之逐于
海濱至德初首領黃乾曜真崇鬱與陸州武陽朱蘭洞蠻皆叛
推武承斐韋敬簡為帥僭號中越王廖殷為桂南王莫淳為柘
南王相支為南越王梁奉為鎮南王羅誠為戎成王莫濞為南
海王合眾二十萬餘地數千里署置官吏攻桂管十八州所至
焚廬舍掠士女更四歲不能平乾元初遣中使慰曉諸首領賜
詔書赦其罪約降於是西原環古等州首領方子彈甘令暉羅
承韋張九解宋原五百餘人請出兵討承斐等歲中戰二百斬
黃乾曜真鬱崇廖殷莫淳梁奉羅誠吳濞七人承斐等以餘眾
面縛詣桂州降盡釋其縛差賜布帛縱之其種落張侯夏永與
夷獠梁崇牽覃問及西原酋長吳功曹復合兵內寇陷道州據

城五十餘日桂管經略使邢濟擊平之執吳功曹等餘眾復圍道州刺史元結固守不能下進攻永州陷邵州留數日而去湖南團練使辛京果遣將王國良戍武崗嫉京果貪暴亦叛有眾千人侵掠州縣發使招之且服且叛建中元年城淑州以斷西原國良乃降貞元十年黃洞首領黃少卿者攻邕管圍經略使孫公器請發嶺南兵窮討之德宗不許命中人招諭不從俄陷欽橫潯貴四州少卿子昌馮趨勇前後陷十三州氣益振乃以唐州刺史陽旻為容管招討經略使引帥掩賊一日六七戰皆破之侵地悉復元和初邕州擒其別帥黃承慶明年少卿等歸欵拜歸順州刺史弟少高為有州刺史未幾復叛又有黃少度黃昌瓊二部陷賓縉二州據之十一年攻欽橫二州邕管經略使韋悅破走之而賓縉二州是歲復屠巖州桂管觀察使裴行立輕其軍弱首請發兵盡誅叛者徵幸有功憲宗許

之行立兵出擊彌更三歲妄奏斬獲二萬罔天子為解邕容兩道沒傷疾疫死者十八以上調費闕亡繇行立陽旻二人當時莫不咎之及安南兵亂殺都護李象古擢唐州刺史桂仲武為都護逼留不敢進貶安州刺史以行立代之尋召還卒長慶初以容管經略使留後嚴公素為經略使上表請討黃氏兵部侍郎韓愈建言曰南討損傷嶺南人希賊之所處洞壘荒僻假如盡殺其人得其地在國計不為有益容貸羈縻比之禽獸來則捍禦去則不追未有虧損朝廷願因改元大慶普赦其罪遣官以天子恩意宣諭必能聽命乃選材用威信者處以經略處理得方宜無侵叛不納後黃賊更攻邕州陷左江鎮攻欽州陷千金鎮明年又寇欽州是歲黃昌瓊遣其黨陳少奇二十人歸欵請降敬宗納之黃氏懷氏據州十八經略使至遣一人詣治所稍不得意輒侵掠諸州橫州當邕江官道嶺南節度使

四裔 驛國 文獻通考卷三百三十一
常以兵五百戍守不能制大和中經略使董昌齡遣子蘭討平
峒穴夷其種黨諸蠻畏服有違命者必嚴罰之十八州歲輸貢
賦道路清平其後儂洞最強結南詔為助懿宗與南詔約和二
洞數構敗之邕管節度使辛儻以從事徐雲虔使南詔結和齊
美貨啖二洞首領儂金勒等與之通歡金勒聽命宋時儂氏世
為廣源州首領州在邕州西南鬱江之源地峭絕深阻產黃金
丹砂頗有邑居聚落自交趾蠻據有安南而廣源雖號邕管羈
縻其實服役於交趾初有儂全福者知儂猶州其弟存祿知萬
涯州全福妻弟儂當道知武勒州一日全福殺存祿當道并有
其地交趾怒舉兵虜全福及其子智聰以歸其婦阿儂本左江
武勒族也轉至黨猶州全福納之全福見虜阿儂遂嫁商人生
子名智高生 十三年殺其父商人曰天下豈有二父邪因冒
儂姓與其母奔雷火峒其母又嫁特磨坦儂夏卿久之智高復

與其母出據儂猶州建國曰大曆交趾復拔儂猶州執智高釋
其罪使知廣源州又以雷火頻婆回峒及思浪州附益之居
四年內怨交趾襲據安德州僭稱南天國改年景瑞 皇祐五
年寇邕州 明年交趾發兵討之不克廣西轉運使蕭固遣邕
州指使开贊往刺候而贊擅發兵攻智高為所執因問中國虛
實贊為陳大略說智高內屬乃遣贊還奉表請歲貢方物未聽
又以馴象金銀來獻朝廷以其役屬交趾拒之後復齎金函書
以請知邕州陳珙上聞不報智高既不得請又與交趾為仇且
擅山澤之利遂招納亡命數出敝衣易穀食詒言峒中饑部落
離散邕州信其微弱不設備也乃與廣州進士黃瑋黃師宓及
其黨儂建侯儂志忠等日夜謀入寇一夕焚其巢穴給其眾曰
平生積聚今為天火焚無以為生計窮矣當拔邕州據廣州以
自王否則兵死 四年四月率眾五千泐鬱江東下攻破橫山

寨遂破邕州執知州陳珙等害之智高僭號仁惠皇帝改年啓曆時天下久安嶺南州縣無備一旦兵起倉卒守將多弃城遁故智高所向得志相繼破橫貴龔潯藤梧封端康九州所至焚府庫殺官吏進圍廣州五十餘日不克解去又破昭賓二州復據邕州陳曉等兵敗朝廷命狄青為宣撫使督諸軍進兵絕崑崙關智高悉衆拒戰大敗夜焚城遁由合江口入大理國智高自起至平幾一年暴踐一方吏民不勝其毒朝廷為下赦令拊瘡痍智高既敗其母阿儂入保特磨依其夫儂夏卿收殘衆三千餘人復欲入寇安撫使余靖督部吏發峒兵入特磨掩襲之獲阿儂及智高弟光等檻送京師弃市智高不知所終儂氏又有宗旦者知火峒稍桀黠嘉祐二年嘗入寇知桂州蕭固招之內屬補以官七年宗旦父子請以所屬城峒永為王民詔各遷一官賜賚有差是歲儂夏卿儂亮亦自特磨來歸皆其族也

石湖范氏桂海虞衡志曰儂智高反朝廷討平之因其疆域參唐制分析其種落大者為州小者為縣又小者為洞凡五十餘所推其長雄為首領籍其民為壯丁以藩籬內郡障防外蠻緩急追集備禦制如官軍其首皆世襲分隸諸寨總隸於提舉左江四寨二提舉右江四寨一提舉寨官民官也知寨主簿各一員掌諸洞財賦左江屯永平太平右江屯橫山掌諸洞煙火民丁以官兵盡護之火抵人物獷悍風俗荒恠不可盡以中國教法繩治姑羈縻之而已有知州權州監州知縣知洞皆命於安撫若監司給文帖朱記其次有同發遣權發遣之屬謂之官典各命於其州每村團又推一人為長謂之主戶餘民皆稱提陀猶言百姓也洞丁有爭各訟諸酋酋不能決若酋自爭則訟諸寨或提舉又不能決訟諸邕管

次至帥司而止皇祐以前知州補授不過都知兵馬使僅比徽校智高之亂洞人立功始有補班行者諸洞知州不敢坐其上視朝廷爵命尚知尊敬元豐以後漸任中州官近歲洞首多寄籍內地納粟補授無非大小使臣或敢詣闕陳獻利害至借補閣職與帥守侂禮其為招馬官者尤與州縣相狎子弟有入邕州應舉者招致游士多設耳目州縣文移未下已先知之輿騎居室服用皆擬公侯如安平州之李械田州之黃諧皆有強兵矣民田計口給民不得典賣惟自開荒者由已謂之祖業口分田知州別得養印田猶圭田也權州以下無印記者得蔭免田既各服屬其民又以攻剽山獠及博買嫁娶所得生口男女相配給田使耕教以武伎世世隸屬謂之家奴亦曰家丁強壯可教勒者謂之田子甲亦曰馬前牌皆青布巾跣足總謂之洞丁舊一州多不過五六百人今

有以千計者元豐中嘗籍其數十餘萬老弱不與此籍久不脩矣洞丁徃徃勁捷能辛苦穿皮履上下山不頓其械器有桶子甲長槍手標偏刀邊鐙牌山弩竹箭枕榔箭之屬其相讎殺彼此布陣各張兩翼以相包果人多翼長者勝無他奇民居苦茅為兩重棚謂之麻欄上以自處下蓄牛豕棚工編竹為棧但有一牛皮為褥席牛豕之穢升聞棧鏹習慣之亦以其地多虎狼不爾則人畜俱不安深廣民居亦多如此洞人生理尤苟簡冬編鵝毛木綿夏緝蕉竹麻紵為衣搏飯掬水以食家具藏土窖以備寇掠土產生金銀銅鉛絲丹砂翠羽洞綵練布茵香草果諸藥各逐其利不困乏今黃姓尚多而儂姓絕少蓋智高亂後儂氏善良許從國姓故今多姓趙氏舉洞純一姓者婚姻自若酋豪或娶數妻皆曰媚娘洞官之家婚嫁以麕豪汰侈相高聘送禮儀多至千擔少亦半之

壻來就親女家於五里外結草屋百餘間與居謂之入寮兩家各以鼓樂迎男女至寮女婢妾百餘壻僮僕至數百成禮之夕兩家各盛兵爲備小有言則兵刃相接成婚後壻常抽刃妻之婢妾迂意即手殺之自入寮能多殺婢則妻黨畏之否則謂之懦半年而後歸夫家人遠出而歸者止於三十里外家遣巫提竹籃迓脫歸人帖身衣貯之籃以前導還家言爲行人收魂歸也親始死被髮持鉗壻慟哭水濱擲銅錢紙錢於水汲歸浴屍謂之買水否則隣里以爲不孝此州縣雖曰羈縻然皆耕作省地歲輸稅米於官始時國家規模宏遠以民官治理之兵官鎮壓之以諸洞財力養官軍以民丁備招集驅使上下相維有臂指之勢洞首雖號知州縣多服皂白布袍類里正戶長叅寨官皆橫挺自稱某州防遏盜賊大抵見知寨如里正之於長官奉提舉如卒伍之於主將視邕

管如朝廷望經略帥府則如神明號令風靡保鄣隱然比年不然諸洞不供租賦故無糧以養提舉之兵提舉兵力單弱故威令不行寨官非惟不舉職且日走洞官之門握手爲市提舉官亦不復威重與之交關通賄其間有自愛稍欲振舉諸洞必共汙染之使以罪去甚則醜焉原其始皆邊吏冒法徇利致然此弊固未易悉數也故事安撫經略使初開幕府頒鹽綵徧犒首領以公文下教謂之委曲大略使固守邊界存卹壯丁云邕州守臣舊不輕付屯卒將五千人京師遣入作司大兵城邊備甚飭比來邕州經費匱闕觸事廢弛但存羸卒數百人城壁器械頽壞不脩安撫都監司事體脆弱州洞桀黠無所忌至掠省民客旅縛賣於交趾諸蠻又招收省民不逞及配隸亡命者以益田予甲反隱然平視安撫都監司此非持久計慶曆廣源之變爲鑒豈遠哉

焦僥國

焦僥國後漢時通焉明帝永平中西南夷焦僥貢獻安帝永初中永昌徼外焦僥種夷陸賴等三千餘口舉種內附獻象牙水牛封牛其人長三尺穴居善游鳥獸懼焉其地草木冬落夏生

禪國

禪音擅國後漢時通焉和帝永元中其國王雍由調遣譯奉國珍寶和帝賜金印紫綬安帝永寧初復遣使朝賀獻樂及幻人能變化吐火自支解易牛馬頭又善跳丸數乃至十自言我海西人海西即大秦也禪國西南大秦 明年元會安帝作樂於庭封雍由調為漢大都尉

兩爨蠻

兩爨蠻自曲州靖州西南昆川曲軛晉寧喻獻安寧距龍和城通謂之西爨白蠻自彌鹿升麻二川南至步謂之東爨烏蠻西

爨自云本安邑人七世祖晉南寧太守中國亂遂王蠻中宋元帝時南寧州刺史徐文盛召詣荆州有爨瓚者據其地延袤二千餘里土多駿馬犀象明珠既死子震翫分統其眾隋開皇初遣使朝貢命韋世冲以兵戍之置恭州協州昆州未幾叛史萬歲擊之至西洱河滇池而還震翫懼而入朝文帝誅之諸子沒為奴唐高祖即位以其子弘遠為昆州刺史奉父喪歸而益州刺史段綸遣俞大施至南寧治共範川誘諸部皆納款貢方物太宗遣將擊西爨開青蛉棟為縣爨蠻之西有徙莫祗蠻儉望蠻 貞觀二十三年內屬以其地為儂望覽丘求五州隸郎州都督府白水蠻地與青蛉弄棟接郎州亦隸弄棟西有大勃弄小勃弄二州蠻其西與黃瓜葉榆西洱河接其眾完富與蜀將無酋長喜相離怨永徽初大勃弄楊承顛私署將帥寇麻州都督任懷王招之不聽高宗以左領軍將軍趙孝祖為郎州道行

軍總管與懷王討之至羅仵侯山其酋禿磨蒲與大鬼主都于以衆塞普口孝祖大破之夷人尚鬼謂主祭者爲鬼主每歲戶出一牛或一羊就其家祭之送鬼迎鬼必有兵因以復仇云孝祖屢破降諸部西南夷遂定玄帝時諸蠻互相並起攻稍離弱貞元中置都督府于峰州領羈縻州十八烏蠻與南詔世昏姻其種分七部落土多牛馬無布帛皮俗尚巫鬼無拜跪之節其語四譯乃通中國大部落有大鬼主百家則置千鬼主勿鄧部地方千里有邛部六姓又有東欽蠻粟蠻雷蠻夢蠻散處黎雋戎數州之鄙隸勿鄧其南七十里有兩林部落其南有豐邕部落兩林地雖陜而請部推爲長號都鬼主勿鄧豐邕兩林皆謂之東蠻天寶中皆受封爵及南詔陷雋州遂羈屬吐蕃貞元中復通款以數爲吐蕃攻獵乃遣韋臯書乞兵攻吐蕃臯遣兵八破吐蕃於北谷獲其鎧仗牛馬詔封其鬼主苴那時等皆爲

郡王給印章袍帶歲給其部鹽綵後唐天成中山後兩林蠻遣其大鬼主來貢宋開寶二年兩林蠻王子及邛部川蠻都鬼主入貢詔嘉納之賜以器幣由黎州南行七百里至其地又一程至雋州今廢空城中但有浮圖一又二程至建昌城又十七程至雲南三年七月又朝貢八年又入貢太平興國初遣使貢名馬方物乞頒正朔詔加其官優獎之淳化元年黎州蠻乞互市詔增給其直自是訖真宗朝入貢不絕每優詔加官厚賜遣之天聖八年十月邛部川蠻王黎在遣使入貢時占城龜茲沙州亦皆入貢至以家自隨晏殊因請圖其人物衣冠并訪道里風俗以上史官詔可明道元年黎在請三歲一貢詔諭道路遐遠許五年一至邛部於諸蠻中最驕悍狡譎招集蕃漢亡命侵攘它種閉其道以專利熙寧三年首領苴尅遣使來賀登極自稱大渡河南邛部山前山後百蠻都首賜勅書

器幣襲衣銀帶首尅死詔以其子韋則襲封懷化校尉大渡河
南邛部川都鬼主 乾道九年詔以厓鞞承襲兄蒙備金紫光
祿大夫懷化校尉都鬼主如故從西川宣撫司請也 淳熙元
年吐蕃種落侵犯邊境崖鞞率衆掩殺詔令四川宣撫司具功
狀聞奏 二年制置使范成大奏兩林蠻王第籠畏首領崖來
等攻邛部川之襲壘城不克虜掠而去崖鞞遣人追逐已下黎
州隄防之 七年樞密院編修官李嘉謀言黎州邊面近則有
曰邛部川曰河南蠻曰女兒城蠻曰青差口吐蕃曰五部落遠
則大小雲南州之三邊大抵諸蕃環列今以馬故日至太守之
庭彼既狎玩始有內侮之心自今宜令通判專任市馬太守專
任邊事詔市馬令通判專任外餘守臣措置 八年崖鞞死其
姪墨崖承襲依例授官詔自今黎民屯戍土軍禁軍並聽黎州
守臣節制其西兵遇有邊事亦聽守臣節制從編修官李嘉謀
之言也 寧宗 嘉定九年邛部川為雲南所逼折歸雲南初邛
部鬼主部庫與其親族厓則內自攻崖則結兩林蠻為援部庫
聞之懼求救雲南喜其附已遂起兵攻兩林蠻滅之蠻族素忠
順自國初以來蔽遮雲南之路故雲南與中國絕及是黎州失
蕃籬之蔽矣自黔恭以西至涪瀘嘉叙自階文折而東南至威
茂黎雅被邊十餘郡綿亘數千里剛夷惡獠殆千萬種自治平
之末訖于靖康大抵皆通互市舉職貢雖時有剽掠如鼠竊狗
偷不能為深患云

松外諸蠻

松外諸蠻數十百部大者五六百戶小者二三凡百數十姓趙
楊李董為貴族皆擅山川不能相君長有城郭文字頗知陰陽
曆數自夜郎滇池以西皆莊躋之裔有稻麥粟豆絲麻薤蒜桃
李以十二月為歲首布幅廣七寸正月蠶生二月熟男子氈革

為帔女衣純布羃衫髻盤如髻飯用竹筍博而噉之鳥杯貯羹如雞彝徒跣有舟無車死則坎地殯舍左屋之三年乃葬以蠶蚌封棺父母喪斬衰布衣不澡者四五年近者二三年為人所殺者子以麻括髮墨面衣不緝居喪婚嫁不廢亦弗避同姓婿不親迎富室娶妻納金銀牛羊酒女所齋亦如之有罪者樹一長木擊鼓集眾其下彊盜殺之富者貫死燒屋奪其田盜者倍九而償賊姦淫則彊族輸金銀請和而棄其妻處女釐婦不坐凡相殺必報力不能則其部助之祭祀殺牛馬親聯畢會助以牛酒多至數百人唐貞觀中雋州都督劉伯英上疏言松外諸蠻率慙附丞叛請擊之西洱河天竺道可通也居數歲太守以右武侯將軍梁建方發蜀十二州兵進討酋帥雙舍拒戰敗走殺獲十餘萬群蠻震駭走保山谷建方諭降者七十餘部戶十萬九千署首領蒙和為縣令餘眾感悅西洱河蠻亦曰河蠻道

縣郎州走三千里建方遣其兵自雋州道千五百里掩之其帥楊盛大駭欲遁去使者好語約降乃遣首領十人納款軍門建方振旅還二十二年西洱河大首領楊斂松外首領蒙羽皆入朝授官秩顯慶元年西洱河大首領楊棟附顯和蠻大首王羅祁郎昆梨四州大首領王伽衝率部落四千人歸附入朝貢方物其後茂州西南築安戎城絕吐蕃通蠻之道生羗為吐蕃鄉導攻拔之增兵以守西洱河諸蠻皆臣吐蕃開元中首領始入朝授刺史會南詔蒙歸義拔大河城乃北徙更羈制於浪穹詔浪穹詔已破又徙雲南柘城黎州領羈縻奉上等州二十六開元十七年又領羈縻夏梁卜貴等州三十一

尾濮

尾濮漢魏以後在興古郡今雲南郡地西南千五里徼外其人尾長三四寸欲坐輒先穿地為穴以安其尾尾折便死居木土食

人俗又噉其老曰唯識母不識父其俗有賓客殺老以供厨故
賓婚有日老者必泣其地有稷及稗稻多鹽并饒犀象有弓矢
革鎧以赤狻猴皮垂錫珠翡翠為冠幘按木濮即尾濮也又扶
俗傳云拘利東有滿羅中人人有尾長五六寸
其俗食人按其地並西南蒲羅蓋尾濮之地名

木綿濮

木綿濮土有木綿樹多葉又生房甚繁房中綿如蠶所作其大
如捲音拳

文面濮

文面濮其俗劓面以青畫之劓音讒

折腰濮

折腰濮其俗生子皆折其腰

赤口濮

赤口濮在永昌南其俗折其齒劓其唇使赤又露身無衣服

黑黻濮

黑黻濮在永昌西南山居耐勤苦其衣服婦人一幅布為裙或
以貫頭丈夫以穀皮為衣其境出白蹄牛犀象琥珀金桐華布
又諸濮之域皆出楛矢爾雅曰南至於濮鉛周書王會卜人丹
沙注云卜人西南之蠻丹沙所出今按卜人蓋濮人也按諸濮
地相接
故附之

交趾

交趾本漢初南越之地漢武帝平南越分其地為儋耳珠厓南
海蒼梧鬱林合浦交趾日南九真凡九郡置交趾刺史以領之
後漢置交州晉宋齊因之又為交趾郡陳亦因之隋平陳廢郡
置州煬帝初廢州置郡唐武德中改交州總管府至德中改安
南都護府朱梁正明中土豪曲承美專有其地送款於末帝因
授承美節鉞時劉陟擅命嶺表遣將李和順伐承美執之乃并

其土宇後有楊廷藝紹洪皆受廣南偽署繼為交趾節度使紹洪卒州將吳昌岌遂居其位昌岌死其弟昌文承襲宋乾德初昌文死其參謀吳處珩峰州刺史矯知護武寧州刺史楊暉牙將杜景碩等爭立管内十二州大亂部民嘯聚起為寇盜攻文州先是楊廷藝以牙將丁公著攝驩州刺史兼禦蕃都督部領即其子也公著死部領繼之至是部領與其子璉率兵擊敗處珩等賊黨潰散境内安堵部民德之乃推部領為交州帥號曰大勝王署其子璉以為節度使凡三年璉襲父位立七年聞太祖克平嶺表遂遣使貢方物上表内附制授璉檢校太師靜海軍節度使安南都護其進奉使皆命以官八年遣使貢犀象香藥是歲秋制授開府儀同三司檢校太師封交趾郡王太宗即位璉又貢方物璉死弟璿尚幼嗣立大將黎桓擅權劫遷璿於別第舉族禁錮代總其衆太宗聞之怒議舉兵弔伐太平 興

國五年詔孫全興張璿崔亮以陸路兵自邕州路入劉澄賈湜王儼等以水路兵自廣州路入是歲黎桓遣使貢方物仍為丁璿上表乞襲位上察其欲緩王師寢不報是時王師進討破賊萬餘衆斬首萬餘級 六年春又破賊於白藤江口斬首千餘級獲戰艦二百艘甲冑萬計轉運使侯仁寶率前軍先進全興等頓兵花步七十日以俟澄仁寶累促之不進澄仁及至并軍由水路至多羅村不遇賊復擅迴花步桓詐降以誘仁寶遂為其所害轉運許仲宣馳奏其事遂班師上遣使就劾澄湜儼澄尋病死湜等具伏並戮於邕州市全興至闕亦下吏坐誅餘抵罪有差仁寶贈工部侍郎 七年桓懼朝廷終行討滅復以丁璿為名遣使貢方物上表謝罪 八年桓自稱權交州三使留後遣牙將入貢上表自陳上賜詔書因而撫之仍諭以遣丁璿母子及其親屬盡室來歸當降制授卿節麾時黎桓已專據其

士不聽命是歲五月上言占城國水陸象馬數萬來寇蠻以部
兵擊走之係斬千計 雍熙二年復遣使貢方物上表求正領
節鎮三年秋又遣使入貢俗州言占城國人蒲羅遏率其族百
餘衆內附言爲交州所逼故也是歲十月制授栢檢校太保使
持節都督交州諸軍事安南都護克靜海軍節度使交州管内
觀察處置等使封京兆郡侯賜食邑功臣號 端拱元年加檢
校太尉 淳化元年加特進遣左正言直史館朱鎰往使鎰歸
關上令條列山川形勢事跡以聞鎰等具奏曰去歲秋末抵交
州境栢遣牙内都指揮使丁承正等以船九艘卒三百人至太
平軍來迎由海口入大海冒涉風濤頗歷危險經半月至白藤
徑入海汊乘潮而行凡宿泊之所有茅舍三間營葺尚新目爲
館驛至長州漸近本國栢張皇虛誕務爲誇詫盡出舟戰擢謂
之耀軍自是宵征抵海岸至交州僅十五里有茅亭五間題曰

茅徑驛至城一百里驅部民畜安種官牛數不滿千揚言十萬
又廣率其民混爲軍旅衣以雜色之衣乘船鼓噪近城之山靈
張白旗以爲陳兵之象俄而擁從栢至展郊迎之禮歛馬側身
問皇帝起居畢按轡偕行時以檳榔栢遺馬上食之此風俗待
賓之厚意也城中無居民止有茅竹屋數十百區以爲軍營而
府署湫隘題其門曰明德門栢質陋而目眇自言近歲與蠻寇
接戰墜馬傷足受詔不拜信宿之後乃張筵飲宴又出臨汊以
爲娛賓之游栢跣足持竿入水標魚每中一魚左右皆叫譟歡
躍凡有宴會預坐之人悉令解帶冠以帽子栢多衣纈及紅色
之衣帽以真珠爲飾或自歌勸酒莫能曉其辭嘗令數十人扛
大蚰長數丈饋於使館且曰若能食此當治之爲饌以獻焉又
羈送二虎以備縱觀皆却之不受士卒始三千人悉黥額曰天
子軍量以禾穗日給令自舂爲食兵器止有弓弩木牌梭槍竹

槍弱不可用栢輕佻殘忍昵比小人腹心閹豎五七輩錯立其側好狎飯以手令為樂凡官屬善其事者擢居親遊左右有小過亦殺之或鞭其背一百至二百賓佐小不如意亦捶之三十至五十黜為閹吏怒息乃召復其位有木塔其制樸陋栢一日請同遊覽地無寒氣十一月猶衣夾衣揮扇 四年進封栢交趾郡王 五年遣牙校費崇德等來修貢然栢性本凶狠負阻山河屢為寇害漸失藩臣之禮 至道元年春廣西路轉運使張觀欽州如洪鎮兵馬監押衛昭美皆上言有交趾戰船百餘艘寇如洪鎮掠居民劫廩實而去其夏栢所管蘇茂州又以鄉兵五千寇邕州所管祿山都巡檢楊文傑擊走之太宗志在撫荒服不欲問罪既而遣李若拙賫詔并美玉帶往賜既至栢郊迎然詞氣尚悻慢謂若拙曰向者劫如洪鎮乃外境蠻賊皇帝知此非交州兵不若使交果叛命當首攻番禺次擊閩

越豈止如洪鎮而已若拙從容以語折之栢頃首謝真宗即封南平王兼侍中栢遣使來貢賜詔書慰獎先是使至交州栢即以貢賦為辭因緣賦斂上聞之止令彊吏召受綸命而不復專遣使者 景德元年遣其子攝驩州刺史明提來貢懇乞恩使至本道慰撫邀許之 三年栢卒立中子龍鉞兄龍全劫庫財而遁其弟龍挺殺龍鉞自立龍兄明護率扶闡寨攻戰明提以國亂不能還詔廣州優加資給乃以邵晔為沿海安撫使令晔譬之晔貽書交州諭以朝廷威德如其自相魚肉久無定位偏師問罪則黎民盡滅矣明護懼即奉龍王軍事欲修貢詔許之乃遣弟峰州刺史明景等入貢詔授龍挺檢校太尉靜海軍節度處制等使安南都護御史大夫上柱國交趾郡王賜食邑功臣號仍賜名至忠又追贈栢中書令南越王官其進奉使太中 祥符元年東封畢加同平章事增食邑功臣號至忠遣

使入獻 三年求互市於邕州詔止仍舊制止許於廉州及如
洪寨互市蓋以邕為邊隅控扼之所或直趨內地事非便故也
至忠裁年二十六苛虐不法國人不附大校李公蘊尤為至忠
親任嘗令以黎為姓其年遂圖至忠遂殺其弟明提明昶等自
稱留後遣使奉貢上曰黎相不義而得公蘊尤而效之甚可惡
也然以蠻俗不足責遂用相故事授公蘊檢校太傅節度都護
御史大夫上柱國交趾郡王實封功臣號後加同平章事開府
儀同三司又官其進奉使其後或間歲或仍歲以方物入貢天
禧中進封南平郡王檢校太尉仁宗即位入貢加檢校太師
天聖六年卒子德政遣使告哀詔命使弔祭贈公蘊侍中南越
王授德政襲爵明道初加同平章事景祐初部人陳公永等六
百餘人內附德政遣兵千餘境上捕逐之詔遣還仍詔德政毋
輒誅殺尋遣使入貢加檢校太師 三年其甲峒及諷州門州

蘇茂州廣源州太發峒丹波縣等蠻寇邕州之思陵州西平州
石西州及諸峒略居人馬牛焚室廬而去下詔責問且令捕首
首正其罪以聞 寶元元年進封南平王 康定元年 慶曆
三年 六年七月俱遣使入貢詔官其貢使初德政發兵取占
城朝廷疑其內蓄姦謀乃訪自唐以來所通道路凡十六處令
轉運使杜杞度其要害而戍守之然其後亦未嘗寇邊前後累
貢馴象 皇祐二年邕州誘其蘇茂州韋紹嗣紹欽等三千餘
人入居省地德政表求所誘詔盡還之仍令德政約束邊方毋
得侵犯其後儂智高反德政率兵二萬由水路欲入助王師朝
廷優賜而却其兵 至和二年德政卒子日尊遣人告哀詔遣
使弔祭贈官及命日尊世襲如故事 嘉祐三年貢異獸 四
年寇欽州思廩管 五年與甲洞賊寇邕州詔知桂州蕭固轉
運使宋咸提刑李師中同議掩擊又詔安撫使余靖等發兵討

捕靖遣謀誘占城同廣南兩路兵甲趨交趾日尊惶怖上表待
罪詔未得舉兵聽其貢奉八年入貢四月以仁宗皇帝遺留
物賜日尊如同平章事神宗即位進封南平王加開府儀同三
司二年表言占城國久缺貢臣親帥兵討之虜其王詔官其
使自是日尊自帝其國僭稱法天應運崇仁至道慶成龍祥英
武睿文尊德聖神皇帝尊公蘊為太祖神武皇帝國號大越偽
改元寶象又改神武五年日尊卒子乾德嗣來告哀詔遣使
弔贈授乾德襲封如故乾德幼母黎氏號太妃與宦人李尚吉
同主國事於是知桂州沈起籍溪峒丁為王民擅納知恩借州
儂善美於內也帝慮其妄發以激蠻禍亟罷之代以劉彛乾德
乞還善美并其屬民七百人許彛又言廣源州劉紀以兵略
邕管歸化州儂智會率其子進安逆戰有功詔授進安供奉官
初廣西屯兵二十指揮交人畏之彛奏罷正兵而用槍仗手

分戍聽偏校言以為安南可取大治戈船交人來互市率皆過
絕表疏上訴亦不得通八年冬遂分三道入寇一自欽州一
自廣府一自崑崙關連陷欽連二州廉土丁八十守城皆驅令
負擔登丹巴而盡殺之又陷邕州殺守將蘇緘屠其民五萬餘
口詔以趙高為安南道行營都總管經略招討使李憲為副使
帥大軍南征尋罷憲而以宣徽南院使郭達為招討使改高副
之九年十二月破蠻决里隘次富良江蠻以精兵乘船逆戰
達擊破之殺其王子洪真乾德懼遣使奉表詣軍門納款富良
國不遠達不敢渡官軍八萬死者什六得其廣源州門
州蘇茂州及柘榔縣而還達高皆得罪詔改廣源為順州
上閣門使陶弼知州事餘皆即用其酋長乾德乞再修職貢還
所奪州縣詔報之曰卿撫有南交世受王爵而乃背德奸命切
暴邊城棄祖考忠順之圖煩朝廷討伐之舉師行采入勢蹙如
歸迹其罪尤在所絀削今遣使脩貢上章致恭詳觀詞情灼見

四庫全書 文獻通考卷三百三十一
悔朕撫綏萬國不異適遐但以邕欽廉之民遷劫炎陬久失
鄉井俟盡送還省界即以廣源等賜交州乾順初約歸三州官
吏千人久之才送民二百二十一口男子年十五以上皆刺額
曰天子兵二十以上曰投南朝婦人刺左手曰官客以舟載之
而泥其戶牖中設燭燭日行一二十里則止而偽作更鼓以報
凡數月乃至蓋以給示海道之遠也順州落南溝置戍鎮守被
罹瘴霧多病沒陶弼亦終於官朝廷知其無用乃悉以四州一
縣還之然廣源舊隸邕管羈縻本非交趾所有也 元豐五年
獻馴象二犀角象齒百 六年以追捕儂智會為辭犯歸化州
又遣其臣黎文盛來廣西辨理順安歸化境界經略熊本遣左
江巡檢成卓與議文盛稱陪臣不敢爭執詔以文盛能遵乾德
恭順之意賜之袍帶及絹五百匹仍以八隘之外保樂六縣宿
桑又峒予乾德 哲宗立加同中書門下平章事元祐中又數

上表求勿惡勿陽峒地詔不許 二年遣使入貢進封南平王
徽宗時累加開府儀同三司檢校太師大觀初貢使至京乞
市書籍有司言法不許詔嘉其慕義除禁書卜筮陰陽曆筭術
數兵書敕令時務邊機地里外餘書許買政和末又詔以交人
自熙寧以來全不生事特寬和市之禁 宣和元年加乾德守
司空 建炎元年乾德上表乞禁本道邊兵逃入省地詔令廣
西經略司約束 四年入貢邊事未寧免使人詣闕所進方物
除革靡不受餘就界所交從本路提刑司依例計價回賜其表
遞進令學士院降勅書回答自從每遇入貢即行之 紹興二
年乾德卒子陽煥立 八年陽煥卒子天祚立俱遣使弔祭贈
官襲封如故事 九年廣西帥司言乾德有側室子奔入大理
改姓趙名智之自號南平王知陽煥死大理遣還欲與天祚爭
位天祚與之敵又聞趙智之欲進奉借兵見已說諭約四詔却

之自後貢奉不絕累加功臣號 二十五年加檢校太師增食
邑孝宗即位加功臣號 隆興二年遣使尹子思等入貢 九
年復遣入貢自上即位每遣使來邊吏以聞諭使歸國至是懇
忱備至上錄其善意許焉至館於懷遠驛禮部以安南使久不
至移文客省詢訪土俗人物圖畫衣兒如舊制焉 淳熙元年
正月引見安南進奉副使 二年詔安南入貢禮意可嘉令有
司討論賜國名典故以聞於是特賜安南國名制南平王李天
祚特授依前官封安南國王仍加守謙功臣 上以天祚嗣位
四十年故厚其禮封以安南國焉舊日章奏行移止稱安南道
加封之後浸自尊大文書稱國不復可改矣押伴安南進奉梁
衍言安南入貢所過州縣差夫數多自靜江水路可至容州又
自北流遵陸一百二十里至鬱林自鬱林州水路可至廣州皆
有困脚鹽船運鹽牛車可顧自廉航海一日之程即交趾則從

靜江而南二千餘里可不役一夫而辨詔逐路帥臣詳其陳行
既而尹子思等以為涉夏水溢乞依例由欽州路以歸 二年
安南國請印以安南國王之印六字為文賜之其印比附樞密
尚書省印方二寸仍給牌皆以銅鐵塗金為飾 三年賜安南
國曆日有司言天祚已薨其子未有封爵欲作賜安南國王嗣
子龍翰 勅書從之 四年授龍翰襲爵故事其王初立即封
交趾郡王久之進南平王死則贈侍中南越王時詞臣周必大
行制曰即樂國以肇封既從世襲極真王而錫命何待次升言
不復封郡王蓋異禮也 五年上表進方物稱謝 九年廣西
經略司言安南國已辨方物投進上曰象乃無用之物經由道
路重擾吾民卻不受其入貢之物十受一光宗登極經略司言
安南國修章表備土宜貢賀詔受一分於界首交割本司言
紹興中壽皇登極貢物盡行收受今若止受十一之數却恐本

國致疑禮部勘當如隆興例全受不回賜寧宗嗣位依例賜器幣加食邑功臣號 嘉定五年龍翰薨詔遣弔祭贈官如故事以子吳昂襲封其爵位給賜如龍翰始封之制自李公蘊篡奪之後至吳昂傳八世其名曰日曰乾曰陽曰天曰龍皆有僭上之意而累朝以其僻在海隅不復與較也

石湖范氏桂海虞衡志曰今安南國地接漢九真日南諸郡及唐驩愛等州東南薄海接占城占城林邑也東海路通欽廉西出諸蠻西北通邕州在邕州東南隅去左江太平寨最近自寨正南行至梳榔花步渡富良白藤兩江四程可至又自寨東南行過舟特羅小江自諒州入六程可至自右江温潤寨則最遠由欽州渡海一日至歷代為郡縣國朝遂在化外丁氏黎氏李氏代擅其地熙寧間乾德初立其大臣用事嗾之叛 八年遂入寇陷邕欽廉三州朝廷命郭達等討之

賊驅象拒戰官軍以大刀斬象鼻象奔卻自蹂其徒大兵乘之賊潰乘勝拔梳榔縣知縣交主之壻逃伏草間窺見王師獲賊孽食之以為天神歸報其主曰苟可逃命子孫勿犯大朝大軍次富良江去都護府四十里殺偽太子擒其大將乾德大懼奉表乞降會北兵多病瘴乃詔赦交趾還其五州朝廷以達不能遂取交州黜為武衛上將軍是役也調民夫八十七萬有奇金穀稱是迄無駿功大幸自端拱迄嘉祐以來兩江州洞數為蠻所侵軼潛舉以外鄉蘇茂廣源甲洞等處入交跡者六十二村故至今長雄諸蠻乾德死子陽煥立陽煥死乾德有遺腹子屬之占城奉而立之或云有黎牟者乾德妻黨也嘗為李氏養子殺遺腹子而立冒姓李氏名天祚實 紹興九年其國人猶稱黎三 二十六年遣使入貢朝廷因以李氏官爵命之天祚貌豐哲今生三十九年矣有兄

嘗知諒州謀奪其位事覺流雪河州髡為浮屠凡與廣西帥
司及邕州通訊問用二黑漆板夾繫文書刻字於上板謂之
木夾文書稱安南都護府天祚不列銜而列其將佐數人皆
僭官稱有云金紫光祿大夫守中書侍郎同判都護府者其
意似以都護府如州郡簽廳也帥司邊州報其文書亦用木
夾桂林掌故有元祐熙寧間所藏舊案交人行移與今正同
印文曰南越國印近年乃更用中書門下之印中國之治略
荒遠邊吏又憚生事例置不問由來非一日矣其國之官稱
王宗族稱天王班凡族稱承嗣餘稱支嗣有內職外職內職
治民曰輔國太尉猶宰相也左右郎司空左右郎相左右諫
議大夫內侍負外郎以上為內職外職治兵曰樞密使金吾
太尉都領兵領兵使又有判及同判安南都護府皆為外職
仕者或科舉或任子或入貲科舉最貴工技奴婢之子孫不

許應舉入貲始為吏職再入貲補承信郎可累遷為知州在
官者無俸給但付一方之民俾得役屬耕魚以取利勝兵卸
龍武勝龍翼蟬殿光武王階捧日保勝等皆有左右每軍止
二百人橫刺字於額曰天子兵又有雄略勇捷等九軍充給
使如廂軍兵七月一踐更暇則耕種工藝自給正月七日人
給錢三百緇絹布各一疋如細綱而蒙之以綿月給禾十束
以元日犒軍人得大禾飯一拌魚鮓數枚其地多占米故以
大禾為貴正月四日酋推牛饗其臣七月五日為大節人相
慶遺官僚以生口獻其首翌日酋開宴醕之酋居樓四層上
以自居第二層御宙居之中人也第三層箇利就居之老鈴
下之屬也第四層軍士居之又有水晶宮天元殿等諸僭擬
名字門別有一樓猶榜曰安南都護府屋皆朱漆柱畫龍鶴
仙安交人無貴賤皆椎髻跣足酋平居亦然但珥金簪衣黃

衫紫裙餘皆服盤領四裙皂衫不繫腰衫下繫皂裙珥銀鐵簪曳皮履執鶴羽扇戴螺笠皮履以皮爲底施小柱以拇指夾之而行扇編鶴羽以辟蛇螺笠竹絲縷織狀如田螺最爲工緻婦人多哲與男子絕異好着綠寬袖直領皆以皂裙束之首出入以人輓車貴坐幅巾上挂大行兩夫舁之名抵鷗歲時不供先病不服藥夜不燃燈上巳日男女集會爲行列結五色綵爲毬歌而拋之謂之飛馳男女自成列女受馳男婿以定宮門有大鍾樓民訴事即撞鍾大辟或付仇家使甘心盜賊斫手足指逃亡斷手足謀叛者埋身土中露其頭旁植長竿挽竹繫其髮使其頸伸利錘一割之其頭剝標竿抄客死境外鞭尸大罵以爲背國土產生金及銀銅朱硃珠貝犀象翠羽車渠諸香及塩漆吉貝之屬果惟有甘橘香圓檳榔扶留藤新舊縣隔一小江皆出香新州故真臘地侵得之

不能造紙筆求之省地其人少通文墨閩人附海船往者必厚遇之因命之官咨以決事凡文移詭亂多自遊客出相傳其祖公蘊亦本閩人又其國土人極少半是省民南州客旅誘人作婢僕擔夫至州洞則縛而賣之一人取黃金二兩州洞轉賣入交趾取黃金三兩歲不下數百千人有藝能者金倍之知文書者又倍面縛驅行仰繫其首俾不省來路既出其國各認買主爲奴終身皆刺額上爲四五字婦人刺膏乳至肋拘繫嚴酷逃亡必殺又有秀才僧道伎術及配隸亡命逃奔之者甚多不能鼓鑄泉貨純用中國小銅錢皆商旅洩而出者按掠賣婢奴與士人遊邊及透漏錢實出外界三者法禁具在今抗弊如此盖安撫都監沿邊溪洞司不得人邊政頽靡姦軌肆行所致日滋月長未艾也及邊吏多無財用植立竊斗升癘土苟活待盡而已何暇顧邊防國事者宜痛

心疾首焉然交人自熙寧敗降後亦不復敢猖獗南陲奠枕且百年 紹興十二年妖人譚友諒竄入思浪州詐稱奉使諭下州洞天祚大恐已而帥司檄安南捕友諒邕州又以偽官告招之友諒與歸順首領二十餘人各奉其銅印地圖土物詣橫山知邕州趙愿縛友諒赴帥司斬之首領悉送還安南皆死交趾安居至今無議之者 乾道八年春上言願朝賀聖主登極詔廣西經略司貢使來者免至廷方物受什一其秋復有詔下經略司買馴象十以備郊祀鹵簿經略李德遠浩用木夾事移交趾買之蠻報不願賣願以備貢明年春余至官屢引前詔卻其貢祀期寢近朝命督象若星火蠻復款塞去象及方物將至塞下若不許貢皆引歸小蕃寧敢與朝廷為市余以其狀聞且移書時相謂欲卻其貢併象勿須可也祀以一純二精寧之此俄有金字牌下差官押伴至

闕比及桂林已秋末以十象為賀登極綱五象為進奉大禮綱表字如繩頭僅可見其象節禮物則有金御乘象羅我羅我如鞍架之狀及金裝象牙鞘金象額金銀裏象鈎連同心帶金間銀裝象額金銀裝朱纏象藤條金鍍銅裝象脚鈴裝象銅鐸連鐵索御乘象繡坐簟裝象犖牛花朶御乘象朱梯御羅我同心龍頭帶等餘物則有金銀鈔羅沉水香等大使稱中衛大夫尹子思正使承議郎李邦正副使忠翊郎阮文獻其下有職負書狀官都衙通引知客監綱孔目行首押衙教練象公長行防授官之屬此等入朝則稍更其服器使者幘頭靴笏紅鞋金帶犀帶每夸以金箱之又以香膏沐髮如漆裏細摺烏紗巾足如履韞使者乘涼轎釘較髹漆甚飭蓋得至中國盡變椎髻徒跣抵鴉之制先是 紹興二十六年嘗入貢參知政事施公大任帥桂循舊例以刺字報謁且用

行厨宴於其館餘悉罷之使者私謂衙校曰施參政惠顧厚
 今柰何悉罷去余使人諭之曰經略使司與安南都護府埒
 經略使與南平王比肩使者是都護府小官纔與桂林曹掾
 官比法當廷參不然不見也使者屈伏遂廷參其歸也至欲
 列拜余使人掖之曰免拜余奏其事且著于籍以為定制又
 辨今安南非古交趾已見輿地攷交州條下不再錄

卷之三百三十終

文獻通考卷之三百三十一

宋鄱陽 馬 端臨 貴與 著

四裔考 明蘄陽 馮 天馭 應房 校刊

南丹州蠻

南丹州蠻亦溪洞之種其地與宜州接 宋開寶七年酋帥莫
 洪璿遣使奉表求內附 九年復來貢求賜牌印詔刻印以給
 之太平 興國五年貢銀百兩賀平太原 雍熙四年洪璿族
 人莫淮閩以河池縣知縣余承鑒取其牛怒而劫掠誘群蠻為
 寇詔誅承鑒以知宜州侯汀失於備禦免官發諸州兵進討未
 至而蠻已遁詔拊諭之自是不復寇 淳化元年洪璿卒其子
 洪皓襲稱刺史遣使入貢上降優詔賜綵自洪璿領州十餘年
 歲輸白金百兩洪皓襲兄位專地利不修常貢其弟洪玩忿之
 挈妻子來奔宜州洪皓數引兵攻洪玩乃乘傳詣闕訴其事請

發兵致討上以其蠻夷但羈縻而已不欲為之興師報怨洪玩
先自稱南丹州副使以為部州團練副使給田十頃下詔戒勅
洪皓 景德二年洪皓死長子淮勅襲父任俄為其弟淮迪所
逐遂以淮迪知南丹州淮勅帥屬來奔詔宜州賜開田資給之
大中 祥符九年計撫水蠻詔淮迪約勒溪峒勿從誘脅明年
平撫水蠻淮迪等以勞進秩 景祐三年淮迪老自言願傳其
子世漸 至和元年命世漸為檢校散騎常侍權發遣州事明
年以淮迪為懷遠大將軍致仕世漸為刺史檢校功部尚書賜
袍帶錢十萬緡百疋又補其親黨數十人為檢校官如故事也
世漸死嘉祐末命其子公帳襲之有世忍者亦淮迪子也初率
其屬入內附治平初逃歸攻殺公帳奪其地自守請於朝廷願
授刺史補其親黨如故事歲輸銀百兩三命遂命為刺史皆如
其請 熙寧二年授世忍檢校禮部尚書 元豐三年入貢其

印以西南諸道武盛軍德政官家天國主為文詔以南丹州印
賜之令毀其舊印 六年遷檢校戶部尚書官其子姝九人世
忍死子公佞襲 大觀元年廣西經略使王祖道言公佞就擒
進築平允從州收文地蘭那安外習南丹八州之地併為鎮庭
孚觀州延德軍以其弟公晟襲刺史 宣和四年公晟乞以州
事傳其姝延豐願與其子歸朝詔從之仍乘驛給券 紹興三
年廣西經略安撫劉亮適言南丹公晟領賊圍打觀州燒
毀寶積監宰臣朱勝非奏此皆是崇觀及宣和以來所開新邊
近來往往棄而不守如觀州屢下本路帥臣監司相度皆以為
所據控扼不宜棄之上曰前日用事之臣貪功生事公為欺罔
其實勞民費財使遠俗不安也彥適又言公晟自添差路分鈐
轄逃去後未曾差官乞先與一職名欲於遙郡下添入知南丹
州兼溪峒都巡檢使提舉盜賊公事舊賜南丹州刺史印記今

四庫全書 廣雅釋義卷三十一
依舊行使從之而公晟未出受命至二十四年廣西經略安撫
司言願忠言莫公晟進馬與諸蠻首領並皆歸順令公晟守本
官致仕以其子延沈承襲上諭輔臣曰得南丹州非以廣地但
徭人不作過百姓安業可喜於是延沈承襲銀青光祿大夫檢
校太子賓客使持節南丹州諸軍事南丹州刺史兼御史大夫
知南丹州公事武騎尉愿忠又奏說諭到諸蠻三十一種族計
二十七州一百三十五縣四十寨一鎮三十二團一百七十九
峒皆納款函內乞作羈縻州縣實為熙朝盛事 明年又加延
沈團練防禦使三十一年廣西諸司言莫延沈恣行慘酷為諸
蠻迫逐歸投省地而死眾共推莫延廩承襲知南丹州詔依例
補授官孝宗隆興初延廩以諸蠻謀害携家歸朝廷延善管州
事經略司保奏以聞詔延善承襲知南丹州 淳熙元年南丹
州為永樂州所攻使來告急廣西阿差官齊旗榜往三州說諭

聽從和解 十四年經略司奏莫延蔭乞承襲延善官爵詔從
之寧宗 嘉定五年詔以莫延蔭男莫光照承襲知南丹州從
經略司所請也

石湖范民桂海虞衡志曰南丹在宜州西境地產奇材異藥
惡獸毒虺其人剽悍以勁木為弩聚毒傳矢中人立死宜之
高峰寨古觀州也與南丹接壤地勢極高南丹對境亦高二
壘矢可相及南丹日通市於高峰少不如意則怨毒思亂其
酋莫氏國朝命為刺史月支鹽料及守臣供給錢百五十千
比內郡自號莫大王間入宜州則禮之以列郡來已數十年
矣其說以謂宜州徼外西原黃洞武陽群小蠻即唐黃家賊
之地崇建丹使控制之然莫氏家人亦時自相攻剽今刺史
莫延善逐其弟延廩而自立延廩奔朝廷謂之出宋凡州洞
歸明皆稱出 延善淫酷不能服其類隣永樂州王氏與為仇歲相攻

乾道丁亥與王氏戰敗告急於帥司帥司遣官為和解永樂
益淬勵有勝兵萬人志滅莫氏延善乃益驕不奉法至私刻
經略安撫司及宜州溪洞司印效帥守花書行移以嚇諸蕃
落已丑歲自言州去產馬蠻不遠願與國賣馬乞於宜州置
場意欲藉朝廷任使威制永樂邊將常恭與交通至為代作
奏章至闕下不經由帥司樞密院是其說左官置司宜州余
論奏宜州密邇內地無故通道諸蠻且開邊隙不敢奉詔且
自行在所捕得常恭囚而劾奏其事朝廷大悟削籍竄之九
江永不放還外有省民冒法商販入南丹受其帖牒至內地
幹事者多桂之興安人余亦物色得其渠送獄論如法南丹
稍言

撫水蠻

撫水蠻在宜州南有縣四曰撫水曰京水曰多建曰古勞唐隸

黔南其酋皆蒙姓同出有上中下三房民則有區廖潘吳四姓
亦種水田採魚其保聚山險者雖畝田收穀粟甚少但以藥箭
射生取鳥獸盡即徙他處無羊馬桑柘地曰帚洞五十里至前
村川原稍平合五百餘家夾龍江居種稻似湖湘中有樓屋戰
棚衛以竹柵即其酋所居兵器有環刀標牌木弩善為藥箭中
者大叫信宿死得邕藥解之即活宋雍熙中數寇邊境掠取民
口畜產詔書招安補其酋蒙令地殿直蒙令札奉職咸平中又
數為寇盜止今邊臣驅逐出境其黨狡獪者凡三十餘人宜州
守將因擒送闕下上召見詰責之對曰臣等蠻獫狫小民為饑寒
所迫耳土顧謂左右曰昨不欲盡令殺戮顧無噍類矣因釋罪
賜錦袍冠帶銀綵戒勗遣還逾年酋長蒙頂等六十五人詣闕
納器甲百七十事又蒙漢誠蒙虔瑋蒙慎來朝上器甲數百及
毒箭藥誓不搔邊比歲皆遣使來貢及輸兵器乃授漢誠官賜

物有差既而侵軼如故太中祥符九年數寇宜融州界詔以知宜州董元已不善撫綏黜之仍行招撫群蠻拒命侵掠不已乃命平州刺史曹克明領兵討之傷殺甚衆蠻逃竄窮蹙酋帥蒙承貴等面縛詣軍自首悉還所掠漢口資畜軟血立誓不敢復叛乃還師詔以撫水州爲安化州撫水縣爲歸仁縣京水縣爲長寧縣自是間歲朝貢不復爲邊患寶元元年寇宜融等州發兵討之踰年乃定慶曆嘉祐間再入貢其後首領月赴宜州參謁及饋巨板每歲州四管犒及三歲聽輸所貢兵械於思立寨以其直償之適以官資遷補熙寧初知宜州錢師孟等擅裁損侵削之士人羅世念等爲亂攻殺寨官詔遣兵討之未入境明年世念等率其徒來降各拜官崇寧三年復嘯聚爲寇經略司遣兵擊却之大觀二年以三州一鎮戶口六萬一

來止詔知融州程鄰往黔南路撫諭官吏推恩有差

紹興

二年蠻酋蒙全劔等寇掠省地詔帥司討平之二十九年詔加安化上州蒙自臨等七人官勲及賜錢帛有差孝宗淳熙十一年以知宜州馬寧祖減刻蠻人生料錢鹽致令犯邊降一官十二年廣西經略司言蠻人出犯省地多用強弩藥箭本路造木弩五十架給付兩路踏射并造藥箭備用詔常切閱習石湖范氏桂海虞衡志曰安化州最鷙悍在宜州西境官月給生料鹽以拊之猶日侵省地以耕民不敢與爭州亦不敢禁頃有凌羅二將者建炎間嘗率峒兵出勤王賊曹成入廣西建大旗購二人二人遣健兵侏儒者數十輩截髮爲牧童候成兵過自半背曠弩以毒矢射之中者立死成驚懼遁去時盜滿四方廣西獨晏然者二將之力也至今南人稱之子孫有仕於州縣者

黎峒

黎峒唐故瓊管之地在大海南距雷州泛海一日而至其地有黎母山黎人居焉舊說五嶺之南人雜夷獠朱崖環海豪富無并役屬貧弱婦人服緦縵績木皮為布陶土為釜器用瓠瓢人飲石汁又有椒酒以安石榴花着甕中即成酒俗呼山嶺為黎居其間者號曰黎人弓刀未嘗去手弓以竹為弦今儋崖萬安皆與黎為境其服屬州者為熟黎其居山峒無征徭者為生黎時出與郡人互市宋至和初有黎人符護者邊吏嘗獲其奴婢十人還之符護亦嘗犯邊執瓊崖州巡檢慕容允則及軍士至是以軍士五十六人與允則來歸允則道病死詔軍士至是貸其罪 紹興三十年廣西運判鄧酢言黎州王文滿結連西峒王承聞等攻破定南寨後復犯省地遂分遣官燒蕩巢穴生擒黎賊王用賓等詔令廣西諸司撫存歸業人戶 乾道二年廣西經略轉運司言欲下瓊管及三軍守倅措置說諭黎人示以

朝廷德意威命使之自新退復省地能說諭收復者量功立賞任內有侵犯省地或逃失省民亦重責罰其先省民逃居黎峒之人守臣招誘復鄉蠲其逋稅詔從之 六年黎人王用休犯邊萬安林守巡檢孫滋等招諭之遂定 九年樂昌縣黎賊劫省民焚官舍瓊管安撫請於朝黎人王用存王承福陳顏等招降復寨有功借補官資彈壓邊面義兵統制黃文廣屢戰有功並欲推賞以澄邁縣巡檢權移駐劄樂昌縣控制黎人其省民久陷歸業蠲賦已責從之 淳熙元年詔承郎王日存等許子孫承襲以瓊州言其祖父居蔭元係入貢又自宣和以來能撫諭諸黎彈壓有勞也 八年六月瓊管司言承襲宜人二十六峒統領王氏稱其祖本化外州皇祐熙寧間歸順彈壓三十六峒捍禦隘口正係瓊管咽喉之地三世受朝廷告命至母黃氏承襲彈壓邊界用寧紹興間又說諭化外黎人各安生業莫肯

國朝 百廿一 卷之三十一 六

從亂 乾道七年受旨封宜人今年老無男有一女欲依例承襲詔王氏襲其後又以王氏之姪黃間補官守寨彈壓黎峒嘉定九年詔復許宜人王氏吳氏承襲

石湖范氏桂海虞衡志曰黎海南四郡隴土蠻也隴直雷州由徐聞渡半日至隴之中有黎母山諸蠻環居四傍號黎人內爲生黎外爲熟黎山極高常在霧靄中黎人自鮮識之久晴海氛清廓時或見翠尖浮半空下猶洪濛也山水分流四郡熟黎所居已阻深生黎之巢外人不得跡黎母之顛則雖生黎亦不能至相傳其上有人壽考逸樂不與世接虎豹守險無路可攀但覺水泉甘美絕異爾蠻去省地遠不供賦役者名生黎耕作省地供賦役者名熟黎各以所邇分隸四郡皆椎髻跣足挿銀銅錫釵腰繚花布執長靴刀長鞘弓長荷槍跬步不捨去熟黎能漢語變服入州縣墟市日晚鳴

角結隊以歸婦人繡面高髻釵上加銅環耳墜垂肩衣襟皆五色吉貝無袴襦但繫裙數重製四圍合縫以足穿而繫之群浴於川先去上衣自濯乃濯足漸升其裙至頂以身串入水浴已則裙復自頂而下身亦出水繡面乃其吉禮女年將及笄置酒會親屬女伴自施針筆涅爲極細蟲蛾花卉而以淡粟紋徧其餘地謂之繡面女婢獲則否女工紡織得中國綵帛拆取色絲和吉貝織花所謂黎錦黎單及鞍搭之類精粗有差居處架木兩重上以自居下以畜牧婚姻折箭爲定聚會亦椎鼓舞歌親死不哭不粥飯惟食生牛肉以爲哀痛之至葬則舁櫬而行令一人前行以雞子擲地雞子不破處即爲吉穴客來未相識主人先於隙間窺之客儼然矜莊始遣奴布席於地客即坐又移時主人乃出對坐不交一談少焉置酒先以惡臭穢味嘗客客食不疑則喜繼設中酒遂相

親否則遣客不復與交會飲未嘗捨刀三杯後各請弛備雖解器械猶置身傍也一語不相能則起而相戕性喜讎殺謂之捉拗所親爲人所殺後見仇家人及其洞中種類皆擒取以荔支木械之要牛酒銀餅乃釋謂之贖命土產沉水蓬萊諸香漫山悉檳榔椰子木亦產小馬翠羽黃蠟之屬與省地商人博易其有信而不受欺給商人有信則相與如至親借貸有所不吝歲望其一來不來則數數德之或負約不至自一錢以上雖數十年後其同郡人擒之以爲質枷其項關以橫木俟前負者來償乃釋負者或遠或死無辜被繫累歲月至死乃已復伺其同郡人來亦枷繫之被繫家人往負債之家痛詬責償或鄉黨率斂爲償始解凡負錢一緡次年倍責兩緡倍至十年乃止本負一緡十年爲千緡以故人不取負其一錢客或誤殺其一雞則鳴鼓告衆責償曰某客殺我一

雞當償一鬪一鬪者雌雄各一也一雄爲錢三十一雌五十一鬪每生十子五爲雄五爲雌一歲四產十雞併種當爲六鬪六鬪當生六十雞以此倍計展轉十年乃已誤殺其一雞雖富商亦償不足客其家無敢損動其一毫閩商值風水蕩去其貲多入黎地耕種不歸官吏及省民經由村洞必舍其家恃以安熟黎之地始是州縣大抵四郡各占隴之一陸其中黎地不可得亦無路通朱崖在隴南陸既不可取徑則復桴海循隴而南所謂再涉鯨波也四郡之人多黎姓蓋其裔族而今黎人乃多姓王生黎質直獷悍不受欺觸不服王化亦不出爲人患熟黎貪狡湖廣福建之姦民亡命雜焉侵軼省界常爲四郡患有王二娘者瓊州熟黎之首有夫而名不聞家饒財善用衆能制服群黎朝廷封宜人瓊管有號令必下王宜人無不帖然二娘死女能繼之其餘三郡強名小壘

實不及江浙間一村落縣邑或為黎人據其廳事治所遣人
說謝始得還前後邊吏端不敢言 淳熙元年十月指山生
黎洞首王仲期率其傍人十洞丁口千八百二十歸化仲期
與諸洞首王仲文等八十一人詣瓊管司瓊管司受之以例
詣顯應廟研石軟血約誓改過不復鈔掠犒賜遺歸瓊守圖
其形狀衣製上經略司髻露者以絳帛約髻根或以綵帛包
髻或戴小花笠皆簪二銀篦或加雉尾衣花織短衫繫花襪
裙悉跣足是其甚飾也惟王居則青布紅錦袍束帶麻鞋自
云祖父宣和中嘗納土補官賜錦袍云

海南序略

海南諸國漢時通焉大抵在交州南及西南居大海中洲上相
去或三五百里三五千里遠者二二萬里乘舶舉帆道理不可
詳知外國諸書雖言里數又非定實也其西與諸胡國接元豐

中遣伏波將軍路博德開百越置日南郡其徼外國自武帝以
來皆獻見後漢桓帝時大秦天竺皆由此道遣使貢獻及吳孫
權遣宣化從事朱應中郎康泰使諸國其所經及傳聞則有百
數十國因立記傳晉代通中國者蓋數及宋齊至者有十餘國
自梁武隋煬諸國使至踰於前代至唐貞觀以後聲教遠被自
古未通者重譯而至又多梁隋焉其無異聞亦不復更記

黃支

黃支國漢時通焉合海日南之南三萬里俗略與珠崖相類自
武帝以來皆獻見有明珠玉璧琉璃奇石異物大珠至圍二寸
以下而至圓者置之平地終日不停

哥羅

哥羅國漢時聞焉在槃槃東南亦曰哥羅富沙羅國云其王姓
失利婆羅名米失鉢羅其治城累石為之城有樓閣門有禁宮

室覆之以草國有二十四州而無縣庭列儀仗有轟以孔雀羽飾焉兵器有弓箭刀稍皮甲征伐皆乘象一隊有象百頭每象有百人衛之象鞍有鈎欄之中有四人一人執稍一人執弓矢一人執爨一人執刀賦稅人出銀一銖國無蠶絲麻紵唯出吉貝布畜有牛少馬其俗非有官者不得止髮裹頭又嫁娶初問婚惟以擯榔為禮多者至二百盤成婚時唯以黃金為財多者至二百兩婦人嫁訖則從夫姓音樂有琵琶橫笛銅鼓鐵鼓黃吹鼙擊鼓死亡則焚屍盛以金甕沉之大海

林邑

林邑國秦象郡林邑縣地漢為象林縣屬日南郡古越裳之界也在交阯南海行三千里其地縱廣可六百里去日南界四百餘里其南水步道二千餘里有西屠夷亦稱王焉馬援所植兩銅柱表漢界處也馬援北還留十餘戶於銅柱處至隋有三百餘戶姓馬土人以為流寓號曰馬留人銅

林邑國秦象郡林邑縣地漢為象林縣屬日南郡古越裳之界也在交阯南海行三千里其地縱廣可六百里去日南界四百餘里其南水步道二千餘里有西屠夷亦稱王焉馬援所植兩銅柱表漢界處也
 范熊代立熊死子逸代立其國有金山石皆赤色其中生金金夜則出飛狀如螢火又出瑇瑁貝齒吉貝沉木香吉貝者樹名其華成時如鷲毛抽以績紡作布潔白與紵布不殊亦染成五色織為斑布也沉香者土人破斷之積以歲年朽爛而心節獨在置水中則沉故曰沉香次不沉者曰棧香也又出猩猩獸日肉之美者多琥珀松脂淪入地十歲為茯苓又千歲為琥珀又云楓脂為之琥珀在地其上及傍不生草木深者或八九尺大如斛削去皮成焉初如桃膠凝成乃堅其金寶物產大抵與交趾同以博為城屋灰塗之居處為閣名曰千蘭皆開北戶以向日或東西燕定尊官有二其一曰西郡婆帝其二曰薩婆地

歌其屬官三等其一曰倫多姓次歌倫致帝次一地伽蘭外官
分為二百餘部其長官曰弗羅次曰阿倫如牧宰之差也書樹
葉為紙施椰葉為席男女皆以橫幅吉貝繞腰以下謂之千漫
穿耳貫小環貴者著華履賤者跣行自林邑扶南諸國皆然也
其王戴金花冠形如章甫加纓珞出則乘象吹螺擊鼓罩吉貝
繡以吉貝為幡旗國不設刑法有罪者使象蹋殺之林邑浦外
有不勞山罪人亦送此山令其自死其大姓號婆羅門嫁娶必
用八月女先求男由貴男而賤女也同姓還相婚姻人性凶悍
果於戰鬪有弓箭刀槊以竹為弩樂有瑟笛琵琶五弦頗與中
國同每擊鼓以警衆吹蠶以飾戎其人深目高鼻髮拳色黑婦
人椎髻四時暄暖無霜雪王死七日而葬有官者三日庶人一
日皆以函盛屍鼓舞導從輦至水次積薪焚之收餘骨王則內
金甕中沉之於海有官者以銅沉之海口庶人以瓦送之於江

男女截髮隨喪至水次盡哀而止有寡婦孤居散髮至老人皆
奉釋法文字同於天竺王事尼乾道鑄金銀人像大十圍至晉
武帝太康中又來貢獻成帝咸康二年逸死奴文篡位奴文
昔嘗北至洛陽商貨因教王作官室兵車器械王愛信之使為
將乃潛王諸子或徙或奔及王死無嗣遂自立為王乃攻旁國
并有衆四五萬至穆帝永和三年文率其衆攻陷日南今郡
遂據其地告交州刺史朱蕃交州今越南府求以日南北鄙今郡橫山
為界初徵外諸國嘗齎寶物自海路來貿貨賄而交州刺史日
南太守多貪利侵侮十折二三由是諸國怨憤且林邑少田故
貪日南之地文又襲九真今郡害士庶十八九文死子佛立猶
屯日南九真太守灌邃率兵討佛走之邃追至林邑時五月立
表日在表北影在表南九寸一分自北影之南故開北戶以向
日此大較也佛乃請降其後頻寇日南九德之郡今安南日界殺

傷甚多交州遂至虛弱至佛曾孫文敵後為扶南王子當根純
 所殺大臣范諸農平其亂而立為王死子陽邁立死子咄復名
 曰陽邁初其父陽邁母始產夢人以金籍之夷人宋文帝元嘉
 中侵暴日南九德諸郡宋九德郡今安南日南郡外宋使振武將軍元幹討
 之尅林邑陽邁父子並挺身奔逃所獲珍異皆是未名之寶又
 銷其金人得黃金數十萬斤其後累代自宋齊梁陳皆遣使朝
 貢隋文帝既平陳後遣大將軍劉方步騎萬餘人擊之其王梵
 志率其徒乘象而戰方多掘小坑草覆其上因以兵挑之梵志
 悉眾而陣方偽北走梵志逐之其象多陷轉相驚駭軍遂亂方
 縱兵擊大破之遂棄城而走方入其都獲其廟主十八枚皆鑄
 金為之蓋其有國十八葉矣方既平其國班師故地遂空梵志
 收合遺人別建國邑 唐武德中再遣使貢方物 貞觀時王
 頭黎獻馴象鏐鎖五色帶朝霞大火珠其言不恭群臣請問罪

帝赦不問又獻五色鸚鵡白鸚鵡數訴寒有詔還之頭黎死子
 鎮龍立獻通天犀 雜寶十九年摩訶慢多伽獨弒鎮龍滅其
 宗范姓絕國人立頭黎壻婆羅門為王大臣共廢之更立頭黎
 女為王諸葛地者頭黎之姑子父得罪奔真蠟女王不能定國
 大臣共迎諸葛地為王妻以女永徽至天寶三入獻大如雞卵
 狀如水晶日正午時以艾籍珠輒火出云得之羅利國至德復更號環王 元和初不朝
 獻安南都護張丹執其偽驩愛州都督斬三萬級虜玉子五十
 九獲戰船鎧

扶南

扶南國在日南郡之南海西大島中去日南可七千里在林邑
 西南三千餘里其境廣袤三千餘里國俗本裸文身被髮果反
 不制衣裳其先有女人為主號曰柳葉年少壯健有似男子其
 南有激國人名混潰來伐柳葉降之遂以為妻惡其裸露形體

乃穿疊布貫其首理其國子孫相傳至王混盤況死國人立其
大將范師夢為王夢勇健有權略以兵威伐勞國咸服屬之自
號扶南大王開地五六千里夢死國亂大將范尋自立為王是
吳晉時也土物坳下而平博氣候風俗物產大較與林邑同有
城邑宮室國王居重閣以木柵為城海邊生大若葉長八九尺
編其葉以覆屋國人亦為閣居為舩八九丈廣纔六七尺頭尾
似魚國王行乘象人皆醜黑拳髮裸身跣行耕種為務一歲種
三歲穫又好凋文刻鏤食器多以銀為之出金鋼可以刻玉狀
似紫石英其所生乃在百丈水底盤石上如鍾乳人沒水取之
竟日乃出以鐵鏈之而不傷鐵乃自損以殺羊角扣之漼然冰
泮貢賦以金銀珠香亦有書記府庫文字類胡吳時遣康泰朱
應使於尋國國人猶裸唯婦人着貫頭泰應謂曰國中實佳但
衣露可怪耳尋始令國內男子著横幅今于漫也大家乃截

錦為之貧者以布又有老鷗入海為玳瑁可以裁作馬勒謂之
西晉太始太康中皆遣使貢獻東晉時有竺旃檀稱王亦遣使
其後王姓嬌陳如本天竺婆羅門也有神語曰應王扶南嬌陳
如南至盤盤扶南人聞之迎而立焉復改制度用天竺法令其
國人居不穿并數十家共一池引汲之俗事天神以銅為像二
面者四手四面者八手手各有所持或小兒或鳥獸或日月王
坐則徧踞翹膝垂左膝至地以白疊敷前設金盆香爐於其上
居喪則剃除鬚髮人無禮義男女恣其奔隨宋齊梁並獻方物
隋時其國王姓古龍諸國多姓古龍訊耆老言崑崙無姓氏乃
崑崙之訛 隋代遣使貢獻 唐武德後頻來貢 貞觀中又
獻白頭國二人於洛陽其國在扶南之西在叅半之西南男女
生皆素首身又疑白居山洞之中四面巖崕故人莫至與叅半
國相接

頓遜

頓遜國梁時聞焉一曰在海崎山上地方千里王並羈屬扶南北去扶南河三千餘里其國之東界通交州其西界接天竺安息徼外諸國賈人多至其國市焉所以然頓遜迴入海中千餘里漲海無涯岸舶未曾得逕過也其市東西交會日有萬餘人珍物寶貨無種不有又有酒樹似安石榴採其花汁停酒瓮中數日成酒出釀香插枝便生葉都梁以衰衣國有區撥等花十餘種冬夏不衰日載數十車貨之其花燥更芬馥亦末為粉以傳身焉其俗又多鳥葬將死親賓歌舞於郭外有鳥如鷺鷥鷓鴣而紅色飛來萬許家人避之鳥食肉盡乃去燒其骨沉海中以為上行人也必生天鳥若迴翔不食其人乃自悲復以為已有穢乃更就火葬以為次行也若不能生入火又不被鳥食以為下行也

毗騫

毗騫國梁時聞焉在頓遜之外大海洲中去扶南八千里傳其王身長丈二尺頭長三尺自古來不死莫知其年其王神聖知將來事南方號曰長頭王國俗有室居衣服噉粳米其人言語小異扶南國不受估客有往者亦殺而噉之是以商旅不敢至王常樓居不血食不事鬼神其子孫生死如常人惟王不死又傳扶南東界即漲海海中有大洲洲上有諸薄國國東有馬五洲復東行漲海千餘里有燃火洲其上有樹生火中洲左近人剥取其皮紡績作布極得數尺以為手中與蕉麻無異而色微青黑若小有垢污則投火復更精潔毗騫王亦能作天竺書書可三千言說其宿命所由與佛經相似並論善事

于陀利

于陀利國在南海洲上其俗與林邑扶南略同出斑布吉貝櫛

四裔 南州 聖 文 廣 德 卷 三 百 三 十 一
榔特精好為諸國之極宋孝武世王釋婆羅那隣陀遣長史竺留施獻金銀寶器梁 天監元年其王瞿雲修跋陀羅以四月八日夢一僧曰中國今有聖主十年之後佛法大興汝若遣使貢奉禮敬則土地豐樂商旅百倍若不信我則境土不得自安初未之信既而又夢此僧曰汝若不信我當與汝往觀乃於夢中至中國拜覲天子既覺心異之施羅本工書乃寫夢中所見武帝容管飾以丹青乃遣吏并畫工奉表獻玉盤等物使人既至摸寫帝形以還其國比本畫則符同焉因盛以寶函日加禮敬後跋陀死子毗針邪跋摩立十七年遣長史毗負跋摩奉表獻金芙蓉雜香藥等 普通元年復遣獻方物

按于陀利王夢僧所言一段南史夷貊傳所載杜氏通典削之蓋梁武好佛之志通于華夷適于陀利以其時入貢佞臣黠僧遂立此說導之以納諂非事實

也島夷朝貢不過利於互市賜予豈真慕義而來諷以希旨宜無不可况所謂瞿曇修跋陀羅者本佛之徒亦欲其教之行於中土又安知其不自神其說以中帝之欲乎越蒙氏所以替武王周公者梁武豈足以當之哉

狼牙修國

狼牙修國在南海中其界東西三十日行南北二十日行北去廣州二萬四千里土氣物產與扶南略同偏多棧沉婆律香等其俗男女皆袒而被髮以吉貝為干漫其王及貴臣乃加雲霞布覆胛以金繩為絡帶金環貫耳女子則布以瓔珞繞身其國累墉為城重門樓閣王出乘象有幡毘旗鼓鞀白蓋兵衛甚嚴國人說立國以來四百餘年後嗣衰弱王務有賢者國人歸向之王聞乃枷囚執其鎖無故自斷王以為神不敢害乃逐出境

遂奔天竺天竺妻以長女俄而狼牙王死大臣迎還為王二十餘年死子婆伽達多立梁 天監十四年遣使阿撒多奉表

婆利國

婆利國在廣州東南海中洲上去廣州二月日行國界東西五十日行南北二十日行有一百三十六聚土氣熱如中國之盛夏穀一歲再熟草木常榮海出文螺紫貝有石名埧貝羅初采之柔軟及刻削為物暴乾之遂大硬其國人披吉貝如帔及為都縵乃用斑絲者以瓔珞繞身頭著金冠高尺餘形如弁綴以七寶之飾帶金裝劍偏坐金高坐以銀蹬支足侍女皆為金花雜寶之飾或持白毼拂及孔雀扇王出以象駕輿以雜香為之上施羽蓋珠簾其導從吹螺擊鼓王姓嬌陳如自古未通中國問其先及年數不能記自言白淨王夫人即其國女梁 天監十六年遣使奉表獻金席等 普通三年其王頻伽復遣使珠

智獻白鸚鵡青蟲兜鍪瑠璃器吉貝螺 杯雜香藥等數十種其國有舍利鳥通人言俗黑身朱髮而拳 鷹爪獸牙穿耳傳瑠以吉貝一幅繚于腰以夜為市自掩其面 隋大業中又遣使入貢其王姓利利邪伽名護路那婆 唐貞觀中又遣使朝貢其東即羅刹也與婆利同俗 隋煬帝遣常駿使赤土遂通中國赤土西南入海得婆羅總章 二年其王旃達鉢遣使者與環王使者偕朝環王南有珠柰者汎交趾海二月乃至與婆羅同俗 貞觀二年使者上方物 九年甘棠使者入朝國居海南十二年僧高武令迦乍鳩密四國使者朝貢僧高直水真臘西北與環王同俗其後鳩密王尸利鳩摩又與富那王尸利提婆跋摩等遣使來貢僧高等國 永徽後為真臘所并

槃槃

槃槃國梁時通焉在南海大洲中北與林邑隔小海自交州船

行四十日至其國其王曰楊栗是音栗栗父曰楊德武連以上
無得而紀百姓多緣水而居國無城皆豎木為柵王坐金龍牀
每坐諸大人皆兩手交抱肩而跽暨凡又其國多有婆羅門自
天竺來就王乞財物王甚重之其大臣曰敦郎索濫次曰崑崙
帝也次曰崑崙敦和胡財次曰崑崙敦帝索甘且其言崑崙古
龍聲相近故或有謂為古龍者其在外城者曰那延猶中夏刺
史縣令其矢以石為鏃稍則以鐵為刃有僧尼寺十所僧尼讀
佛經皆肉食而不飲酒亦有道士寺一所道士不食酒肉讀阿
脩羅王經其國不甚重之俗皆呼僧為比丘呼道士為貪 宋
元嘉孝建大明中並遣使貢獻 梁中大通元年 四年其王
使使奉表累送佛牙及畫塔并獻香物十種 六年復遣使送
菩提國舍利及畫塔圖并菩提樹葉詹糖等香 隋大業中亦
遣使朝貢

赤土國

赤土國扶南之別種也在南海中水行百餘日而達所都土色
多赤因以為號東波羅刺國西婆羅娑國南訶羅旦國北拒大
海地方數千里其王姓瞿曇氏名利富多塞不知有國遠近稱
其父釋王位出家為道傳位於利富多塞在位十六年矣有三
妻竝隣國女也居僧祇城有門三重相去各百許步每門圖畫
菩薩飛仙之象懸金花鈴旣婦人數十人或奏樂或捧金花又
飾四婦人容飾如佛塔邊金剛力士之狀夾門兩立門外者持
兵仗門內者執白拂夾道垂素網綴花王宮諸屋悉是重閣北
戶北面而坐三重之榻衣朝霞布冠金花冠垂雜寶纓珞四女
子立侍左右兵衛百餘人王榻後作一木龕以金銀五香木雜
鈿之龕後懸一金光焰夾榻又樹二金鏡鏡前竝陳金甕甕前
各有金香爐當前置一金伏牛前樹一寶蓋蓋左右皆有寶扇

四庫全書 文獻通考卷三百二十一 南州蠻
婆羅門等數百人東西重行相向而坐其官薩陀加邏一人陀
拏達又二人迦利蜜迦三人共堂政事俱羅末帝一人掌刑法
每城置那邪迦一人鉢帝一人其俗皆穿耳翦髮無跪拜之禮
以香油塗身其俗敬佛尤重婆羅門婦人作髻於項後男女通
以朝霞朝雲雜色布爲衣豪富之室恣意華靡唯金鑲非玉賜
不得服用每婚姻擇吉日女家先期五日作樂飲酒父執女手
以授婿七日乃配既娶即分財別居唯幼子與父居父母兄弟
死則剔髮素服就水上構竹木爲棚棚內積薪以屍置上燒香
建幡吹蠶擊鼓以送火焚薪遂落於水貴賤皆同唯國王燒訖
收夾貯以金瓶藏於廟屋冬夏常濕雨多蠶少種植無時特宜
稻稔白豆黑麻自餘物產多同於交趾以甘蔗作酒雜以紫瓜
限酒色黃赤味亦香美亦名椰漿爲酒 隋煬帝嗣位募能通
者大業三年屯田主事常駿虞部主事主君政等請使赤

土帝大悅遣齋物五千段以賜赤土王其年十月駿等自南海
郡乘舟晝夜二旬每日遇便風至焦石山而過東南詣陵伽鉢
拔多洲西與林邑相對上神祠焉又南行至師子石自是島嶼
連接又行二三日西望見狼牙須國之山於是南達雞籠島至
於赤土之界其王遣婆羅門鳩摩羅以舶三十艘來迎吹蠶擊
鼓樂 隋使進金鑲以纜船月鑷金合二枚貯香油金瓶八枚
貯香水白疊布四條以擬供使者盥洗其日未時那邪迦又將
象二頭持孔雀蓋以迎使人并致金盤金花以藉詔函男女百
人奏蠶鼓婆羅門二人導路至王宮駿等奉詔書上閣王以下
皆坐宣詔訖引駿等坐奏天竺樂事畢駿等還館又遣婆羅門
就館送食以草葉爲盤其大方丈因謂駿曰今是大國臣非復
赤土國矣後數日請駿等入宴儀衛導從如初見之禮王前設
兩床床上並設草葉盤方一丈五尺上有黃白紫赤四色之餅

四裔 南洋 文獻通考卷之三百三十一
牛羊魚鼈猪蝮蝟之肉百餘品延駿升床從者於地席各以金鐘置酒女樂迭奏禮遺甚厚遣那邪迦隨貢方物并獻金芙蓉冠龍腦香以鑄金為多羅葉隱起成文以為表金函封之令婆羅門以香花奏蠶鼓而送之既入海見綠魚群飛水上浮海十餘日至林邑東南竝山而行其海水色黃氣腥舟行一日不絕云是大魚糞也循海北岸達于交趾駿以明年春與那邪迦於弘農謁帝帝大悅授駿等執戟都尉那邪迦等官賞各有差

文獻通考卷之三百三十一終

文獻通考卷之三百三十二

宋鄱陽 馬 端臨 貴與 著
明蘄陽 馮 天馭 應房 校刊

四裔考 真臘

真臘國在林邑西南本扶南之屬國也去日南郡舟行六十日而南接車渠國西有朱江國其王姓利氏名質多斯那自其祖漸已強盛至質多斯那遂兼扶南而有之死子伊奢那先代立居伊奢那城郭下二萬餘家城中有一大堂是其王聽政所總三十所城有數千家各有部帥官名與林邑同其王三日一聽朝坐五香七寶床上施寶帳以文木為竿象牙金鈿為壁狀如小屋懸金光焰有同于赤土前有金香鼎命二人侍側王著朝霞吉貝瞞絡腰腹下垂至脛頭戴金寶花冠被珍珠纓絡足履革屐耳懸金璫常服白疊以象牙為屨若露髮則不加纓絡

文獻通考卷三百三十一
臣下服制大抵相類有五大臣一曰孤落友二曰相高憑三曰
婆何多陵四曰舍摩陵五曰髯羅婁及諸小臣朝於王者輒於
階下三稽首王呼上階則跪以兩手抱膊遠王環坐議政事訖
跪伏而去階庭門閣侍衛有千餘人被甲持仗其國與參半朱
江二國和親數與林邑阇栢二國戰爭其人行止皆持甲杖若
有征伐因而用之其俗非王正妻子不得為嗣王初立日所有
兄弟並刑殘之或去一指或剝其鼻別處供給不得仕進人形
小而色黑婦人亦有白者悉拳髮垂耳性氣捷勁居處器物頗
類赤土以右手為淨左手為穢每旦澡洗以楊枝淨齒讀誦經
呪又噪灑乃食食罷還用楊枝淨齒又讀經呪飲食多酥酪沙
糖糗粟米餅欲食之時先取雜肉羹與餅相和手搗而食娶妻
者唯送女人女擇日遣媒人送婦男女二家各八日不出晝夜
燃燈不息男婚禮畢即與其父母分財別居父母死小兒不婚

者以餘財與之若婚畢財物入官喪葬兒女皆七日不食剔髮
而喪僧尼道士親故皆來聚會音樂送之以五香木燒屍收灰
以金銀瓶盛送大水之內貧者或用瓦而以五綵色畫之亦有
不焚送屍山中任野獸食者其國北多山阜南有水澤地氣尤
熱無霜雪饒瘴癘毒蠱宜梁稻少黍粟果菜與日南九真相類
異者有婆羅那娑樹無花葉似柿實似冬瓜菴羅花葉似棗實
似李毗野樹花似木瓜葉似杏實似楮婆田羅樹花葉實並似
棗而小異歌畢佗樹花似林擒葉似榆而尊大實似李其大如
升自餘多同九真海有魚名建同四足無鱗鼻如象吸水噴
高五六十尺有浮胡魚形似鮓紫如鸚鵡有八足多大魚半身
出望之如山每五六月中毒氣流行即以白猪白羊於城西門
外祠之不然五穀不登畜多死人疾病近都有陵伽鉢婆山上
有神祠每以兵二千人守衛之城東神名婆多利祭用人肉其

王年別殺人以夜祠禱亦有守衛者千人其敬鬼神如此多奉佛法尤信道士佛及道士立三像於其館 隋大業十二年遣使貢獻帝禮之甚厚於後亦絕 唐武德至聖曆凡四來朝神龍後分為二半北多山阜號陸真蠟半南滌海饒陂澤號水真蠟半水真蠟地八百里王居婆羅提拔城陸真蠟或曰文單曰婆鏤地七百里王號笄屈開元天寶時王子率其屬二十六來朝拜果毅都尉大曆中副王婆彌及妻來朝獻馴象十一擢婆彌試殿中監賜名賓漢是時 德宗初即位珍禽奇獸悉縱之蠻夷所獻馴象畜苑中元會充廷者凡三十二悉放荆山之陽及元和中水真蠟亦遣使入貢文單西北屬國曰參半 武德八年使者來道明者亦屬國無衣服見衣服者共笑之無鹽鐵以竹弩射鳥獸自給 宋政和六年十二月遣進奉使奉化郎新鳩摩僧哥副使安化郎將摩君明擒噁等十四人來賜以朝

服僧哥言萬里遠蕃仰投聖化尚拘卉服未稱嚮慕之誠願許服所賜詔聽之仍以其事付史館書於策 明年三月辭去

宣和二年又遣使來朝廷封其王與占城等其年授占城王檢校司空兼御史大夫懷遠軍節度使琳州晉內觀察處置等使封占城國王其後又加封邑其地接占城之南東至海

西至蒲甘南至加囉希其縣鎮風俗與占城無異地方七千餘

里有銅臺上列銅塔二十有四鎮以八銅象各重四千斤戰象

幾二十萬馬多而小 建炎三年以郊恩制授其王金泉賓深

檢校司徒加食邑後以為常 紹興元年廣南市舶司言其國

附到蕃信與知州提舉詔勿受如可備官用即估直償之仍以

省物回賜 十七年宰臣奏其國王降制加恩事上曰日後郊

祀外國加惠可令先次檢舉庶知本朝懷遠之意其國舊與占

城鄰好歲貢金若干兩 淳熙四年五月望日占城主以舟師

襲其國都誓必報怨 慶元己未大舉入占城更立真蠟人為

主占城今亦為真臘屬國矣真里富真臘屬國也其國在西南隅東南接波斯蘭西南與登流眉為鄰所管聚落六十餘處慶元六年慶元府言其國王立二十年遣使貢表貢瑞象二及方物詔優答之仍諭本國海道遠涉今後免行入貢

羅刹

羅刹國在婆利之東其人極陋朱髮黑身獸牙鷹爪時與林邑人作市輒以夜晝日則掩其面 隋煬帝大業三年遣使常駿等使赤土至羅刹

投和

投和國隋時聞焉在南海大洲中真臘之南自廣州西南水行百日至其國王姓投和羅名脯邪乞遙理敷城覆屋以瓦並為閣而居屋壁皆以彩畫之城內皆王宮室城外人居可萬餘家王宿衛之士百餘人每臨朝則衣朝霞冠金冠耳挂金環頸挂

金涎衣涎衣足履寶裝皮履官屬有朝請將軍總知國政又有參軍功曹主簿城局金威將軍替府等官分理文武又有州及郡縣州有參軍郡有金威將軍縣有城局其為長官初至各選官察助理政事刑法盜賊多者死輕者穿耳及鼻并鑽鬢私鑄銀錢者截腕國無賦稅俱隨意貢奉無多少之限多以農商為業國人乘象及馬一國之中馬不過千疋又無鞍轡唯以繩穿頰為節制音樂則吹蠡擊鼓死喪則祠祀哭泣又焚屍以鬻盛之沉於水中若父母之喪則截髮為孝其國市六所貿易皆用銀錢小如榆莢有佛道有學校文字與中夏不同訊其耆老云王無姓名齊杖摩其屋以草覆之王所坐塔圓以佛塔以金飾之門皆東開坐亦東向 唐貞觀中遣使奉表以金匡盛之又獻金榼此皆去音金鎮寶帶犀象海物等數十品

闍婆

閩婆國在南海中其國東至海一月汎海半月至崑崙國西至
海四十五日南至海三日汎海五日至大食國北至海四日西
北汎海十五日至渤泥國又十日至三佛齊國又七日至古邏
國又七日至柴歷亭抵交趾達廣州其地平坦宜種植產稻麻
粟豆無麥民輸十一之租煮海為鹽多魚鱉雞鴨山羊兼椎牛
以食果實有木瓜椰子蕉子甘蔗芋出金銀犀牙箋沉檀香茴
香胡椒檳榔硫黃紅花蘇木亦務蠶織有薄絹絲絛吉貝布翦
銀葉為錢博易官以粟一斛二斗博金錢室宇壯麗飾以金碧
中國賈人至者待以賓館食豐潔地不產茶其酒出於椰子及
蝦蟇丹樹之中蝦蟇丹樹華人未嘗見或以桄榔檳榔釀成亦
甚香美不設刑禁雜犯罪者隨輕重出黃金以贖惟寇盜者殺
之其王椎髻戴金鈴衣錦袍躡革履坐方床官吏日謁三拜而
退出入乘象或腰輿壯者五七百輩執兵以從國人見王皆坐

俟其過乃起以王子三人為副王官有落佶連四人共治國事
如中國宰相無月奉隨時景差給土產諸物次有文吏三百餘員
目為秀才掌文簿總計財貨又有卑官始千員分主城池帑廩
及軍卒其領兵者每半歲給金十兩勝兵三萬每半歲亦給金
有差王俗婚娉無媒妁但納黃金於女家以娶之五月游船十
月游山有山馬可乘跨或乘軟兜樂有橫笛鼓板亦能舞土人
被髮其衣裳纏臂以下至於膝疾病不服藥但禱神求佛其俗
有名而無姓方言謂真珠為沒爹蝦囉謂牙為家囉謂香為崑
燉盧淋諸犀為低密 宋元嘉十二年國王師黎婆達阿陀羅
跋摩遣使奉表曰宋國大主人大吉天子足下教化一切種智
安穩大人師降伏四魔成等正覺轉尊法輪度脫衆生我雖在
遠亦霑靈潤其後遂絕宋太宗淳化三年十二月其王穆羅茶
遣使陀湛副使蒲亞理判官李陀那假澄等來朝貢陀湛云中

國有真主本國乃修朝貢之禮國王貢象牙真珠繡花銷金及繡絲絞雜色絲絞吉貝織雜色絞布檀香玳瑁檳榔盤犀裝劍藤織花簾白鸚鵡七寶飾檀香亭子其使別貢玳瑁龍腦丁香藤織花簾先是朝貢使汎船船六十日至明州定海縣掌市舶監察御史張肅先釋奉其使飾服之狀與嘗來入波斯相類譯者言云金主舶大商毛旭者建溪人數往來本國因假其鄉導來朝貢又言其國王一號曰夏至馬囉夜王妃曰落肩娑婆利本國亦署置僚屬又其方言目舶王為勃荷王妻曰勃荷比尼贖其船中婦人名眉珠椎髻無首飾以蠻布纏身顏色青黑言語不能曉拜亦如男子膜拜一子項戴金連鑲子手有金鈎以帛帶縈之名阿嚕其國與三佛齊有讐怨互相攻戰本國山多猴不畏人呼以霄霄之聲即出或投以果實則有大猴二先至上人謂之猴王猴夫人食畢群猴食其餘使既至上令有司優

待之久使還賜金幣甚厚仍賜良馬戎具以從其請其使云隣國名婆羅門有法善察人情人欲相危害者皆先知之又有摩逸國太平興國七年載寶貨至廣州海岸大觀三年閣婆復遣使入貢詔禮之如交趾建炎三年制授懷遠軍節度琳州管内觀察處制等使金紫光祿大夫檢校司空使特節琳州諸軍事琳州刺史兼御史大夫上柱國閣婆國王食邑二十四百戶食實封一千戶悉里地茶蘭固野可特授檢校司空加食邑實封以南郊加恩也自後每遇大禮必加食邑

阿羅陀

西南夷訶羅陀國宋元嘉七年遣使奉表曰伏承聖主信重三寶興立塔寺周滿世界今故遣使二人表此微心

呵羅單

呵羅單國都闍婆洲宋元嘉七年遣使獻金剛指環及鸚鵡

鳥天竺國白疊吉貝葉波國吉貝等物十年呵羅單國王毗沙
跋摩奉表曰常勝天子陛下諸佛世尊常樂安隱三達六國為
世間導是名如來是故至誠五體敬禮其後為子篡奪 十三
年又上表二十六年 文帝詔曰呵羅單婆皇婆達三國頻越
遐海教化納貢遠誠宜甄可並加除授乃遣使策命之 二十
九年又遣長史婆和沙彌獻方物

婆皇

婆皇國 宋元嘉二十六年國王舍利婆羅跋摩遣使獻方物
四十一種 文帝策命之為婆皇國二十八年 孝武孝建三
年俱遣使入貢方物以其使為振威將軍 大明三年獻赤白
鸚鵡 大明八年 明帝泰始二年俱入貢官其使

婆達

婆達國 宋元嘉二十六年國王舍利不陵伽跋摩遣使貢方

物 文帝策命之為婆達國王 二十六年二十八年復遣使
獻方物

丹丹

丹丹在多羅磨羅國西北振州東南 振州唐延德郡王姓刹利
朱厓同在島山 名尸陵伽治所可二萬餘家亦置州縣以相統領王每晨夕二
時臨朝其大臣八人號曰八座並以婆羅門為之王每以香粉
塗面身冠通天冠挂雜寶瓔珞身衣朝霞足履皮屨近則乘輿
遠則馭象其攻伐則吹蠡擊鼓無有幡旗其刑治盜賊無多少
皆殺之土出金銀白檀蘇方木檳榔其穀唯稻畜有沙牛羖羊
猪雞鶩鴨鸞鳥有越鳥孔雀果菰有蒲桃石榴瓜瓠菱蓮菜有
葱蘇蔓荳月梁中大通二年其王遣使奉表送象牙及畫塔二
驅并獻火齊珠百具雜香藥 大同元年復遣使獻金銀琉璃
雜寶香藥等物唐總章時又獻方物

邊斗

邊斗國班一云○都昆國都一云拘利國九一云○比嵩國並隋時聞
焉扶南度金隣大灣南行三千里有此四國其農作與金隣同
其人多白色都昆出好棧香藿香及流黃其藿香樹生千歲根
本甚大伐之四五年木皆朽敗唯中節堅固芬香獨存取以為
香

杜薄

杜薄國隋時聞焉在扶南東漲海中直渡海數十日而至其國
人貌白皙皆有衣服國有稻田女子作白疊華布出金銀鐵以
金為錢出雞舌香可以含以香不入衣服雞舌其為木也氣辛
而性厲禽獸不能至故未有識其樹者華熟自零隨水而出方
得之杜薄洲有十餘國城皆稱王

薄利

薄利國隋時聞焉在拘利南海灣中其人色黑而齒白眼黃赤
男女並無衣服

敦焚

敦焚洲抱朴子云敦焚洲在南海中薰綠水膠所出膠如楓脂
矣所以不可多得者止患狷狃上音詰獸啖人此獸大者重十
斤狀如水獺及頭身及佗處了無毛唯從鼻上以竟脊三尾上
有毛廣一寸許青毛長三四分許其無毛處則如韋囊人張捕
得之斬刺不傷積薪烈火縛以投火中薪盡而此獸不焦湏以
大杖打之皮不傷而骨碎都盡乃死耳

火山

火山國隋時聞焉去諸薄東五千里國中皆山皆有火雖雨不息
火中有白鼠扶南土俗傳云火洲在馬五洲之東可千餘里春
月霖雨雨止則火然洲上林木得雨則皮黑得火則皮白諸左

右洲人以春月取其木皮績以為布或作燈炷布若小穢投之火中使潔又有加營國北諸薄國西山周三百里從四月火生正月火滅火然則草木葉落如中國寒時人以三月至此山取木皮績為火浣布

無論

無論國隋時聞焉在扶南西二十餘里其國大道左右夾種枇杷樹及諸華果行其下常有玄陰十里一亭亭皆有井食麥飯飲蒲桃酒如膠若飲即以水和之味甚甘美

婆登

婆登國在林邑南海行二月東與訶陵西與迷黎車接北隣大海風俗與訶陵同種稻每月一熟有文字書於貝多葉其死者口實以金又以金釧貫於四支然後加以婆律膏及檀沉龍腦等香積薪以燔之 唐貞觀二十一年遣使朝貢

烏篤

烏篤國在中天竺南一名烏仗邦地方五千餘里百姓改實人性懦弱頗詭詐尤工禁術篤信佛法文字禮儀略同天竺自古不通中國 唐貞觀中其王達摩因陀訶斯遣使獻龍腦香

訶陵

訶陵亦曰杜婆曰闍婆在南海中東距婆利西墮婆登南瀕海北真臘木為城雖大屋亦覆椀擱象牙為床若席出瑇瑁黃白金犀象國最富有穴自湧鹽以柳花椰子為酒飲之輒醉宿昔壞有文字知星曆食無七飭有毒女與接輒苦瘡人死尸不腐王居闍婆城其祖吉延東遷於婆露伽斯城旁小國二十八莫不臣服其官有三十三大夫而大坐敢兄為最貴山中有郎卑野州王常登以望海夏至立八尺表景在表南二尺四寸 唐貞觀中與墮和羅墮婆登皆遣使者入貢太宗以璽詔優答墮

和羅巧良馬帝與之至上元間國人推女子為王號悉莫威令
整肅道不舉遺大食君聞之齎金一囊置其郊行者輒避如是
三年太子過以足躡金悉莫怒將斬之群臣固請悉莫曰而罪
實本於足可斷趾群臣復為請乃斬指以徇大食聞而畏之不
敢加兵大曆中訶陵使者三至元和八年獻僧祇奴四五色
鸚鵡頻伽鳥等憲宗拜內四門府左果毅使者讓其弟帝嘉
美並官之訖大和再朝貢咸通中遣使獻女樂墮和羅亦曰羅南距迦邏舍弗西屬海東真臘自廣州行五月乃至國多美
犀世謂墮和羅犀有二屬國曰曇陵陀洹曇陵在海洲中陀洹
一曰釋陀洹在環王西南海中與墮和羅接自交州行九十日
乃至王姓察失利名婆那字婆末無蠶桑有稻麥麻豆畜有白
象牛羊猪俗喜樓居謂為干欄以白氎朝霞布為衣親喪在室
不食番尸已則剔髮浴于池然後食貞觀時並遣使者再入

朝又獻娑律膏白鸚鵡首有于紅毛齊于翅因巧馬銅鐘帝與
之墮娑登在環王南行二月乃至東訶陵西迷黎車北屬海俗
與訶陵同種稻月一熟有文字以貝多葉寫之死者實金于口
以釧貫其體加娑律膏龍腦衆香積薪燔之

多蔑

多蔑國其人短小兄弟共娶一妻婦總髮為角辨夫之多少
唐貞觀中通焉在南邊國界周迴可一月行南阻大海西俱遊
國北波刺國東真陀桓國戶口極多置三十州不役屬他國有
州郭宮殿樓櫓並用瓦木以十二月為歲其物產有金銀銅鐵
象牙犀角朝霞朝雲其俗交易用金銀朝霞等衣服百姓二十
而稅一五穀菜蔬與中國不殊

多摩長

多摩長國居於海島東與婆鳳西與多隆南與半支跋華言五

山也北與訶陵等國接其國界東西可一月行南北可二十五日行其王之先龍子也名骨利骨利得大鳥卵剖之得一女子容色殊妙即以為妻其王尸羅劬傭伊說即其後也 唐顯慶中遣使貢獻其俗無姓王居以柵為城以板為屋坐師子坐東面坐衣物與林邑同勝兵二萬餘人無馬有弓刀甲稍婚姻無同姓之別其食器有銅鐵金銀所食尚蘇乳酪沙糖石榴蜜其家畜有羝羊水牛野獸有麀鹿等死亡無喪服之制以火焚其屍其音樂略同天竺有波那婆宅護遮菴磨石榴等果多甘蔗從其國經薩盧都思訶盧君那盧林邑等國達於交州

哥羅舍分

哥羅舍分國在南海之南接墮和羅國勝兵二萬人其王蒲越伽摩 唐顯慶五年遣使朝貢

占城

占城國在中國之西南東至海西至雲南南至真臘國北至驩州汎界海南去三佛齊五日程陸行至賓陀羅國一月程其國隸占城焉東去麻逸國二日程蒲端國七日程北去廣州便風半月程東北至兩浙一月程西北至交州兩日程陸行半月程其地東西七百里南北三千里南日施備州西曰上源州北曰烏里州國無城郭有百餘村村落戶三五百或至七百亦有縣鎮之名土地所出篋沉香檳榔烏楠木蘇木白藤黃臘吉貝花布絲絞布氎布藤篋貝多葉篋金銀鐵錠等物五穀無麥有杭米粟豆麻子官給種一斛計租百斛果實有蓮甘蔗蕉子椰子鳥獸多孔雀犀牛畜產多黃牛水牛而無驢亦有山牛不任耕耨但殺以祭鬼將殺令巫祝之曰阿羅和及狀譯之云早教他託生民獲犀象皆輸于王國人多乘象或軟布兜或於交州市馬頗食山羊水兕之肉其衣俗衣服與大食國相類無絲繭以

白氎布纏其胷垂至於足衣衫窄袖撮髮為髻散垂餘鬚於其後互市無緡錢止用金銀較量錙銖或吉貝錦定博易之直樂器有胡琴笛鼓大鼓樂部亦列舞人其王腦後髻髻散披吉貝衣戴金花冠七寶裝纓絡為飾股脛皆露躡革履無鞵婦人亦腦後撮髻無笄梳其服及拜揖與男子同王每午坐禪椅官屬謁見膜拜一而止白事畢復膜拜一而退或出游看象采獵觀漁皆數日方還近則乘軟布兜遠則乘象或乘一木杠四人舁之先令一人持檳榔盤前導從者千餘輩各執弓箭刀槍手牌等其民望之膜拜一而止日或一再出每歲稻熟王自刈一把從者及群婦女競割之其王或以兄為副王或以弟為次王設高官凡八員東西南北各二分治庶事無奉祿令其所管土俗資給之別置文史五十餘員有郎中貢外秀才之稱分掌資儲寶化等事亦無資奉但給龜魚充食及免調役而已又有司帑

廩者十二員主軍卒者二百餘員皆無月奉勝兵萬餘人月給杭米二斛冬夏衣布各三匹至五匹每夕唯王升床而卧諸臣皆寢于地尊親近之臣見王即胡跪而禮稍疎遠者但拱手而已其風俗正月一日牽象周行所居之地然後驅逐出郭謂之逐邪四月有遊船之戲定十一月十五日為冬至人皆相賀州縣以土產物帛獻其王每歲十二月十五日城外縛木為塔王及人民各以衣物香藥置於塔上焚之以祭天人有疾病旋采生藥服食地不產茶亦不知醞釀之法止飲椰子酒兼食檳榔刑禁亦設枷鎖小過以囚人拽伏於地藤杖鞭之二人左右互朴量其犯罪或五六十至一百當死者以繩係於樹用梭槍舂喉而殊其首若故殺劫殺令衆踏之或以象卷撲于地象皆素習將刑人即令豢養之人以數諭之悉能曉焉犯姦者男女共入一牛以贖死負國王物者以繩拘於荒塘物竟而後出之其

國前代罕與中國通 周顯德中其王釋利因德漫遣其臣蒲訶散貢方物有雲龍形通犀帶菩薩石又有薔薇水灑衣經歲香不歇猛火油得水愈熾皆貯以瑠璃瓶 建隆二年其王釋利因施盤遣使蒲訶散來表章書于貝多葉以香木函盛之貢犀牙龍腦香藥孔雀四大食瓶二十使回錫賚有差以器幣優賜其王三年 乾德四年開寶三年五年六年七年九年太平興國二年三年四年俱遣使入貢 六年交州黎桓上言欲以占城俘九十三人獻于京師太宗令廣州止其俘存撫之給衣服資糧遣還占城詔諭其至七年八年俱入貢 雍熙二年遣使入貢且訴為交州所侵詔荅令保國睦鄰三年入貢詹州言占城人蒲羅過為交州所逼率其族百口來附 四年秋廣州上言雷恩州開送占城人夷斯當李娘并其族一百五十人來歸分隸南海清遠縣 端拱元年廣州又言占城夷人忽宣等

族三百一人來附 淳化元年遣使貢方物且訴為交州所攻國中人民財寶皆為所掠上賜黎相詔令各守境三年遣使貢方物 至道元年其王遣使來朝貢奉表詞甚慕順且言臣本國元有流民三百散居南海曾蒙聖旨許令放還今有猶在廣州者本國舊有進奉夷人羅常占見駐廣州乞詔本州盡數點集令船舶乘便風部領歸國上覽表詔遣使廣州詢問願還者悉復使回復賜良馬二遂為常制 咸平二年景德元年俱入貢詔以良馬介冑戎器賜之四年遣使奉表來朝表函籍以文錦其使言本國舊隸文州後奔于佛逝北去舊所七百里使還賜物甚厚太中 祥符三年來貢四年遣使貢獅子詔置于苑中使者留二人蠻人以給養上憐其懷土厚以資糧遣還八年 天祐二年並遣入貢三年其使還詔賜國王銀四千七百兩并戎器鞍馬海上又有蒲端國三麻蘭國勿巡國蒲婆衆國

太平 祥符四年祀汾陰並遣使來貢蒲端國王上言伏見詔旨給賜占城使鞍勒馬大神旗各各乞如恩例有司以蒲端在占城下請賜雜綵小旗五從之 天聖八年入貢 慶曆二年獻馴象 皇祐二年貢方物表二通一以蕃書一以中國書五年 嘉祐元年俱入貢 六年獻馴象七年正月廣西經略司言占臘素不習兵與交趾鄰常苦侵軼而占城復近修武備以抗交趾將繇廣東路入貢望撫以恩信五月入貢賜白馬二熙寧元年入貢乞市驪馬詔賜白馬一令於廣州置驛以歸五年貢方物七年交趾李乾德言其王領兵三千人并妻子來降且言其國自海道抵真臘一月程西北抵交州四十日皆山路所治聚落一百五大略如州縣後討交趾以其素仇遣使詔以乘機協力蕩除使還言其國選兵七千扼賊要路其王以木葉蕃書回牒詔使上之然亦不能成功後兩國同入貢占城使者

乞避交人詔遇朔日朝文德殿分東西立望日則交人入垂拱而占城趨紫宸大燕則東西坐 元祐七年又表言如天朝討交趾願率兵掩襲朝廷以交趾數入貢不絕臣節難以興師咨敕書報之而以其使良保故倫軋舟副使傍木知突為保順郎將政和中授其王楊卜麻疊金紫光祿大夫領兼白州刺史卜麻疊言身縻化外不露祿食願得薄受俸給壯觀小蕃許之宣和元年進檢校司空兼御史大夫懷遠軍節度使琳州管内觀察處置等使封占城國王自是每遇郊恩輒降制加封邑其州所統大小州三十八通不盈三萬家甃磚為城護以石塔其戎器以標鎗旁牌竹為弓無翎箭戰則五人為甲走則同甲皆坐山多香木每歲官監民入山斫香輸官謂之身丁香如中國身丁香鹽稅之類納足聽民貿易商舶到其國則差蕃官摺黑皮為策書白字抄物數監盤上岸十取其二外聽交易 建炎元

年國王入貢遇郊恩制授檢校太傅加食邑後以為常 紹興
 二十五年其子鄒時巴蘭嗣立貢方物求封爵詔授以其父官
 乾道三年其子鄒亞娜遣使入貢詔受其獻十分之一既而福
 建市舶司言大食國人烏師點等訴占城入貢即所奪本國物
 上以爭訟却之詔學士院谷敷洪邁引崇寧故事乞用金花綾
 紙寫詔禮部郎中李燾上言當從 紹興二十五年例用白藤
 紙况今進貢非實却而不受豈宜更優其禮上曰李燾之論有
 理即用近例邁以為侵官自是與燾有隙臣僚亦言鄒亞娜承
 襲若以禮入貢則當議封既大食爭訟難即降詔侯再貢如禮
 然後賜命 乾道七年閩人有泛海官吉陽軍者飄至占城見
 其國與真臘乘象以戰無大勝負乃說王以騎戰教之弓弩騎
 射其王大悅具舟送之吉陽厚賚隨以買馬得數十疋以戰則
 克次年復來人徒甚盛瓊州不受怒歸肆行劫掠 淳熙二年

詔帥臣張拭草書付瓊管司諭以中國馬自來不許出外畧金
 遠所掠人口等自今不得生事知吉陽軍林寶慈令王三俊指
 引占城國人買馬圖利令本司取勘具奏三年占城發回所掠
 人口見存八十三人又申乞與本蕃通商詔拭行下瓊管司朝
 廷加惠外國各已有市舶司主管交易海南四郡即無通商條
 令仰遵依自來體例施行 淳熙四年五月以舟師襲真臘請
 和不許殺之遂為大讐 慶元己未真臘大舉入占城俘其主
 戮其臣僕勒殺幾無噍類更立真臘人為王

三佛齊

三佛齊國蓋南蠻之別種與占城為隣間於真臘閩婆之間所
 管十五州土產紅藤紫鉶笪沉香檳榔子無緡錢上俗以金銀
 貿易諸物因時之氣多熱少寒冬無霜雪人用香油塗身其地
 無麥有米及青白豆雞魚鵝鴨頗類中土有柳花酒椰子酒檳

椰酒皆非麴蘖所醞飲之亦醉樂有小琴小鼓崑崙奴踏曲為樂國中文字用蕃書以其王指環為印亦有中國文字上章表即用焉累甃為城周數十里用椰葉覆屋人民散居城外不輸租賦有所征伐隨時調發立酋長率領皆自備兵器糧糗汎海便風二十日至廣州如泉州舟行順風月餘亦可到國人多姓蒲習水陸戰臨敵敢死伯於諸國其國在海中扼諸蕃舟車往來之咽喉若商舶過不入即出船合戰期以必死故諸國之舟輻奏焉 唐天祐元年貢方物授其使都蕃長蒲訶粟寧遠將軍宋 建隆元年九月其王悉利胡大霞里檀遣使李遮帝來朝貢 二年夏又遣使貢方物是冬又來貢其國別號先留王李犀林男迷日來亦遣使同至貢方物三年又遣使來貢回賜以白犂牛尾白瓷器髹器錦絛鞍轡二副 開寶四年遣使以水晶火油來貢 五年又來貢 七年又貢象牙乳香薑薇水

萬年棗偏桃白沙糖水水晶指環瑠璃瓶珊瑚樹 八年又遣使入貢賜以冠帶器幣太平興國五年入貢 雍熙二年 端拱二年俱入貢 淳化三年冬廣州言三佛齊朝貢使蒲押陀黎前年自京回聞本國為閩婆所侵住南海凡一年今春乘舶至占城風信不利復還乞降詔諭本國從之 咸平六年遣使來貢且言本國建佛寺以祝聖壽願賜名及鍾上嘉其意詔以承天萬壽為寺額并鑄鍾以賜來使俱授以官太中 祥符元年其王遣使來貢詔許赴泰山陪位千朝觀壇遣賜甚厚 天禧元年遣使奉金字表貢珍珠象牙梵夾經崑崙奴使還賜禮物獎慰之 天聖六年其王遣使入貢舊制蕃國使之貢賜以間金塗銀帶時特以渾金帶賜之 熙寧十年使大首領地華伽囉來以為保順慕化大將軍賜詔寵之 元豐中使至者再率以白金真珠婆薰陸香備方物廣州愛表入言俟報乃護至

闕下天子念其道里遠每優賜遣歸 二年賜錢六萬四千緡
銀萬五百兩宮其來使乞買金帶白金器物及僧紫衣師牒皆
如所請給之 五年廣州南蕃綱首以其主管國事國王之女
唐字書寄龍腦及布與提舉市舶孫迥迥不敢受言於朝詔令
佑直輸之官而市采帛以報 元祐三年遣使入見以金蓮花
真珠龍腦撒殿官其來使 六年及紹聖中再入貢 紹興七
年有司議三佛齊國王勅告綾紙並欲用黃色餘依所賜大食
國例從之 二十六年復入貢 乾道八年國王書乞將銅搭
船雇人造瓦回蕃詔從之自後不許 淳熙五年來貢方物乞
比占城進奉例回賜從之詔免到闕令泉州管待章表通奏其
子稱 乾道四年承襲乞依舊封爵詔襲其父舊封仍賜襲衣
帶鞍馬幣帛有差

勃泥

勃泥國在京都之西南大海中去闍婆四十五日去三佛齊四
十日程去占城與摩逸各三十日程皆計順風為則其國以板
為城城中居者萬餘人所統十四州其王所居屋覆以貝多葉
民舍覆以草在玉左右者為大人王坐繩床若出即大布單坐
其上眾寡之名曰阮囊戰鬪者則持刀被甲甲以銅鑄狀若大
筒穿之於身護其腹背其地無麥有麻稻又有羊皮雞魚無蠶
絲用古貝花織成布飲椰子酒婚娉之資先以椰子酒檳榔次
之指環又次之然後以吉貝布或量出金銀成其禮喪葬亦有
棺斂以竹為輿載棄山中二月始耕則祀矣以十二月七日為
歲節地熱多風雨國人宴會鳴鼓吹笛擊鼓歌舞為樂無器皿
以竹編貝多葉為器盛食食訖棄之其國隣於底門國有藥樹
取其根煎為膏服之及塗其體兵刃所傷皆不死前代未嘗朝
貢故史籍不載宋太平 興國二年其王向打遣使貢表貢大

片龍腦米龍腦蒼龍腦玳瑁檀香象牙其表以數重小囊絨封之非中國紙類木皮簿瑩滑色微綠而長數尺闊寸餘橫卷之僅可盈握其字小細橫讀之以華言譯之云勃泥國王向打稽首拜皇帝萬歲萬歲萬歲願皇帝萬歲今遣使進貢向打稽朝廷無路得到昨有蕃人蒲蘆歇泊水口令人迎到州言自中朝來比詣閣婆國遇猛風吹其船不得去此時聞自中國來人皆大喜即造船船令蒲蘆歇導送入貢朝所遣使人只願平善見皇帝每年令人入朝每年修貢慮風吹至占城界望皇帝詔占城令有向打船到不得留臣本國別無異物乞皇帝勿怪其表文如是詔館其使於禮賓院優賜以遣之元豐五年二月其王錫理麻喏復遣使貢方物其使乞從泉州乘海舶歸國從之

注輦

注輦國東距海五千里西至西天竺千五百里南至羅蘭二千五百里北至頓田三千里自古不通中國水行至廣州約四十一萬一千四百里其國有城七重高七尺南北十二里東西七里每城相去百步凡四城用磚二城用土最中城以木為之皆植花果雜木其第一至第三城皆民居環以小河第四城四侍郎居之第五城主之四子居之第六城為佛寺百僧居之第七城即主之所居屋四百區所統有三十一部落其西十二其南八其北十一今國主相傳三世矣民有罪即命侍郎一負處治之輕者繫於木格笞五七十至一百重者則斬或以象踐殺之其宴則國主與四侍郎膜拜于階遂共坐作樂歌舞不飲酒而食肉俗衣布亦有餅餌嘗饌執事有婦人其嫁娶先用金銀指環使媒婦至女家後三日會男家親族約以土田生畜檳榔酒等稱其有無為禮女家復以金銀指環越諾布及女所服錦衣

遺墻若男欲離女則不取娉財女欲却男則倍償之其兵陣用象居前小牌次之梭槍次之長刀又次之弓矢在後四侍郎分領其衆國東南約二千五百里有采蘭池國或相侵伐地產真珠象珊瑚玻璃檀榔豆蔻吉貝布獸者山羊黃牛禽有山雞鸚鵡果有餘甘藤蘿千年棗椰子甘羅峴梅婆羅蜜之類花有白末利散絲蛇臍佛桑麗秋青苗碧婆羅瑶蓮蟬紫水蕉之類五穀綠黑豆麥稻地宜竹自昔未嘗朝貢宋大中祥符八年九月其國王羅茶羅乍遣進奉使侍郎娑里三文副使蒲加心判官翁勿防援官亞勤加等奉表來貢三文等以盤捧真珠碧玻璃升殿布於御坐前降殿再拜譯者導其言曰願以表遠人慕化之意其國主表曰臣羅茶羅乍言昨遇舸船商人到本國告稱鉅宋之有天下也二帝開基聖人繼統登封大嶽禮祀汾陰至德升聞上穹眷命臣昌期斯遇吉語幸聞輒傾就日之

誠仰露朝天之歎臣伏聞人君之御統也無遠不臻臣子之推誠也有道則服伏惟皇帝陛下功超邃古遂建大中衣裳垂而保合乾坤劍戟鑄而範圍區宇神武不殺人文化成廓明明之德以臨御下民懷翼翼之心以昭事上帝至仁不傷於行葦大信爰及於淵魚故得天鑒孔彰帝臨有赫顯今古未聞之事保邦家大定之基竊念臣微類醢雞賦如菟狗世居夷落地遠華風虛荷燭幽曾無執贄今者竊聽譯頌普及遐陬限年屬於桑榆阻躬陳於玉帛矧滄溟之曠絕在跋涉以稍難是敢傾倒赤心遙瞻丹闕任土作貢同螻蟻之冀羶委質事君比葵藿之向日謹遣專使等五十二人奉土物朝貢凡真珠衫帽各一直珠二萬一千一百兩象牙六十株乳香六十斤三文等又獻珠六千六百兩香藥三千三百斤初羅茶羅乍既聞商舶言且曰十年來海無風濤古老傳云如此則中國有聖人故遣三文等入

頁三文離本國舟行七十七晝夜歷那勿丹山婆里西蘭山至
占賓國又行六十一晝夜歷伊麻羅里山至古羅國國有古羅
山因名焉又行七十一晝夜歷加八山古不牢山舟寶龍山至
三佛齊國又行十八晝夜度蠻山水口歷天竺山至賓頭狼山
望東西王母塚距舟所將百里又行二十晝夜度羊山九皇山
至廣州之琵琶洲離本國凡千一百五十日至廣州焉詔閣門
祗候史祐之館伴凡宴賜恩例同龜茲使其年承天節三文等
請於啓聖禪院會僧以祝聖壽明年使迴降詔羅茶羅乍賜物
甚厚 天禧四年又遣使琵琶欄得麻烈祗奉方物入貢至廣州
病死守臣以其表聞詔廣州宴犒從者厚賜以遣之明年二年
其王遣使以泥金表進真珠衫帽及真珠一百五兩象牙百株
其使自言數朝貢而海風破船不達願將上等珠就龍床脚撒
殿頂戴瞻禮以申向慕之誠乃奉銀盤升殿跪散珠於御榻下

而退 景祐元年以其使蒲押陀離為金紫光祿大夫懷化將
軍還本國 熙寧十年復遣二十七人來獻碗豆珠麻珠瑠璃
大洗盤生白梅花腦錦花犀牙乳香瓶香薷薇水金蓮花木香
阿魏鵬砂丁香使副以真珠龍腦登殿跪而散之謂之撒殿既
降詔遣御藥宣勞之以使為懷化將軍保順郎將各賜衣服器
幣各賜其王錢八萬一千八百緡銀五萬二千兩

按注輦國水行至廣州約四十一萬一千四百里凡
千一百五十日而至其去中國最遠又自古未嘗相
通至太中祥符間始入貢然其表文叙述有理詞采
可觀略無島夷侏離鄙俚之談有類中土操觚文士
之筆高麗交趾反所不逮竊疑史文容有緣飾非其
實也

州眉流

州眉流國東至占臘五十程南至羅越水路十五程西至西天
竺三十五程北至程良六十程東北至羅斛二十五程南至闍
婆四十五程西南程若十五程西北至洛華二十五程東北至
廣州三十五程其俗以板爲屋跣足衣布無紳帶以白紵纏其
首貿易以金銀其主所居廣袤五里無城郭出則乘象車亦如
小駟地出犀象礪石紫釧蘇木諸藥四時炎熱無霜雪未嘗至
中國 宋咸平四年國主多須機遣使打古馬副使打臘判官
劄皮泥等九人來貢木香千斤鑰鑰各百斤胡黃連三十五斤
紫釧百斤紅氈一合花布四段蘇木萬斤象牙六十一株召見
崇德殿賜以冠帶服物及還又賜多須機詔書以敦獎之

蒲甘

宋崇寧五年蒲甘遣使入貢詔禮秩視注輦尚書省言注輦後
屬三佛齊故 熙寧中勅書以大背紙緘以匣襍今蒲甘乃大

國蕃王不可下視附庸小國欲如大食交趾諸國禮凡制詔並
書以白背金花綾紙貯以間金鍍區銀管齋用錦綃夾襍緘封
以往從之

南毗

南毗國在西南自三佛齊便風月餘可到國多風王出先差官
及兵卒百餘人持水灑地以防颶風播揚精飲食鼎以百計日
一易之有官名翰林供三飲食喜戲鬪善刀稍習弓箭鑿雜白
銀爲錢鏤官印記民用以貿易土產珍珠諸色蕃布其國最遠
番舶罕到有時羅巴智力于父子其種類也入居泉之城南自
是舶舟多至其國矣

層檀

層檀國在南海傍城距海二千里 宋熙寧四年始入貢海道
便風行百六十日經勿巡古林三佛齊國乃至廣州其王名亞

美羅亞眉蘭傳國五百年十世矣人語音如大食地春暖貴人以越布纏頭服花錦白疊布出入乘象馬有俸祿其法輕罪杖重死穀有稻粟麥食有魚畜有胡羊山羊沙牛水牛橐它馬犀象藥有木香血竭沒藥鵬砂阿魏薰陸產珍珠玻璃密沙華三酒交易用錢官自鑄三分其齊金銅相半而銀居一分禁民私鑄元豐六年使保順郎將層伽尼再至神宗念其絕遠詔頒賚如故事仍加賜白金二千兩

文獻通考卷之三百三十二終

文獻通考卷之三百三十三

宋鄱陽 馬 端臨 貴與 著

明蘄陽 馮 天馭 應房 校刊

四裔考 西

杜氏通典邊防序略曰西羌出自三苗蓋姜姓也其國近衡

山今長沙衡陽及舜徙之三危三危山在今嶺南漢金城之

西南羌地是也今金城會寧安西濱今易支續漢書云河關

鄉曲羌謂之賜支蓋析支也按漢河關縣屬金城郡則今安

善車師諸國所居無常依隨水草地少五穀產牧為業其俗

氏族無定或以父名母姓為種號妻後母納嫠嫂音如北

狄之俗故國無鰥寡種繁熾廣志云羌與北狄同其人魯鈍

披大華或至百人嫁女得高貴者聘至百犢女在古不立君臣無相

披大華或至百人嫁女得高貴者聘至百犢女在古不立君臣無相

長一強則分種為酋豪弱則為人附落更相抄掠以力為雄

殺人償死無他禁令其兵長在山谷短於平地不能持久而

果於觸突以戰死為吉利病終為不祥甚耐寒苦同之禽獸

昔夏啓之子太康失國四夷皆叛及后相立乃征畎夷即

戎也夷者四七年然後來賓至于后泄始加爵命由是服從

世啓之子后桀之亂畎夷入居邠岐之間邠今新平郡成

湯既興伐而攘之及殷室中衰諸戎皆叛至于武丁征西戎

鬼方克之武丁高宗易曰高宗伐鬼方也後漢史西羌傳云

莫敢不來王言因高宗討伐然後氏羌朝享按商頌曰捷彼

殷武奮伐荆楚深入其陽泉荆之後旅言殷道衰荆楚背叛高

宗自彼氏羌莫敢不來享莫敢不來王言成湯之特遠夷西

方氏非謂高宗時氏羌也時高宗亦代荆楚許宗不詳誤引

此詩以附合也又按竹書周王季代西戎鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

戎也武丁明帝功德又云克伐鬼方開通西域則鬼方宜是西

古公踰梁山在今好畤而避于岐下在今岐及王季遂伐西

落鬼戎竹書紀年曰武乙三十五年自是之後更代始呼鬻徒

之戎皆克之伐始呼之戎捷其三大夫也及武王伐商羗鬻

率師釋音會于牧野至穆王時戎狄不貢王乃西征犬戎獲

其五王遂遷戎于太原夷王衰弱及宣王立召秦莊公興兵

伐破之其後侵盜不已至幽王昏雷西戎寇周殺幽王於酈

山酈山今京周乃東遷洛邑及平王之末周遂陵遲戎逼諸

夏自隴山以東及乎伊洛往往有戎於是渭首有狄獯邽翼

之戎狄獯並今隴西邽邽並涇北有義渠之戎今安化洛

川有大荔之戎今洛交中渭南有驪戎應縣伊洛間有楊

拒泉臯之戎今洛交中渭南有驪戎應縣伊洛間有楊

夏盟魯後晉滅驪戎應縣是時伊洛戎強東侵曹魯襄王時

秦晉自瓜州今墩煌晉遷陸渾之戎于伊川允姓之戎遷于

渭汭允姓陰戎之祖與三苗俱故三危即瓜州也至襄王羽

晉西北二國誘而徙之遂從戎號至今為陸渾縣馬水口曰

宜祿東及鞏鞏今河南府在河南山北者號曰陰戎比自今

東至陸渾秦穆公得戎人由余遂霸西戎開地千里

戎入及晉悼公又使魏絳和諸戎復修霸業其後陰戎之種

遂以滋廣與晉伐周左傳魯昭公九年晉大夫梁丙率陰戎

使詹桓伯責晉平公曰父姓之族居于瓜州伯父惠公歸自

秦而誘以來使偪我諸姬入我郊旬戎有中國晉之咎也

後陸渾戎叛晉荀吳滅之後楚執蠻氏而盡囚其人至周

貞王八年秦厲公滅大荔取其地趙亦滅北戎韓魏後稍并

伊洛陰戎滅之其遺脫者皆走西踰汧隴汧音自是中國無

戎寇唯餘義渠種焉是為強盛屢為人患及昭王起兵滅之

始置隴西今天水隴西金城會寧比地源靈武寧朔及五原

等郡上郡焉今上郡各文銀川新秦朔方中郡延安咸寧等

侯伯征伐有功工人子爵之以為蕃服春秋時陸渾蠻氏戎種

始皇兵務東向故得繁息秦平天下蒙恬西逐諸羌出塞漢

初尚微弱景帝時研種求徙於狄道安故今隴西武帝又西

逐渡河湟初開河西置四郡今武威張掖酒泉其後先零種圍

枹罕今安鄉郡縣漢兵擊平之始置護羌校尉至宣帝代

又寇金城今金城會寧等郡地趙充國立屯田且討且招降者三

萬餘人置金城屬國以處之自後賓服後漢光武建中初寇

金城馬援討破降之徙七千口於三輔今京兆馮翊扶和帝

以後又反叛豪渣零稱天子南入益州今漢川東犯趙魏

今趙魏等郡地寇及雍城今河內郡十餘年然後破散順帝永和

中又叛漢將馬賢戰歿後段熲窮討及靈帝末方始平定自

光武以後匈奴少事唯西羌屢梗焉魏晉二代時亂關隴不

至大傷害永嘉以後吐谷渾興焉本遼東鮮卑晉時數百戶

夫

西附于陰山屬晉亂遂吞併諸羗而有其地至其孫葉延遂
 為強國後魏末其主夸呂自號可汗建官多効中國泊隋煬
 帝遣觀王雄大破之其主伏乞遠遜收其地列置郡縣鎮戍
 後轉衰弱唐初吐蕃始興焉其帥後魏末自臨松郡丞故其
 主有贊之號後魏臨松郡張掖縣高宗時遂滅吐谷渾盡有其地
 將軍薛仁貴等大敗於大非川儀鳳中工部尚書劉審禮又
 率兵十八萬敗歿於青海調露中中書令李敬玄又大敗於
 大非川武太后如意初王孝傑方大破之始復龜茲等鎮萬
 歲通天初又寇梁州都督許欽明戰歿因贊府殺其名將諸
 欽陵之後累破敗遂劣於襄時矣

羗無弋

无無弋爰劔者秦厲公時為秦所拘執以為奴隸不知爰劔何
 戎之別也後得亡歸而秦人追之藏於巖穴中得免與劔女遇

合於野女耻其狀被髮覆面羗人因以為俗遂俱亡入三河間
三河即黃河折支河湟中諸羗共畏事之推以為豪以射獵
 為事爰劔教之田畜種人依之者益眾羗人謂奴為無弋以爰
 劔嘗為奴隸故因名之其後世世為豪至爰劔曾孫忍時秦獻
 公初立欲復穆公之迹穆公霸有西忍季父印畏秦之威將其
 眾種人附落而南出析支河曲西數千里與羗絕遠不復交通
 其後子孫分別各自為種任隨所之或為犛牛種越羗是也
今越或為白馬種廣漢羗是也今梓潼遂寧或為參狼種武
犛也都羗是也今武都忍及弟舞獨留湟中忍生九子為九種舞生十
 七子為十七種羗人興盛從此起矣及忍子研立研豪健故羗
 中號其後為研種秦始皇時兵務東向故種人得以繁息秦既
 兼天下使蒙恬將兵略地西逐諸戎止却眾狄築長城以界之
 至漢景帝時研種留河率種人求守隴西塞今天水隴於是徙
西等郡也

陸攷

留河等於狄道安故至臨洮氏道並今隴西金城及武帝

征伐四夷又西逐諸羗及渡河湟築令居塞在今西平郡西北初開河

西列置四郡酒泉武威張掖通道至門隔絕羗胡於是障塞亭

遂出長城外數千里時先零羗與封養牢姐種解仇結盟如音

與匈奴通合兵十餘萬共攻令居安故地在今金城郡遂圍枹罕漢遣

將軍李息將軍討平之始置護羗校尉統領焉羗乃去湟中依

西海鹽池之左右今酒泉郡之北漢遂因山為塞河西地空稍

徙人以實之至宣帝時諸羗又相與解仇寇攻金城帝遣後將

軍趙充國將兵討之充國欲以屯田於臨羗東至浩亶浩亶縣

謀乃擊之音門臨羗縣在西平郡界務威信招降罕开及劫掠者解散虜

請即擊之天子下書令充國博議往返者三四遂兩從其志武

賢出擊羗降破數千人詔罷兵獨充國留屯田明年五月充國

奏言羗本可五萬人軍凡斬首七千六百級降者三萬一千二

百人溺湟飢死者五六千人定計遺脫與煎聶黃羗並各是俱

亡者不過四千人初置金城屬國以處降羗從爰劍種五世至

研研最豪健自後以研為種號十三世至燒當復豪健其子孫

更以燒當為種號自元帝以後數十年四夷賓伏邊塞無事至

王莽末豪滇良內侵燒當及後漢初遂寇金城隴西司徒掾班

彪上言今涼州部郡時涼州部除三輔外今安定平原皆有降

羗被髮左衽而與漢人雜處習俗既異言語不通數為小吏黠

人所見侵奪窮志無聊故致反叛夫蠻夷寇亂皆為此也請依

舊制益州部今漢川巴蜀川置蠻夷騎都尉幽州部今范陽上

置領烏桓校尉涼州部置護羗校尉皆持節領護

理其怨結歲時循行問其疾苦又數遣使驛通導動靜使塞外

羗夷為吏耳目州部因此可得儆備今宜復如舊以明威防光

武從之即以牛邯為護羗校尉及邯卒而職省 建光十一年

先零種寇臨洮今和政隴西太守馬援破降之後徙置天水今

隴西今隴西及金城扶風三郡今扶風自燒當至滇

良世居河北大允谷後徙大小榆中榆中在今金城由是始強

至於子滇吾永平初漢遣中郎將竇固等擊破降之徙七千口

置三輔而滇吾諸弟迷吾等數為寇盜章帝時馬防等討破之

於臨洮索西迷吾等悉降防乃築索西城在今和政自後或降

或叛少有寧歲和帝時迷吾子唐復將兵向塞金城守侯霸及

諸郡率兵破之羗衆折傷種人瓦解迷吾遂孤弱不滿千人遠

踰賜支河首即折支河依發羗居明年安定降羗燒何種脇諸種數

百人反叛安定郡今安定平郡兵擊滅之時西海及大小榆左

右無復羗寇隴巖相曹鳳上言隴巖縣名在今西戎為害前

世所患臣且以近事言之自建武以來其犯法者常從燒當種

起所以然者以其居大小榆土地肥美又近塞內諸種易以為

非難以攻伐南得種存種存別以廣其衆北阻大河因以為固

又有西海魚鹽之利緣山濱水以廣田畜故能强大常雄諸種

恃其權勇招誘諸胡今者衰困黨援壞沮親屬離叛餘勝兵者

不過數百流亡逃竄遠依發羗臣愚以為宜及此時建復西海

郡縣漢武時置西海郡酒泉規固二榆廣設屯田隔塞羗

胡交關之路遏絕狂狡窺欲之源又殖穀富邊省委輸之後國

家可以無一方之憂於是拜鳳為金城西部都尉將徙徙出屯

龍耆龍耆即龍支後金城長史上官鴻開置歸義建威屯田二

十七部侯霸復上置東西邯屯口五部即水名也分流左增逢

留二部帝皆從之列屯夾河合四十部其功垂立至永初中諸

郡羗叛乃罷迷唐失衆病死有一子來降戶不滿數十滇吾曾

孫麻奴初隨父東號降居安定時諸降羗布在郡縣皆為吏人

豪右所徭役積滿愁怨安帝永初九年麻奴兄弟因此遂與種人俱西出塞先零別種歸南濠滇零與種羌大為寇掠感反征西校尉任尚率諸郡兵與滇零等戰於平襄地在今天水郡尚軍大敗於是滇零自稱天子於北地招集武帝參狼上郡西河今河西川諸雜種衆遂大盛東犯趙魏南入益州遂寇鈇三輔斷隴道湟中諸縣粟石萬錢百姓死亡不可勝數諸郡屯兵救之三輔三輔即京北扶風馬城也今京北扶風開陽馮翊等郡地衆羌乘勝漢兵數挫當煎勒姐種攻沒破羗縣今西平郡鐘羗又沒臨洮今和政縣界軍營爰出無功有廢農桑乃詔任尚將吏兵還屯長安置京兆虎牙都尉於長安扶風都尉於雍今扶風郡縣如西京三輔故事至四年大將軍鄧騭議欲棄涼州虞詡曰不可今羗所以不敢入據三輔為心腹之害者以涼州在後故也其土人所以推鋒無反顧之心者為臣屬於漢故也若弃其境域徙其人衆安土重遷必生

異志如使雄豪相聚席卷而東雖虎賁為卒白起太公為將亦恐不足禦當今之計者宜令四府九卿各辟彼州數人其牧守令長子弟皆除為冗官外以勸勵答其功勤內以拘致防其邪計誠能如此則可無患於是四府皆從詔議時漢中太守鄭勤戰死羗勢轉盛遂徙金城郡居襄武漢金城郡理元居縣地今隴西郡縣是羗衆入寇河東至河內百姓相驚多南奔渡河使北軍中候朱寵將五營士屯孟津詔魏郡今魏郡地趙國今趙郡地常山今博陵郡地縵作塢堠六百一十六所羗既轉盛而二千石令長多內郡人並無守戰意皆爭上徙郡縣以避寇難朝廷從之遂移隴西徙襄武漢隴西郡理狄道縣地即今金城郡縣安定徙美陽漢美陽郡理雍定郡理臨涇縣地在今郡縣也上郡徙衙漢上郡理庸縣屬右扶風地在今郡縣也百姓戀土不樂去舊遂乃刈其禾稼發撤室屋夷營壁破積聚時連旱蝗饑荒而驅蹙劫掠流離分散

陸羽

隨道死亡咸弃捐老弱或為人僕妾喪其大半滇零死子零昌
立元初元年遣兵屯河內今河內郡通谷衝要三十三所皆為塢壁
設鳴鼓零昌進兵寇雍城今河內郡遣任尚為中郎將將羽林緹
騎五營子弟屯三輔尚臨行懷令虞詡說尚曰懷縣今河內郡
使君頻奉國命討逐寇賊三州屯兵二十餘萬人弃農桑疲苦
從役未有功效勞費日滋若此出不剋誠為使君危之尚曰憂
惶久矣詡曰兵法弱不攻強走不逐飛自然之勢也今虜皆馬
騎日行數百來如風雨去如絕弦以步追之勢不相及所以曠
日無功也為使君計者莫若罷諸郡兵令出錢數千二十人共
市一馬如此可捨甲冑馳輕兵以萬騎之眾逐數千人之虜首
尾掩截其道自窮便人利事大功立矣尚即上言用其計乃遣
輕騎鈔擊斬首數百級明年秋漢又築馮翊北界今馮翊北界
塢五百所自後類破之諸羗瓦解三輔益州益州今洋州漢無

復寇警自羗叛十餘年間兵連師老不輟寧息軍旅之費轉運
委輸用二百四十餘億府帑空竭他郡及內郡邊人死者不
可勝數并涼二州遂至虛耗并涼州郡定襄安邊馬邑
雲中上黨樂平等郡地也按秦自後隴西上郡武威張掖仍寇
盜不息等郡地也順帝 永建四年尚書僕
射虞詡上疏曰臣聞禹貢雍州之域厥田惟上上且沃野千里
穀稼殷積又有龜茲鹽池以為人利漢上郡龜茲縣有鹽池
草豐美土宜產牧北阻山河乘阨據險因渠以溉水春河漕春
即水淮也河用功省少而軍糧饒足故孝武皇帝及光武築朔
方朔郡即開西河置上郡皆為此也而元元被災眾羗內潰郡
縣兵荒二十餘年夫棄沃壤之饒捐自然之財不可謂利離山
河之阻守無險之處難以為固今三郡未復前因羗寇徙隴西
郡之人今言復三郡者當為隴西理襄武捍園陵單外長安諸

陵園也單外謂無守也而公卿容頭過身但計所費不圖其安宜開聖聽

考行所長書奏帝乃復三郡使謁者郭璜督促徙者各歸舊縣

繕城郭置候驛既而激河浚渠為屯田省內郡費歲一億計遂

令安定北地上郡及隴西金城北地今彭原安化靈武五原寧朔等郡地常儲穀粟

令周數年至 陽嘉元年以湟中地廣更增置屯田五部并前

為十部二年復置隴西南部都尉如舊制漢南部都尉在隴西郡臨洮縣今和政縣

永和中以來機為并州刺史劉乘為涼州刺史大將軍梁商謂

機等曰戎狄荒服言其荒忽無常而統領之道亦無常法臨事

制宜略依其俗今三君素性嫉惡欲分明白黑孔子曰人而不

仁嫉之已甚亂也况戎狄乎其務安羌胡防其故忍其小過機

等天性雷刻遂不能從到州之日多所擾發 五年夏且凍傳

難種羗等遂反叛金城與西塞及湟中今西平雜種羗大寇三郡西地輔於是拜馬賢為征西將軍將左右羽林五校士及諸州郡兵

十萬人討之又於扶風漢陽隴道扶風今汧陽扶風新平等地也漢陽隴道並今天水郡地作塢壁三百所置屯田以保聚百姓賢軍大敗賢及二子皆

戰沒於是東西羗遂大會鞏唐種三千餘騎寇隴西北地又燒

園陵掠關中殺傷長吏武威太守趙冲追擊冲雖戰沒而前後

多所斬獲羗由是衰耗自永和羗叛十餘年間費用八十餘億

諸將多斷盜牢廩私自潤入皆以珍寶貨賂左右上下放

縱不恤軍事士卒不得其死者白骨相望於野桓帝 延熹二

年燒當八種寇隴右以段熲為校尉將兵及湟中義從羗二千

人擊破之追討南渡河募先登懸索相引刀折矢盡且闔且行

晝夜相攻割肉食雪三十餘日遂至河首種石山山在今西平安鄉郡界

出塞二千餘里前後斬首虜并受降各萬餘人會段熲坐事徵

羗遂陸梁覆沒營塢寇患轉盛中郎將皇甫規張奐雖累破之

而寇不已復遣段熲擊之自春及秋無日不戰虜遂饑困敗散

四裔 西

文獻通考卷三百三十三

八

陽惠

凡破西羗斬首二萬三千級獲生口數萬西羗於是弭定東羗先零等自覆沒馬賢後既降又叛帝以問頰曰狼子野心難以恩納唯當白刃加領耳計其所餘三萬餘落居近塞內久亂并涼累侵三輔西河上郡已各內徙安定北地復至單危自雲中五原西至漢陽二千餘里今榆林郡即漢雲中五原郡地漢陽今天水郡匈奴種羗並擅其地是為癰疽伏疹留滯脅下如不加誅轉就滋大若以騎五千步兵萬人車三千兩三冬兩夏足以破定無慮用費為錢五十四億如此可令羗破盡匈奴長服內徙郡縣得反本土伏計永初中諸羗反叛十有四年用二百四十億永和之末復經七年用八十餘億費耗若此猶不誅盡餘孽復起于茲作害今不暫疲人則永寧無期帝許之靈帝建寧初頰與先零諸種戰斬首八千餘級頰復追之且破且追士皆重研既到涇陽原郡平原縣地餘寇四千落悉散入漢陽山谷間時張奐上言東羗雖

破餘種難盡頰性果慮輕負敗難常宜且恩降可無後悔詔書下頰頰復上言曰臣本知東羗雖衆而軟弱易制所以比陳愚慮思為永寧之筭而張奐說虜強難破宜用招降云臣兵連年累見折衄又言一氣所生不可誅盡山谷廣大不可空靜臣伏念周秦之際戎狄之害中興以來羗寇最盛誅之不盡雖降復叛今先零雜種累以反覆攻沒縣邑剽掠人物上天震怒假手行誅臣自動兵衆和師克自橋門以西落川以東今金城會寧平涼等郡之地非為深險絕域之地車騎安行無應折衄案奐駐軍二年不能平寇誕辭空說僭而無徵何以言之昔先零作寇趙充國徙居內地前當煎亂邊馬援遷三輔始服終叛至今為梗故遠識之士以為深憂今傍郡戶口單少數為羗所瘡毒而欲令降徙與之雜居是由種枳棘於良田養虺蛇於室內也故臣奉大漢之威建長久之策欲絕其本根不使能植本規三歲之費用五

十四億今適周年所耗未半而餘寇殘燼將向殄滅臣每奉詔書軍不內御願卒斯言一以任臣臨時量宜不失權便 二年類遂進營逼諸羗大敗之于瓦亭山在今平原郡蕭門縣羗衆潰東奔復聚射虎谷分守諸谷上下門又先令十人於西縣上今天水郡結竹為柵廣二十步長四十里遮之然後兵擊之窮山深谷之中處處破之斬其渠帥以下萬九千級獲畜產諸物不可勝數於是東羗悉平凡百八十戰斬三萬八千六百餘級牛馬羊驢駱駝四十二萬七千五百餘頭費用四十四億將士死者四百餘人自爰劔後子孫支分凡百五十種其九種在賜支賜支即河首以西及在 蜀漢徼北參狼在武都勝兵數千人其五十二種衰少不能自立分散為附落或絕滅無後或引而遠去其八十九種唯鐘最强勝兵十餘萬其餘大者萬餘人小者數千人更相鈔盜盛衰無常大凡 順帝時勝兵可二十萬人發羗唐

棄等絕遠未嘗徃來羗牛白馬羗在 蜀漢其種別名號皆不可知也 中平元年北地降羗先零種及抱罕河關群盜囚黃中大亂乃與漢中羗義從胡北官伯玉等反寇隴右致金城人邊章韓遂共殺金城太守韓懿攻燒州郡入寇三輔侵逼園陵詔遣破虜將軍董卓討羗大破之 興平元年馮翊降羗反寇諸縣郭汜樊稠擊破之斬首數千級

姚氏

姚弋仲南安赤亭羗人世為羗酋其饒富雄於洮梁之間七世孫填虞漢中元末寇擾西州為楊虛侯馬武所敗徙出塞虞九世孫遷那率種人內附漢朝嘉之假冠軍將軍西羗校尉歸順王處之於南安之赤亭那玄孫柯迴為魏鎮西將軍綏戎校尉西羗都督迴生弋仲少英毅衆畏而親之晉永嘉之亂東徙榆眉戎夏繼負隨之者數萬自稱護西羗校尉雍州刺史扶風公

後歸劉曜曜以為平西將軍封平襄公曜亡復事石勒勒以弋仲行安西將軍六夷左都督石氏之亡遣使降晉詔拜持節六夷大都督車騎大將軍開府儀同三司大單于高陵郡公弋仲死子襄嗣自稱大將軍大單于引兵圍關中兵敗為符生所殺襄弟萇降于生符堅以為龍驤將軍封益都侯堅敗于淮南歸長安萇叛之自稱大將軍大單于萬年秦王後襲堅執而弑之遂僭即皇帝位國號秦傳子興泓三十二年而亡

湟中月氏胡

湟中月氏胡其先大月氏之別也在張掖酒泉地月氏王為匈奴冒頓所殺餘種分散西踰葱嶺其羸弱者南入山阻依諸羗居止及漢將霍去病破匈奴取西河地闡湟中今西平郡地於是月氏來降與漢人錯居雖依附縣官而首施兩端言首施猶其從漢兵戰鬪隨勢強弱被服飲食言語略與羗同亦以父名母姓為

種其大種有七勝兵合九千餘人分在湟中及今居又數百戶

在張掖號曰義從胡後漢靈帝中平初與北宮伯玉等殺護羗

校尉冷徵金城太守陳懿遂寇亂隴右焉今天水郡以西

范曄論曰羗戎之患三代尚矣漢世方之匈奴頗為衰寡而

中興以後邊難漸大朝規失緩御之和戎帥騫然諾之信故

求初中群種羗起遂解仇嫌結盟詛陸梁三輔建號稱制東

侵趙魏之郊南入漢蜀之鄙塞湟中斷隴道燒陵園剽城市

傷敗踵係羽書日聞并涼之士持衝殘弊自西戎作逆未有

陵斥上國若斯其熾也和熹以女君親政威系外接朝議

憚兵力之損情存苟安或以邊州難援宜見損弃或懼疽食

浸淫莫知所限謀夫迴遑猛士疑慮遂從西河四郡之人雜

寓關右之縣發屋伐樹塞其戀土之人燔破積積以防顧還

之思於是諸將鄧騭任尚馬賢皇甫規張奐之徒爭設雄規

更奉征討馳騁東西奔救首尾搖動數州之境日耗千金之資至於假人增賦借奉侯王引金錢縑絲之珍徵糧粟鹽鐵之積所以賂遺購賞轉輸勞來之費前後數十巨萬或梟剋首捷摧破附落降俘載路牛羊滿山軍書未奏其利害而離叛之狀已言矣故得不酬失功不半勞官人屈竭烈士憤喪段熲受事專掌軍任蒙沒冰雪履千折之道始殆殄西種卒定東寇若乃陷擊之所殲傷追走之所崩籍其能穿窬草石自脫於鋒鏃者百不一二而張奐盛稱戎狄一氣所生不宜誅盡流血汗野傷和致妖是何言之迂乎羗雖外患實深內疾若攻之不堪是養痾於心腹也根為盡惜哉寇敵略定矣而漢祚亦衰焉嗚呼昔先王疆理九土判別畿荒知夷貊殊姓難以道御故斥遠諸華薄其貢職唯與辭要而已若二漢禦戎之方失其本矣何則先零侵境充國遷之內地宣帝時後將軍

趙充國擊先零還於金城當煎作寇馬援徙之三輔貪其暫安城郡置屬國以處降羗當前作寇馬援徙之三輔貪其暫安之勢信其馴服之情計日用之權宜忽經世之遠略豈夫識微者之為乎

氏

氏者西戎之別種在冉駹東北今通化郡廣漢之西寧德陽郡地之東北今梓潼遂北之其種非一或號青氏或號白氏或稱緄氏緄而此蓋中國人即其服色而名之也土地險阻有麻田出漆蜜銅鐵椒蠟氏人勇戇冒貨死利居於河池一名仇池方百頃四面斗絕仇池山在今同谷數為邊寇郡縣討之則依固自守其俗語不與中國及羌胡同各自有姓如中國之姓其衣服尚青俗能織布善田種畜羊豕牛馬驢騾婚姻備六禮知書疏多知中國語由與中國錯居故也元封三年氏人反遣兵討破之分徙酒泉郡昭帝元鳳初氏人復叛遣大鴻臚田廣明將三輔太常徒討破

之至後漢初氏人悉附隴蜀及隗囂滅其酋豪乃背公孫降漢隴西太守馬援上復其王侯君長賜以印綬後囂族人隗茂反攻殺武都太守氏人豪齊鐘留爲種類所敬信威服諸豪與郡丞孔奮擊茂破斬之其後亦時寇盜郡縣不足爲大患魏武之初諸氏戎或叛或伏乃令夏侯妙才討之因徙武都之種於秦川以禦蜀晉時關隴屢爲氐羌所擾孟觀西討因擒氏帥齊萬年華陰令江統深惟四夷亂華宜杜其萌乃作徙戎論曰春秋之義內諸夏而外夷狄以其言語不通贄幣不同法俗詭異種類乖殊或居絕域之外山河之表崎嶇險阻之地與中國壤土隔不相侵涉賦役不及正朔不加故曰天子有道守在四夷其氣貪婪凶悍不仁四夷之中戎狄爲甚弱則畏服強則侵叛雖聖賢之代大德之君咸未能以道化率導而以恩德柔懷也當其強也以殷之高宗賦而懲於鬼方有周文王而患昆夷

儉狃漢祖困於白登孝文軍於霸上及其弱也周公來九譯之貢中宗宣納單于之朝以元成之微而猶四夷賓服此其已然之效也故匈奴求守邊塞而侯應陳其不可單于屈膝未央蕭望之議以不臣是以有道之君不收夷狄也唯以待之有備禦之有常雖稽顙執贄而邊城不弛固守爲寇賊強暴而兵甲不加遠征期令境內獲安疆場不侵而已及至周室失統諸侯專征以大兼小轉相殘滅封疆不固而利害異心戎狄乘間得入中國或招携安撫以爲己用故申繒之禍顛覆宗周襄公要秦遽興羗戎當春秋時義渠大荔居秦晉之域陸渾戎處伊洛之間搜瞞之屬瞞害及濟東侵入齊宋陵虐邢衛齊桓攘之存亡繼絕北伐山戎以開燕路故仲尼稱管仲之力嘉左衽之功逮至春秋之末戰國方盛楚吞蠻氏晉剪陸渾趙開渝中之地秦滅義渠之種始皇帝之并天下也南兼百越北走匈奴

五嶺長城戍卒億計雖師役煩殷寇賊橫暴然一切之功戎虜奔却當時中國無復四夷也漢興都長安關中之郡號曰三輔禹貢雍州宗周豐鎬之舊也及建武中以馬援領隴西太守討叛羌徙其餘種於關中居馮翊河東空地而與華人雜處數代之後族類蕃息既恃其強且苦漢人侵之永初之元騎都尉王弘使西域調發羌氏以為行衛於是群羌奔駭互相扇動二州之戎一時俱發覆沒將守屠破城邑鄧騭之征弃甲委兵輿屍喪帥前後相繼諸戎遂熾至於南入蜀漢東掠趙魏唐突軹關今濟源縣侵及河內今地乃建北軍中候朱寵將五營士卒於孟津今河陽縣距羌十年之中夷夏俱弊任尚馬賢僅乃克之此所以為害尤重累年不定者雖由禦之者無方將非其才亦豈不以寇發心腹害起肘腋疹篤難療瘡大遲愈之故哉自此之後餘燼小有際會輒復侵叛馬賢怛快終於覆敗段熲臨衝自西徂東

雍州之戎常為國患中代之寇唯此為大漢末之亂關中殘滅魏興之初與蜀分隔疆場之戎一彼一此魏武令夏侯妙才討叛氐阿貴千萬等後因技棄漢中遂徙武都之種於秦川欲以弱寇強國捍禦蜀虜此蓋權宜之計一時之勢非所以為萬代之利也今者當之已受其弊矣夫關中土沃物豐廩田上上加以涇渭之流溉其為鹵鄭國白渠灌浸相通黍稷之饒畝號一鐘帝王之都每以為居未聞戎狄宜在此土也非我族類其心必異戎狄志態不與華同而因其衰弊遷之畿服士庶翫習侮其輕弱使其怨恨之氣毒於骨髓至於蕃育衆盛則生其哀心以貪悍之性挾憤怒之情候隙乘便輒為橫逆而居封域之內無障塞之隔掩不備之人收散野之積故能為禍滋蔓暴害不測此必然之勢已驗之事也當今之宜宜及兵威方盛衆未能定徙馮翊今郡地北地今郡地新平今郡地安定今郡地界內諸羌著先零罕

開析支之地徙扶風今郡地始平今金坂武京兆之氏今京兆地出
 還隴右著陰平今郡地武都之界武都今郡地廩其道路之糧令足自
 致各附本種反其舊土使屬國撫夷就安集之戎晉不雜並得
 其所上合往古即序之義下為盛代未久之規縱有猾夏之心
 風塵之警則遠絕中國隔閡山河雖為寇暴所害不廣是以充
 國子明能以數萬之衆制群羗之命有征無戰全軍獨克雖有
 謀謨深計廣大遠圖豈不以華夷異處戎夏區別要塞易守之
 固得其成功者哉難者曰方今關中之禍暴兵二載征戍之勞
 老師十萬水旱之害荐飢累荒疫癘之災扎瘥天昏凶逆既戮
 悔惡初附且欵且畏咸懷危懼百姓愁苦異人同慮冀寧息之
 有期若枯旱之思雨誠宜鎮之以安悅而子方欲作役起徒興
 功造事使疲悴之衆徒自猜之寇以無穀之人遷乏食之慮恐
 勢盡力屈緒業不卒羗戎離散心不可一前害未及弭而後變

復橫出矣若曰羗戎猾夏擅相署號攻城野戰傷害牧守連兵
 聚衆載離寒暑矣而今異類瓦解同種土崩老幼擊虜丁壯降
 散禽離獸逆不能相一子以此等為尚挾餘資悔惡反善懷我
 德惠而來柔附乎將勢窮道盡智力俱困懼我兵誅以至於此
 乎曰無有餘力勢窮道盡故也然則我制其短長之命而令其
 進退由已矣夫樂業者不易事安居者無遷志方其自疑危懼
 畏怖促遽故可制以兵威使之左右無違也迨其死亡流散離
 邊未鳩與關中之人戶皆為讎故可遐遷遠處令其心不懷上
 也夫聖賢之謀事也為之於未有理之於未亂道不著而平德
 不明而成今子遭弊事之終而不圖更制之始愛易輒之勤得
 覆車之軌何哉且關中之人百萬餘口率其少多戎狄居半處
 之遷之必須口實若有窮乏糝粒不繼者故當仰關中之穀以
 全生生之計必無擠於溝壑而不為侵掠之害今我遷之傳食

而至附其種族自使相贈而秦地之人得其半穀此為濟行者
以厚糧遺居者以積倉寬關中之逼去盜賊之源除朝夕之損
建終年之益若憚暫舉之小勞而忘永遠之弘策惜日月之煩
費而遺累代之寇敵非所謂能開物成務創業垂統崇本拓跡
謀及子孫者也并州之胡本實匈奴桀惡之寇也漢官乏代凍
餒殘破國內五裂後合為二呼韓耶遂衰弱孤危不能自存依
阻塞下委質柔服建武中南單于復來降附遂令入塞居於漠
南數代之後亦輒叛戾故何熙梁觀戎車屢征中平中靈帝以
黃巾賊起發調其兵部衆不從而殺羗渠南單于也由是以扶羅渠
之求助於漢以討其賊仍值代表喪亂遂奔疊而作鹵掠趙魏寇
至河南建安中又遣右賢王去卑誘質呼厥泉於赫羅聽其部
落散居六部太原西上黨縣平地今鄆地新威熙之際以一部
太極分為三率秦始之初又增為四於是劉猛內叛蓋即元海之

之連結外虜近者郝散之變發於穀遠惠帝元康中匈奴都
陸即今用城今五郝之衆戶至數萬人口之盛過於西戎然其
天性驍勇弓馬便利倍於氐羗若有不虞風塵之慮則并州之
城可為寒心也榮陽句驪本居遼東塞外正始中幽州刺史毋
丘儉伐其叛者徙其餘種戶落百數子孫孳息孳音今已千計
數代之後必至殷熾今百姓失職猶或亡叛犬馬肥充則有噬
齧况於夷狄能不為變夫為邦者患不在貧而在不均憂不在
寡而在不安以四海之廣士庶之富豈須夷虜在內然後取足
哉此等皆可申論發遣還其本域慰彼羈旅懷土之思釋我華
夏纖芥之憂惠此中國以綏四方也未及十年而夷狄亂華時
人服其深識於是戎狄迭據中原其為戰國者百三十六載而
劉元海為之禍首初後漢建安中氐酋楊勝為部落大帥滕子
駒勇捷多計略始據仇池於上平地立宮室東園倉庫其地東

接秦嶺西接宕昌八百里南去漢中四百里北至岐州三百里

戶本有十萬漸分滅焉駒後有名千萬者魏拜為百頃氏主

千萬孫飛龍漸強盛晉武帝假平西將軍還居略陽揚氏與符氏同出略

陽也各物人今天無子養外甥令狐茂搜為子晉惠帝元康初避

齊萬年之亂率部落還保百頃自號右賢王閩中人士奔流者

多依之自茂搜至姪曾孫纂皆降附於晉受官爵符堅遣將揚

安符雅等討纂克之徙其人於關中空百頃之地初茂搜孫宋

奴二子佛奴佛狗奔符堅以女妻佛奴子定以為尚書領軍將

軍及堅敗於淮南關中擾亂定盡力奉堅堅死將家奔隴右徙

理歷城歷城在今同谷西置倉儲於百頃招合夷夏人得千

餘家進平天水略陽郡天水略陽並郡地遂有秦州之地今天水

郡陰平後與乞佛乾歸戰定軍敗見殺佛狗子盛先襲位分諸

四山氏羌為二十部護軍各為鎮戍不置郡縣至子難當時宋

梁州刺史理漢甄法護刑政不理難當舉兵襲梁州法護委鎮

奔洋州洋州今難當遂有漢中之地宋文帝元難當自為大秦王

號年曰建義置百官後傾國南寇規有蜀土不克乃還宋文帝

遣龍驤將軍裴方明等討難當方明等至漢中長驅而進直到

武興攻下辨今同谷取白水克仇池難當於是將妻子奔後

魏難當從弟文度自立為武王後魏遣將皮歡喜破殺之弟文

弘自為武都王至孫紹先為後魏將邢蠻傳堅眼所破滅以其

國為武興鎮今同谷後改鎮為東益州後唐末為刺史氏人反攻

圍州城永歿氏遂削平城堞因此復為氏地西魏文帝 大統

四年南岐州氏符安壽反攻陷武都自號大皇遣侯莫陳順等

討破之周文帝於武興又置東益州以紹先子辟邪為刺史辟

邪據州反吐羅協與趙超討平之

符氏

符洪字廣世略陽臨渭氏人世爲西戎酋長始其家池中蒲生長五丈五節如竹形時咸謂之蒲家因以爲氏父懷歸爲部落小帥先是隴右大雨百姓謠曰雨若不止洪水必起故因名洪好施多權略驍武善騎射晉末嘉之亂宗人蒲光等推洪爲盟主劉曜僭號長安洪歸曜拜率義侯曜敗洪西保隴山又降于石虎拜冠軍將軍委以西方之事累有戰功封西平郡公其部下賜爵關內侯者二千餘人虎死洪降晉有衆十萬詔以爲征北大將軍都督河北諸軍事冀州刺史廣州郡公洪以讖文有草付應王遂改姓符氏自稱大將軍大單于王秦王洪死子健去秦王之號稱晉官爵遣使告喪自稱晉安西大將軍雍州刺史率衆西行入潼關取長安遂僭即皇帝位國號秦傳生堅不登五世四十四年而亡

